


Princeton University Library



32101 072236019




بوستيف السبعيني



لمحقة قلب الزوجا

مسرحية - فكاهية - في ثلاثة فصول



al-Sibā'i, Yūsuf



يوسف السباعي

Jam'iyat qatl



بَعْقِيَّةٌ قَبْلُ الزَّوْجِ

مسرحية . فكاهية . في ثلاثة فصول

ملتزم الطبع والنشر

مكتبة النهضة المصرية

للمؤلف

- | | | |
|---|----------------------------|--------------------|
| الناشر: دار التوزيع والطباعة والنشر
طبع في شركة فن الطباعة | الطبعة الأولى
سنة ١٩٤٧ | } أطيف |
| الناشر: مكتبة الخانجي
طبع في شركة فن الطباعة | الطبعة الثانية
سنة ١٩٥١ | |
| الناشر: دار التوزيع والطباعة والنشر
طبع في شركة فن الطباعة | الطبعة الأولى
سنة ١٩٤٧ | } نائب عزرائيل |
| الناشر: مكتبة الخانجي
طبع في شركة فن الطباعة | الطبعة الثانية
سنة ١٩٥٢ | |
| الناشر: مكتبة الخانجي
طبع في شركة فن الطباعة | الطبعة الأولى
سنة ١٩٤٨ | } اثنتا عشرة امرأة |
| الناشر: مكتبة الخانجي
طبع في شركة فن الطباعة | الطبعة الثانية
سنة ١٩٥٠ | |
| الناشر: مكتبة الخانجي
طبع في شركة فن الطباعة | الطبعة الثالثة
سنة ١٩٥٢ | |
| الناشر: دار النشر العربية
طبع في دار الاحد بيروت : لبنان | الطبعة الأولى
سنة ١٩٤٨ | } حبايا الصدور |
| الناشر: مكتبة الخانجي
طبع في شركة فن الطباعة | الطبعة الثانية
سنة ١٩٥١ | |
| الناشر: مكتبة الخانجي
طبع في شركة فن الطباعة | الطبعة الأولى
سنة ١٩٤٨ | } يأمة ضحك |
| الناشر: مكتبة الخانجي
طبع في شركة فن الطباعة | الطبعة الثانية
سنة ١٩٥٠ | |
| الناشر: مكتبة الخانجي
طبع في شركة فن الطباعة | الطبعة الأولى
سنة ١٩٤٩ | } اثنا عشر رجلا |
| الناشر: مكتبة الخانجي
طبع في شركة فن الطباعة | الطبعة الثانية
سنة ١٩٥١ | |
| الناشر: مكتبة النهضة
طبع في مطبعة السعادة الكبرى | الطبعة الأولى
سنة ١٩٤٩ | } أرض النفاق |
| الناشر: مكتبة النهضة
طبع في مطبعة مصر | الطبعة الثانية
سنة ١٩٥٢ | |

- الناشر : دار الفكر العربي
 طبع في شركة فن الطباعة
- الناشر : دار الفكر العربي
 طبع في شركة فن الطباعة
- الناشر : مكتبة الخانجي
 طبع في شركة فن الطباعة
- الناشر : دار الفكر العربي
 طبع في شركة فن الطباعة
- الناشر : دار الفكر العربي
 طبع في شركة فن الطباعة
- الناشر : مكتبة الخانجي
 طبع في شركة فن الطباعة
- الناشر : مكتبة الخانجي
 طبع في شركة فن الطباعة
- الناشر : دار الفكر العربي
 طبع في مطبعة الاعتماد
- الناشر : مكتبة الخانجي
 طبع في شركة فن الطباعة
- الناشر : مكتبة الخانجي
 طبع في شركة فن الطباعة
- الناشر : دار الفكر العربي
 طبع في شركة فن الطباعة
- الناشر : مكتبة الخانجي
 طبع في شركة فن الطباعة
- الناشر : دار الفكر العربي
 طبع في شركة فن الطباعة
- الناشر : مكتبة الخانجي
 طبع في شركة فن الطباعة
- الطبعة الأولى
 سنة ١٩٤٩
- الطبعة الثانية
 سنة ١٩٥١
- الطبعة الأولى
 سنة ١٩٤٩
- الطبعة الأولى
 سنة ١٩٥٠
- الطبعة الثانية
 سنة ١٩٥١
- الطبعة الأولى
 سنة ١٩٥٠
- الطبعة الثانية
 سنة ١٩٥٢
- الطبعة الأولى
 سنة ١٩٥٠
- الطبعة الأولى
 سنة ١٩٥٠
- الطبعة الأولى
 سنة ١٩٥١
- الطبعة الأولى
 سنة ١٩٥١
- الطبعة الأولى
 سنة ١٩٥١
- الطبعة الأولى
 سنة ١٩٥١
- الطبعة الأولى
 سنة ١٩٥١
- في موكب الهوى
- من العالم المجهول
- هذه النفوس
- إني راحلة
- مبكى العشاق
- بين أبو الريش
 وجنينة ناميش
- أغنيات
- أم رتيبة
- هذا هو الحب
- صور طبق الأصل

2274

8799

3497

الناشر : مكتبة الخانجي طبع في شركة فن الطباعة	{ الطبعة الأولى سنة ١٩٥٢	بين الأطلال
الناشر : مكتبة الخانجي طبع في شركة فن الطباعة	{ الطبعة الأولى سنة ١٩٥٢	السقامات
الناشر : دار الفكر العربي طبع في مطبعة الاعتماد	{ الطبعة الأولى سنة ١٩٥٢	سَمَّار الليالي
الناشر : مكتبة الخانجي طبع في شركة فن الطباعة	{ الطبعة الأولى سنة ١٩٥٢	الشيخ زعرب
الناشر : دار الفكر العربي طبع في مطبعة الاعتماد	{ الطبعة الأولى سنة ١٩٥٢	نقحة من الإيمان
الناشر : نادى القصة طبع في مطبعة روز اليوسف	{ الطبعة الأولى سنة ١٩٥٢	وراء الستار
الناشر : مكتبة الخانجي طبع في شركة فن الطباعة	{ الطبعة الأولى سنة ١٩٥٢	ست نساء وستة رجال
الناشر : دار الفكر العربي طبع في شركة فن الطباعة	{ الطبعة الأولى سنة ١٩٥٢	هذه الحياة
الناشر : مكتبة الخانجي طبع في شركة فن الطباعة	{ الطبعة الأولى سنة ١٩٥٢	البحث عن جسد
الناشر : مكتبة النهضة المصرية طبع في شركة فن الطباعة	{ الطبعة الأولى سنة ١٩٥٢	جمعية قتل الزوجات

الإهداء

إلى النقاد الذين أثارتهم ، أم رتيبة ،
واتهموني بالإسفاف والتهريج
أهدى مزيداً من الإسفاف والتهريج .

يوسف السباعي

مقدمة

أحب قبل أن يقدم القارئ على قراءة هذه المسرحية . . أن أجعله على يقين من أمره وأمرى وأمر هذه المسرحية التي يوشك أن يضيع في قراءتها بضع ساعات ثمينة - أو غير ثمينة - من عمره .

أنا لست واعظاً ولا فيلسوفاً ولا حكماً ولا مرشداً . . ولا . . ولا شيء أبداً من هذه الصفات الفاخرة . . التي قد يتوهمها القارئ في الكاتب . . أو يتوهمها الكاتب في نفسه .

أنا عند ما أكتب أحس بمتعة من الكتابة ، وعند ما أقدم ما كتبت للقارئ أحاول أن أدعوه لمشاركة تلك المتعة ، وتزداد متعتي عند ما أحس أنني نجحت في أن أسبب له نوعاً من المتعة . . وأني هيأت له خلال أيامه المرهقة المتعبة التي تزدهر بها حياته ساعات من المتعة الذهنية قضائها وإيأى في كتابي .

هذا هو كل ما أقصده وأحب أن أبلغه بكتابي . . فإذا صادف

بها القارىء ما توهم فيه عظة أو حكمة أو أى شيء آخر من هذه
المسميات المحترمة فأؤكد له أنى لم أقصدها . . . وأنها زجت بنفسها
بين الكتابة عفواً بلا قصد منى أو تدبير .

فإذا كنت يا أخى القارىء ، وغلباناً ، مثلى ومثل بقية الناس الذين أرهقتهم
أيامهم من أمرهم نصيباً وعسراً ووددت أن تخفف عنك بعض هذا النصب
والعصر فاقرأ هذه المسرحية . . . فقد نفلح في منحك بعض الراحة والتسلية .
وإذا كنت قارئاً ، قنزوحاً ، تضن بوقتك أن يصرف إلا بين
آيات يتسنان من الحكم والعظات فلا تضع وقتك معى عبثاً . . . أمامك
كتب الأخلاق والتهديب والتربية والفلسفة . . . أو . . . لم أذهب بعيداً . .
أمامك الكتب السماوية . . . خذ منها ما شئت من النصيح والعظة . . . ولا أظن
كاتباً مهما بلغ من الحكمة والعقل والبلاغة والقدرة بقادر على أن يأت
لك بخير منها .

أما أنا فرسالتى كما قلت لك أن أخفف عنك بعض ضيقك ونصبك
فإذا نجحت . . . فيها ونعمت . . . وإذا لم . . . فاعذرنى . . . إنما
الأعمال بالنيات .

والسلام عليكم ورحمة الله

برسيف السباعى

أشخاص المسرحية

قرقر

خادم



ميمم الفنط
فنان فقير يهودي
الموسيقى والأدب
والشعر



عمريه

خادمه



محمود جباب الله
ابن اخته
طالب حقوق
خائب



زكية ولده

جارية

راقصة ومنلوجست



أم عمده
صاحبة البيت
امرأة قاسية
سليطة اللسان



الشيخ عجايب

شيخ

من صانعي الأحجية



بلا
ابنتها
فتاة حلوة طيبة



عم نزيه

فلاح غني



نوح انزرى
زوجها
موظف كبير
يهودي الموسيقى





المنظر : سطح منزل في شارع سلامه في حي السيدة زينب . في اليمين قطاع حجرة يقطنها سيد الفنتظ ومحمود جاب الله . في مواجهتها باب يؤدي الى الحمام والمطبخ . وسرير حديد بأريئة أعمدة برقد تحته محمود وسيد وقد أسدلت عليهما ملاءة السرير فأخفتها . . وعلى اليسار أريكة بالية تعلوها نافذة وضع بدل زجاجها المكسور ورق جرائد . . وفي الوسط منضدة صاج عليها لمبة زجاج وبقايا طعام وأوراق ومنبه وعود . وعلى اليسار الباب المؤدى الى السطح ، وقد كومت وراءه صناديق وسلال وشوالات وأثاث قديم حتي لا يمكن فتحه من الخارج ومعلق على الحائط مشجب ومرآة مشروخة . وفي يسار السطح يبدو الباب الخارجي لحجرة خشبية صغيرة منخفضة وبجوارها تقيصة فراخ . . وفي المواجهة مدخل السطح وحبال غسيل ممتدة بطول السطح . الوقت قبل الفجر في أواخر الشتاء .



المشهد الأول



[محمود — سيد]

[تمر فترة صمت . . تسمع خلالها دقات المنبه وصياح الديكة دون أن يبدوا على المسرح أحد . . ولجأة يندق حرس المنبه فيندفع سيد من أسفل السرير ويسكت المنبه . . . ثم يتسلل على أطراف أصابعه فيرتدى البنطلون والجاكيت فوق الجلباب ويديس قدميه في الحذاء ثم يقف أمام المرآة ليمشط شعره ويترين ويدندن . محمود يمد رأسه من أسفل السرير وينظر إليه في دهشة]

محمود — ديهده . . ديهده . . إيه الحكاية يا خال ؟

سيد — [ماغوذاً ييمتظه محمود] .. حكاية إيه ؟ ما فيش حاجه أبدأ .

محمود — أبدأ ؟ أبدأ ؟ !

سيد — أيوه . . أبدأ . . أبدأ . . شايف في حاجه غريبه ؟

محمود — لا أبدأ . . ولا غريبه ولا حاجه . . بس يعنى

مشر زى عوايدك تتسحب كده لوحدك من تحت السرير . . وتسيبنى أروح ضحية النوم وأقابل لوحدى القضا المستعجل .

إنت ناوى تخلى بيته ؟ !

سید - أخی یك إزای ؟! . أنا ما أنا واقف أهو
قدامك . . . مین قال لك إن أنا حاسیك رایج فی النوم
وانزل . . نام نام . . لسه بدری . . أنا مش حانزل دلوقت . .
ولما آجی أنزل حاصحیک [مستمرأ فی الدندنة والتزین أمام المرآة]
یا الله ارخی الستاره ونام .

محمود - أنا م ؟! أنا م ازای [یمخرج من تحت السریر]
ما یمکنش . . . لازم أعرف إیه سر الختفتنه والسببیه اللی
بتعملها فی روحك دی . . . أنا أعرف إن بینك و بین المرایه
تنافر شدید . . وخصوصه مستحکمه . . کل واحد منكم ما یطقیش
التانی . . إزای قادر تقف قدماها الوقفه الطویله دی ؟

سید - مکره خالك لا بطل .

محمود - وإیه اللی یمکرهک علی العذاب ده ؟! إیه اللی
یرغمک علی الاصطباح والبخلقه فیما تکره ؟!

سید - محتاج لها یا محمود یابنی . . مزنوق فیها . لازم
أهدمها وأسببها لأنی حاستعملها . . حاعرضا للأبصار .
محمود - هی إیه دی ؟!

سید - خلقتی . . اللخبطه اللی أنا شایفها فی مرایه
النحس . . . لازم أساویها شویه . . لازم أحتفتها . .
وأسببها . . وأساویها . . وأهدمها عاشان تبقی مقبوله

شویه ... إن كان علیّ أنا ماہمنیش .. أنا خلاص خدت
علیہا ، ما بقتش أخاف منها قوی .. لکن ہم ...

محمود — ہم مین ۱؟

سید — الی حایشوفوہا .. لازم أوضہا لم ، لازم
أہیاہا لم شویہ .

محمود — إیہ أصلہ دہ یا خال ۱؟ ہی إیہ الی توضہا
لم وتہاہا لم .. ہی لخمہ راس ۱؟ بس مین دول الی خایف
علیہم قوی من خلقتک ۱؟ انت ما انت طول النهار ماشی
بہا کدہ عریانہ .. وسایہا علی خلق اللہ .. اشمعی دول
یعنی الی لازم توضہا لم .. وتہاہا لم .. یبقوا إیہ دول ؟
یطلعوا ایہ ؟

سید — یطلعوا ؟ .. ما یطلعوش ابدأ .. بیرموا سہامہم
کدہ وهم قاعدین .. بیصوبوا سحرہم کدہ وهما نعتانین .
محمود — ولا انا فاعم حاجہ .. ہم ایہ دول الی بیرموا
السہام ویوزعوا السحر .. یكونوش ہنود حمر ۱؟
سید — حمر ؟ . یا غبی . دول سود . سوادہم عجب .
محمود — ہنود ، سود . إیہ الکلام دہ ؟
سید — ہنود ؟ . ہنود إیہ یا جدع . مین قال ہنود
سود ؟ .

محمود — آمال يبقوا إليه دول اللي قاعدين يسجروا
ويضربوا بالسهم ، واللى انت عمال توضع لهم لحمه الراس
بتاعتك ؟

سيد — عيون .. عيون سود .. مش هنود سود
يامغفل ، عيون المها ، عيون ، فى طرفها حور ، عيون من
اللى قال فيها الشاعر : « بصر عن ذا اللب حتى لا حراك به » .
محمود — وانت بقى ذا اللب الذى لا حراك به ؟
سيد — لا حراك ، ولا روح ، ولا نفس ،
ولا حتى .. لب .

محمود — يعنى بالاختصار . انت بتحب ؟

سيد — أيوه .

محمود — قديمه .

سيد — إيه هى اللى قديمه دى ؟

محمود — مسألة الحب بتاعتك ، طول عمرك وانت
بتحب . من يوم ما وعيت عليك وانت عاشق مستهام .
أنا فاكر وأنا صغير يوم ما جيت لنا البيت وهدومك
تحت باطك ، لما أبوك طردك وحرّم عليك تحش البيت
من تحت راس قسايد الحب اللى كنت بتعملها فى مرات

الشيخ علوان ، يعنى من يومك وانت حبيب ومستندات
الحب بتاعتك ، لا تعد ولا تحصى .

سيد — مستندات الحب ؟ . إيه هي دي ؟

محمود — الخيايه ، والفقر . وتلميت قصيده ، وخسين
قصه . وأربعين غنوه . محبوبه بين أربع جدران فوق
سطوح أم عبده ، ما سمعهاش غيرك ، وغيرى . والغلبان
شندى عبد الجليل الجرجاوى . هو الحب دا حاجه جدت
عليك .. طول عمرى وأنا أوعى عليك ، تبص لنجوم السما
وتنهد ، وتبص لغروب الشمس وتتحسر . وتبص لطلعة
القمر وتأوه . ما فيش حاجه من الحاجات دي تعدى عليك
من سكات أبداً ، لكن كل ده ما كانش له صلح بخلقك
أبداً . كل الحب اللي انت غرقان فيه ده ما خلا كمش مره
واحد تبص فى المرايه . ولا تسبب شعرك ولا تهندم
نفسك . إيه اللي جدّ عليك ؟ !

سيد — ما كانش حب يا محمود .

محمود — أمال كان إيه يا خال ؟ !

سيد — كان هيأمان . كان إفراط فى الحساسيه . كان
انتظار لحب . كان حب من طرف واحد ، كان حب ،
والحبيب مجهول .

محمود - يعني كده ، زى الجنايه . لما تنقيد ضد مجهول .
 سيد - كان عندى فيض من الحب ، لكن ما كانش
 متركز فى حاجه مخصوصه . كنت أبص للنجوم وأحس
 أنى بخلّق بينها وأدور على حاجه ناقصانى . كنت أسمع
 صوت الكروان سارى مع نسيم الفجر ، وأحس انه
 يحمل لى رساله من حبيب ناى . كنت أبص للقمر وبتياً
 لى إن فى وشه ابتسامه حلوه بتحبنى . كنت أمسك العود
 بتاعى وأحس بصوابعى بتجرى عليه ، مش بنغم ولا لحن ،
 لكن بمناجاة . للحبيب الهائم الغايب . كنت بحب ، لكن
 ما كنتش عارف باحب مين . لغاية ما ليله من الليالى ،
 سمعت صوت لذيذ بيدندن ، بغنوة : « فى الليل لما خلى ،
 إلا من البساكى ، ، والنوح على الدوح حلى ، للصارخ
 الشاكي ، ما تعرف المبتلى فى الليل من الحاكي ، وكنت
 قاعد مره على سور السطح ، وسمعت الدندنه وسط سكون
 الليل الخالى . حسيت جسمى بيرتعش . ولقيت دموعى
 نازله بتجرى زى السيل .

محمود - وعرفت مين صاحبة الصوت ؟ !
 سيد - عرفتها .. ليله .. ورا ليله .. بقيت أقعد
 لوحدى أسمع الدندنه . . ولقيت الإحساس الفياض

والشعور الهائم والقلب التايه .. ابتدوا يتركزوا في الصوت
وفي صاحبة الصوت .. واتجمع كل الحب الخيران بين
النجوم والسما والقمر والغروب والبلابل .. واتحط كاه في
صاحبنا دى .

محمود - بس مين هي ؟ ١٩

سيد - وبقيت أحس إن الأمانى بتاعتي في الدنيا كلها
انحصرت .. في حاجه واحده .. مش إني أبقى فنان شهير ،
ولا صاحب ثروه ولا سلطان .. بل في إني أقعد كل ليله
واستنى لغاية ماتخرج في البلكونه .. وألمح خيالها في الليل ،
وأسمع الدندنه .. كل سعادتى كانت متركزه في اللحظات
القصيره دى .

محمود - هي مين بس يا خال ماتقوللى وتريح قلبي ..
شفتها بالنهار والا لا ؟ ١٩

سيد - شفتها .. وحسيت زى اما أكون بقالى ثلاثين
سنه ماشى في صحرا في عز الشمس .. ولقيت شجره خضرا
تحتها فيه وأكل .. حسيت زى اما أكون لقيت حاجه
بتاعتي .. مش غريبه على .. انت مجرد بتش الحب يا محمود ؟ ١٩
ما تعرفش حاجه عن الحب ؟ ١٩

محمود - والله يا خال .. الحب بتاع الصحرا والشجره

الخضرا .. وهات لى معاك بقره .. دا مجربتوش .. أنا
أصلى ماكش كثير من حكاية سكون الليل .. والنسيم
والحاجات دى .. أنا بقالى سنتين ماشى مع البنت و زكيه
ولعه ، .. ومرىحافى خالص .. كل ليله ألاقها محضرا لى
الكاسين والعشا .. أشرب الكاسين وآكل اللقميتين .. وأنا ملى
شويه .. وتانى نازل .. حاجه أسطه خالص .. لاتعب ..
ولا صرف .. ولو انها اليومين دول موغوشافى شويه ..
من حكاية كده .. ربنا يستر .

سيد — إنت ماتعرفش الحب ، الحب اللى أنا بقول لك
عليه ، بينك وبينه ما بين السما والأرض ، الفرق بين اللى
بتعمله وبين الحب ، زى الفرق بين الكلب اللى بينهش حته
لحمه ، والبني آدم السابج فى روضة بين الزهر والبلابل .

حمود — والله ياخال ، أنا بااحب اللحمه

سيد — كل إنسان وله طبيعته ، وكل طبيعه ولها الحاجه
اللى ترضيها ، إنت تحس إنه يرضيك كاسين وحضنين ،
أى كاسين وأى حضنين ، وأنا با احس إنه يرضينى مجرد
صوت أو كله أو لمسه ، بس من مخلوق معين وإنسان
مخصوص ، يمكن يمر على العمر بطوله وأنا مش لاقيه ،
ويمكن يخلص العمر واخرج من الدنيا وأنا بقول مع اللى قال

« عبثاً خلقت ، ، ولكن دلوقت حسيت إن أنا ماتخلقتش
عبث ، وإن فيه حاجه تستاهل الحياه والوجود ، وإن العمر
ماراحش ، ومش حايروح أونظه ، حاسس إن أنا لاقيت
الحاجه اللي اتخلقت علشانها ، ولو خلصت الحياه بعد كده ،
مش حاندم .. لأنى شاعر إنى خدت اللي أنا عايزه منها .
محمود — ديهده ، ديهده ، إيه دا كله ؟ الظاهر إنك
واقع قوى !! .

سيد — قوى ، قوى ، قوى ، إذا كان الحب إسمه فى
لضتك وقوع .

محمود — ومين هى اللي عملت فيك كده ؟ اقوللى مين
هى دى بنت الأروبه علشان أشوف تستاهل كل اللي
بتقوله عليها والا لا ، مين هى دى صاحبة العيون السود
اللى « يصرعن ذا اللب » ، أعرفها أنا ؟ .

سيد — أبوه .

محمود — وشفتها ؟ .

سيد — أبوه .

محمود — طيب يا أخى قوللى مين هى وربىخى ؟

سيد — بهيه .

محمود — بهيه ؟ بنت أم عبده ؟ .

سيد - أبوه .

محمود - كده مره واحده ؟ ، يا نهارك اسود ياخال ،
ودى تقدر عليها إزاي ؟ البنت من ناحية الحلاوه حلوه ،
بت زى اللوز ، بس جد قوى ، وأنا ما احبش الجد ،
وما احبش الهوى العذرى ، وما تنساش إنها بنت أم عبده
كمان ، يعنى ما يمكنش تقدر تقرب لها ، دى ساكنه فى منطقة
الخطر ، فى المنطقه الحرام ، ودى وصلت معاها لغاية إيه ،
حب من جانب واحد زى عوايدك ، من بعيد لبعيد ،
والا حصل حاجه ؟ .

سيد - فضلت مده طويله ، والحب من جانب واحد
وأنا سعيد بيه جداً .. كل اللي أتمناه إنى ألمحها بالليل واسمع
صوتها وما كانش عندى فكره أبدأ إنها يمكن تحس بى ،
لغاية ما ليله من ذات الليالى قعدت ادندن أنا بالنى ،
فدندنت هى معايا ، وبعدين فى الآخر رفعت راسها لفوق
وضمكت وشاورت بالسلام .

محمود - وعملت إيه انت ؟

سيد - حسيت إن أنا مش ماشى على الأرض ،
حسيت إن أنا بطير فى السما ، حسيت إن الدنيا
مش سايعانى . ماتتصورش أد إيه تكون سعادة المحب

لما يحس إن اللي يجبه ميزه من دون الناس ، وأنه خصه
من دون الخلق دول بابتسامه أو بإشاره أو بكلمه ، سعادته
عجيبه ، عجيبه جداً ، وبقيت بالاحس وأنا بستناها بالليل ، إنها
حاسه يه ، وانها بتغنى لى أنا .

محمود - وبعدين فضلت كده تغنى لك بالليل وانت
تصفر لها ؟ أمال إيه اللي خلاك صابح تسبب أوى كده ؟
سيد - امبارح حسيت بحنين عجيب لها ، وكان نفسى
أدفع نص عمرى وأمسها أو أمسك إيدها ، فيبعد ماخلصت
الدندنه رحمت متجراً ومكلمها ، قولتها بالشويش ، إن
نفسى أشوفها .. فضلت واقفه ساكته شويه وانا كأنى منتظر
حكم بالإعدام لغاية فى الآخر ما قالت لى إنها ماتقدرش تطلع
دلوقت ، ولكن بكره الصبح بدرى حاتطلع لى الساعة ٦ ،
[يرهف السم] سامع حاجه ؟ ، فيه صوت رجلين ؟ !

محمود [بنصت] - لأ مش سامع .

سيد [بنظر الى المنبه] - على العموم لسه فاضل عشر
دقايق ، ياسلام ، تصور إن أنا ما نتمش نص ساعه على
بعضها طول الليله اللي فاتت .

محمود - ليه ؟ ! بخيخة الفليت ما هي محطوطه جنبك .
سيد - فليت إيه يا أخى ، أنا ما نتمش من الفرحة ،

مش من الناموس ، أنا مش مصدق إن أنا حاكلها وحاسلم
عليها ، أقول لها إيه مش عارف ، حضرت كلام كثير قوى
عشان أقوله ، شعر ونثر و مواويل ، لكن أنا عارف كل حاجه
حانطير من مخى ساعة ما أقف قدامها ، أنا باتلخبط قوام لما
عينها تيجى فى عينى .. أظن يدوبك بقى لما أستعد للخروج .
[يبدأ فى رفع الأشياء المكومة وراء الباب] .

محمود [منزعجاً] — إيه ده ؟ إيه اللي بتعمله ده ؟ !

سيد — بشيل الحاجات دى علشان افتح الباب .

محمود [يسرع بإعادة الأشياء مكانها] — انت مجنون ..
عايز تشيل المتاريس والحصون اللي بتدافع بيها عن كياننا ..
عايز تزيل الخطوط الدفاعية وتسببنا كسده مكشوفين
قدام الأعداء ؟

سيد — الأعداء زمانهم نايمين فى سابع نومه .. ما فيش
فى السطوح دلوقت إلا الأجه .

محمود — والله أنا خايف من الأجه بتوعك دول
ليجيوا لنا الكافيه .. خايف لىكونوا حلفاء مع العدو .
ما بلاش يا خال خروج من الباب دلوقت .. خلينا
مستورين .. أنا طول الليل احلم بالوليه أم عبده . وإنها
كبست علينا زى عزرائيل الموت .

سید - طب بس ما تفسر ش .. قال الله ولا فالك .
محمود - ما فسر ش ازای .. وانت بتفتح علينا باب
جهنم .. قال الباب اللي يجيلك منه الريح سده واستريح ..
واحنا مش بيجيلنا منه ريح وبس .. بيجيلنا سموم ..
هوب .. عواصف .

سید - يا ستار .. طب بس اخفيها سيره ... ندرن
عليه يوم ما اتم على قرشين أسدد بها الأجره المتأخره ..
لاحظهم لها على أقدم برطوشه .. وأخزأ حبابي عينيها .
محمود - قرشين؟ منين دول ؟! . من القصائد ..
والا من الأغاني ؟!

سید - يا سيدى ربك كريم .. يعنى هوا احنا
حانفضل على طول كده على الحديده . مسير الجواهر اللي
فى الوحل ، يعرفوا الناس قيمتها .

محمود - طب وحياة أبوك . تسيننا من الجواهر اللي فى
الوحل ، إذا كنا حانفضل معتمدين عليهم ، حانتنا مدفونين
معاهم فى الوحل . لا احنا طالعين ولا هم طالعين ، احنا كل
أملنا دلوقت فى أولاد الصرم اللي فى البلد بيعتولنا حاجه .

سید - لا .. أنا يتست منهم خالص . ثلاث شهر
ما بيعتوش نكله . وهى الوليه أمك دى مش عارفه إن لها ابن

يتعلم ، ويهيص ، ويفرفش ، وأخ يشقى ليل ونهار في الفن
اللى ما حدش بيقدره . [بأخذ في شيل الأشياء . من وراء الباب]
خلينا نخرج لحسن يدوبك فاضل خمس دقائق .

محمود — [في استهانة ويمسك بالأشياء .] مايمكنش ، أنا قتيل
الباب ده .

سيد — أمال أخرج لها منين ؟

محمود — زى ما بتخرج كل مره .. من الباب الخلفى
[يشير الى النافذة الزجاجية] احنا مش بقالنا شهر بنتزل ونطلع
على مواسير الميه ، زى النسائيس ، والوليه مش حاسه بينا .
عايز نخرج من الباب وتضيعنا في شربة ميه . بقلنا شهر متمتعين
بالأوده ، والوليه مش قادره تقفشنا ، تصور لو اتلّمت على
واحد منا ، حاجيب خبره . أنا سامعها امبارح من ورا
الباب وهى بتقول لقرقر ، آه يا نارى لو أتلّم على واحد
منهم الضلاله النصابين ، أربع شهر ما يدفغوش الأجره
والنبي لاطلعها على جتتهم .

سيد — يا ساتر !! سمعتها بتقول كده ؟ !

محمود — بودنى دى ، والواد قرقر الله يستره ، قال لها
والله ياست ما حد بيعتر لهم على أثر ، أنا عارف دول اختفوا

فين ، زى اما تكون الأرض انشقت وبلغتهم ، يمكن سافرم
بجيبوا فلوس .

سيد - طب ودلوقت أخرج ازاي ؟ ادى الحكايه
كلها فاضل ثلاث أربع دقائق وتطب .

محمود - يعنى كان لازم تدبلك مواعيد فى السطوح ؟
لازم تحديد مواعيد الغرام ، فى مناطق الخطر ؟

سيد - أهو اللى حصل ، ما خطرش بيالى أبدأ حكاية
أم عبده دى ، أنا ساعتها كنت بخلق بأجنحة الحب فى سماء
السعادة .

محمود - طيب وحياة أبوك تخلى أجنحة الحب
تنزلك لغاية تحت ، يا الله وربنا ، الشباك أهو ، مادام خايف
من المواسير .

سيد - أنا مش خايف من المواسير ، هو انا بعد
الشهر اللى فات دا اللى خدت فيه السكه قياسه على المواسير ،
بقيت أخاف من المواسير . لكن الفسكرة إن أنا لما انزل
تحت حاضطر اطلع تانى على السلم علشان أوصل للسطوح ،
ولازم حافوت عليها ، ببقى ما عملناش حاجه ، نبقى عملنا زى
جحا لما قالوا له ودنك منين . اسمع أنا حاخرج من الباب
واللى يحصل يحصل . اوعى [بقذف بالاشياء بعيداً عن الباب]

هي موته والا اكثر ، أنا لو جت على شنقي لازم أخرج ،
 بتي معتول هي تطلع لي وتآيس وأنا أقف زى الجبان
 ورا الباب ، خايف من امها ؟ ! إوعى يا شيخ بلا مسخره ،
 [تبدو بهية من مدخل السطح ويسمع وقع أقدامها] سامع ، الظاهر
 انها جت . ياسلام ، أنا حاسس إن قلبي ييطب ، أنا مش
 قادر أقف على رجلي ، مين يصدق إن أنا حاكلها وخط
 إيدي في إيدها ؟ !

محمود — [بدغمه] طب بس اخرج .. اخرج ...
 إن شاء الله حاجيب لك الكافيه .. أنا يا عم حاشش في المنجأ
 أكمل نومي .. ولما تخلص من التخليق بأجنحة الحب في
 سماء السعادة .. ابقى طب على صحيني .. اتفضل .
 [يدخل محمود أسفل السرير ويخرج سيد متسلا فيلمح بهيه فيقترب
 منها متردداً]

المشهد الثاني



[سيد — بهيه]

سيد — [لنفسه] ياسلام . أنا متبها لي إن أنا في حلم . مش
 مصدق انها حقيقة بتحبني وانها تخاطر بنفسها وسمعتها ...

علشانى أنا .. دى نعمه مااستحقهاش .. دى سعادته أنا مش
أدّها ، داكرم من ربنا مااستملوش . فيه فى الدنيا سعادته
أكثر من سعادة المحب لما يلاقى نفسه محبوب .

[يصل الى بهيه فتبدو عليها الدهشة عندما تبرزه]

بهيه — مين ؟! سيد أفندى ؟

سيد — أيوه أنا سيد .. أنا .. أنا .. أنا مش عارف
أقول لك إيه .. فيه حاجات كتير قوى عايز أقول لها لك ..
لكن محتار ابتدى ازاي .

بهيه — [مازالك فى دهشتها] .. أنت ؟! أنت !!

سيد — أيوه أنا .. أنا عارف إنك خايفه قوى ..
عارف انك أول مره تقفى موقف زى دا .! لكن أنا
متأسف .. متأسف جداً .

بهيه — لكن .. لكن ...

سيد — لكن إيه ؟! أنت خايفه من إيه ؟

بهيه — أنا مش خايفه .. لكن .. أمال ..

سيد — أمال إيه ؟

بهيه — أمال فين محمود ؟!

سيد — محمود ؟!

بهيه — أيوه محمود .. كان لازم يقابلنى دلوقت ..

امبارح بالليل بعد ما صفر بالنای قال لی اطلعی فقلت له انی
ماقدرش اطلع بالليل أبدأ وادیت له میعاد دلوقت .

سید - [مردداً فی ذہول] محمود ؟ محمود !!

بہیہ - مالہ ؟ ہو جرا له حاجہ ؟

سید - [فی یأس شدید] أبدأ .. أبدأ ماجر الوش حاجہ
[لنفسه] أنا اللی جرای .. أنا اللی اتعلقت بأمل واهی ..
أنا اللی اتحطم قلبی ، وضاع أملی .. أنا اللی طمعت نفسی
بسعادہ ماتخلفتمہاش .

بہیہ - مالک یا سید افندی سکت لیہ .. قوللی !!

طمینی ا هو محمود جرا له حاجہ ؟

سید - أدکده بتخافی علیہ ؟

بہیہ - طبعاً .. طمینی .. قوللی فیہ إیہ ؟

سید - بتجیہ قوی ؟

بہیہ - قوی .. قوی .

سید - بتجی فیہ إیہ ؟

بہیہ - کل حاجہ فیہ .. أحب الهوا اللی یتنفسہ .
والأرض اللی یمشی علیہا .. من أول ما شفته حسیت إن
فیہ حاجہ شدتني له .

سید - [لنفسه] أنا کان بالحبك كده ، وأکتر من كده

لكن اتى مش حاسه بي ، وهو كان مش حاسس بيكى ..
دنيا عجيبه .. تحب اللخبطه ١٩

بهيه — مانقوللى يا أخى .. طمنى .. فيه إيه ١٩

سيد — ولا حاجه ، ولا حاجه أبدا .

بهيه — أمال ماجاش ليه ١٩

سيد — ماجاش ليه؟ [لنفسه] أقول لها إيه ١٩ أقول

لها إيه مش حاسس بيها ، أقول لها إيه ماشى مع زكيه

ولعه ، وانه مايجبش الهوى العذرى ١٩ أقول لها إن

أنا اللي باعدها وانا اللي كنت با اضرب لها الناي ١٩ لكن

إيه الفايده؟ هي بتجبه هوّه .. مش بتحب الناي .. هي حبت

الناي علشان هوّه .. مش حبته علشان الناي .. إيه الفايده

لما احطم قلبها زى ما حطمت قلبي .. ما يمكنش اخذها ..

لأنى باحبها .. مقدرش اشوفها زعلانه .

بهيه — مانقوللى يا أخى .. ماجاش ليه؟

سيد — أيوه .. ماجاش .. علشان .. علشان ...

بهيه — علشان إيه؟ قول .. جننتى ١٩

سيد — علشان .. أصله .. تعبان شويه .

بهيه — ماله؟ فيه إيه .. تعبان ازاي؟

سيد — لا .. ولا حاجه .. بس عنده شويه ...

بہیہ — شویۃ إیہ ؟ انطق !

سید — [لنفسہ] شویۃ إیہ .. ابن الصرمہ ، داأنا سایہ

زی الحصان [لبہیہ] عنده شویۃ مغص .

بہیہ — مغص؟ مسکین .. لحسن یکون عنده المصران

الاعور .. لازم تجیب له دکتور ، ازای تسیبہ کده ؟

سید — لا .. لا .. مافیش أعور ولا حاجه ، مافیش

لزوم للڈکتور .. دا مغص بسیط .

بہیہ — بسیط ازای ؟! إزای تسیبہ کده ، مش حرام

علیک .. لازم اشوفہ .

سید — تشوفیہ ؟ لا .. لا .. مافیش لزوم .. مافیش

داعی .

بہیہ — لازم اطمئن علیہ [تتقدم نحو الباب] .

سید — [لنفسہ] یا نهار اسود .. دلوقت تعرف کل

حاجه [ساداً الطريق الی الباب] یا ستی اطمئی .. دا زمانہ

بقی کوئس خالص .

بہیہ — لازم أشوفہ بعینی .

سید — طب بس استنی شویہ .. أما اذی له خبر ..

استنی ثانیہ واحده [بندفع الی داخل الحجرۃ ویطلق الباب وراءہ ،

ویمد بده تحت السریر لیخرج محمود] محمود .. محمود ، قوم قوام .

محمود — [في ذعر من أسفل السرير] إيه .. إيه .. فيه إيه ؟
هي جت ؟ هي جت ؟

سید — هي مين دي .

محمود — أم عبده ؟

سید — لا ماجنش ولا حاجه .. بس اطلع بسرعه ،
بسرعه .. [يخرج محمود] نام فوق السرير .. يا الله يا أخي
انغطى بسرعه ، وقول آه .

محمود — أقول آه ازای ؟

سید — قول آه . الله يخرب بيتك . انت عندك مغص .

محمود — هوآ إيه أصله ده ؟! أنا ما عنديش مغص !

سید — عندك مغص .. قول آه .. قول يا جدع ..

قول وبس .

محمود — آه .. آه .

[تدخل بهيه]

بهيه — ماله .. مالك يا محمود ؟

سید — ماتكلمهش كثير لحسن المغص اتحرك عليه ..

لكن إن شاء الله حايروح حالا .. دا برد بسيط .. مافيش

خوف منه .

[محمود ينظر بطرف عينيه الي بهيه في دهشة و اعجاب فيقرصه سید

فيصبح آه .]

بہیہ — مسکین .. سلامتک .. ألف سلامہ .

سید — یا اللہ بینا بقی .. لحسن حد یطب .

بہیہ — لازم تحط له حاجہ سخنے علی معدتہ .

سید — آیوہ .. آیوہ .. أنا حا اعمل له اللزام .

[یجرها من یدھا نحو الباب]

بہیہ — لازم تجیب له دکتور .. أنا حا طلع اطل علیہ

باللیل .. لما تیجوا تناموا .

سید — طیب .. طیب .. بس یا اللہ بینا بقی .

بہیہ — خد بالك منه قوی ، علشان خاطر ی .

سید — علشان خاطرک ؟! علشان خاطرک حا عمل کل

حاجہ .. کل حاجہ فی الدنیا .. مستعد اعمالها علشانک .

[نخرج بہیہ ، ویمود سید مطرفاً حزیناً ویرغمی علی مقعد ویطرق

برأسه علی کفہ ویتنهد]

المشهد الثالث



[سيد — محمود]

محمود - [مستمراً في تأوّهه وقد أخفى رأسه تحت الملاءة]
آه .. آه .

سيد - بس خلاص . كفايه . [يتأوّه في أس] آه .

محمود - [يرفع رأسه من تحت الملاءة] هيه خلاص مشيت . [يقفز واقفاً] إيه الحكايه ؟ فهمنى ؟ إيه اللي جرى ؟!

سيد - [وهو مستمر في اطرافه وانخفاً وجهه بسكفه]
ولا حاجه .

محمود - ولا حاجه إزاي !! كل ده وولا حاجه !
تصحينى من عز النوم ، وتجر جرنى من تحت السرير وترمينى
فوقه ، وتقوللى قول آه ، آه ، وأسألك دلوقتى تقوللى
ولا حاجه ، فهمنى إيه اللي حصل ؟ إيه اللي دخلها هنا وإيه
اللى خلاك تقول لها إن انا عندى مغص ، وأنا صاغ سليم ،
فهمنى يا خال ، إيه اللي جرى ؟!

سید — [فضیق وبأس] قولتک یا אחی ولا حاجه ،
سیننی دلوقت .

محمود — ما یمکنش آسیبک إلا لما أعرف إیه الی
جری ، ورینی وشک کده [یزیغ کف سید عن وجهه ، فیری
عبران صامته تنساب علی خدیہ ، فیدو علیہ التائر والدهشة] الله ،
إیه ده ، إنت بتعیط . مالک یا خال ؟! قوللی جری إیه ؟!
قوللی الحقیقه ، إیه الی زعلک کده . أنا عمری ما شفکت
بتعیط أبداً . کلّنی یا خال ، أنا ما طیقش أشوفک کده ؟
قوللی إیه الی حصل . أنا مستعد أعمل لك کل حاجه علشان
أضیع زعلک . . بس فهمنی .

سید (بتنهّد تنهیده طویلة) — ولا حاجه . ما فیش
حاجه .

محمود — مش ممکن ، لازم فیہ حاجه حصلت .
سید — حصل حاجه ما لهاش علاج ، لا أنت ،
ولا أنا . ولا آی واحد یقدر یصلحها . سخریه بسیطه من
سخریات الدنیا . عبث هایف من عبث الأقدار ، [راضاً
کتفیه ماداً ذنته السفلی] حانعمل فیها إیه ، ما فیش غیر إننا
نستحملها ونسکت .

محمود — إیه هو ده ؟! أنا مش فاهم حاجه أبداً . إنت

صاىح مبسوط وعمّال تسبب فى شعرك وتهيا فى نفسك
وبتقول إنك بتحلّق بأجنحة الحب فى سماء السعادة .
وبتقول ما فىش على وش الأرض مخلوق أسعد منك .
لأنك محب محبوب . وعندك موعد حب ، وخرجت
علشان تقابل اللى بتحبها وتحبك .
سيد - كنت فاكر كده .

محمود - وبعدين ؟!

سيد - وبعدين طلعت إنها بتحب واحد تانى .
محمود - واحد تانى ؟! أمال كانت بتشاور لك
وتضحك لك ، وادتك الميعاد ليه ؟

سيد - ما كانش ليه دا كله .. كان لواحد تانى .

محمود - واحد تانى ؟! . إزاي !

سيد - كانت بتحب واحد تانى ، وافكرت إن اللى
واقف فى الضله وبيصفر لها بالنى هو الشخص اللى بتجبه ،
فشاورت له وسلت عليه ، وادت له ميعاد .

محمود - وعرفته يبقى مين ؟!

سيد - يبقى اللى بيقاه ؟

محمود - ازاي الكلام ده ، مين ابن الأروبه دا ، وأنا
أجيب لك خبره ، أحبه لك من على وش الأرض ؟

سید — مافیش لزوم .

محمود — مافیش لزوم إزای ! لازم أعرفه ؟

سید — ضروری یعنی ؟

محمود — طبعاً .

سید — إنت ؟

محمود — أنا؟ . أنا؟ أنا؟ [مستغرة في نوبة من الضحك] ،

أنا؟ . مش ممكن ، إنت بتضحك علىّ يا خال ؟

سید — باكلهك جد يا محمود .

محمود — قول كلام غير ده يا خال !!

سید — دى الحقیقه ، انت عارف أنا بنجها إزای ؟ !

محمود — میت صبا به .

سید — أهى هى كمان كده .

محمود — بتحبى أنا؟ ليه ، وبتاع إيه؟ وعلشان إيه؟

سید — اللی حصل .

محمود — لکن أنا ماعندیش أى شعور ناحيتها ، دى

مش النوع اللی یدخل مزاجی أبدأ ، دى واحده شریفه

وعذراء ، وأنا لا احب الشرفا ، ولا العذارى .

سید — ماهی دى المصیبه . ماهی دى السخريه . .

لو کنا احنا الاتین بنجها وانت اللی فزت بها کانت بقت

حاجه معقوله .. لكن أنا أحبها ، وهى مش حاسه بيه ،
وهى تعبدك ، وانت مش حاسس بيها ، دى سخرية القدر
اللى على أصولها .. دى مهارة الأقدار فى تعذيب الإنسان
وإيلامه .. لكن على العموم أنا مش عايزها تحس باللى
أنا حاسس بيه .. مش عايزها تصدم الصدمه اللى أنا تصدمتها .
مش عايزها تتألم زى ما أنا بتألم .. أنا مجرّب الشعور ده
وعارفه ، وأنا لغاية دلوقت بالحبها ، وحافظ لقلبها طول
عمرى ، وما اقدرش افكر إنها تتألم .. ما طيقش .

محمود — [مندهتاً] إيه ياخويه ده ، والعمل ؟

سيد — العمل ما تكسفهش .. زى ما كسفتنى ؟

محمود — يعنى إيه ؟!

سيد — يعنى عايزك تحبها ، وكان تخلص فى حبك لها .

محمود — إيه ؟! أحبها ؟! وأخلص فى حبي لها ؟!

إيه أصل ده يا خال ؟! انت جراك حاجه ؟!

سيد — اسمع يا محمود .. أنا باتكلم جد .. البنت دى

مش بنى آدمه عاديه ، دى ملاك ، وهى بتحبك حب ،

ما تستلوش أبداً .. لو كانت بتحبنى ربع الحب اللى

بتحبجولك ده .. كنت حاسيت إن أنا أسعد مخلوق على ظهر

الأرض ، ولو كنت أعرف إن الحب دا يمكن الإنسان

ينقله بسهولة كنت نقلته ، لكن أنا عارف إن ما فيش فايده
أنا يانس من حبا . . لكن حاسس إن أنا عايز أسعدھا ،
ولو كنت أنا أقدر أسعدھا بنفسی كنت سعدتها لكن المصیبه
اللی یقدر یسعدھا انت ، وعشان كده لازم تسعدھا . .
لازم تحبا ، لازم تكون کویس معاھا علشان تستاهل
حبا . . لازم تبقي إنسان جد ، وتستقیم فی الدراسة علشان
تبقي شخص محترم ولك مركز .

محمود — یفتح الله . . أنا لا أنا عايز أحبا ولا استاهل
حبا . . أنا مبسوط كده خالص ، كفايه علی زکیه ولعه ،
علی اد یدی ، وبسطانی ومیآنی ، والأشیا رضا . . إبعد
عنی یاخال وحیة أبوك أنا لا بتاع حب ، ولا بتاع جد . .
انت عارف من زمان ان أنا مالیش فی الكلام ده . .
وما تنفاس إن البت زکیه نفعانا برضه لولاها كنا متنا
من الجوع ، أهی برضه بتنفعنا بقرشین بأکتین ، وحکایة
الاستقامه فی المدرسه دی عارف معنتها إبه ؟ إنی أنجح
وأخرج ، وتنقطع الفلوس اللی یبعتوها لنا م البلد ،
ولا یبقی عندنا مصاريف مدرسه نضیعها ، ولا رسوم
امتحان نشبرق بها ، ولا تمن كتب نسددها دیوننا ،
واقعد معاك كده علی باب الله . لا شغله ولا مشغله ، انت

عارف إن أنا بتاع شغل؟ وحياة أبوك يا خال سبيننا من
السيره دى ، خيلنا كافرين خيرنا شرنا . . كفايه أم عبده
واللى عاملاه فينا ، انت راجل بتاع حب . . حب زاي
ما انت عايز ، ما حدش قال لك حاجه . . لكن تجر جرنى
معاك ، وتقول عايزك تحب ، وعايزك تبقى أهل للحب ،
وعايزك تبقى جد ، وتستقيم . . كفايه كده . يفتح الله .
حد الله بينى وبينك .

[بسمع بجانة صوت صباح فراخ وضجة فى حجرة الفراخ . .
ثم يفتح باب حجرة الفراخ ويخرج قرقر من الحجرة وهو يسب ويلعن
محاولاً حبس الفراخ فى الغرفة وفى يده قلة ، وفى الوقت نفسه يصيب الذعر
محمود وسيد فيقفان ويجمعان الأشياء وراء الباب]
محمود — أنا مش قلت لك أنا طول الليل أحلم بيها . .
هات . . هات . . حط التراييزه كان .

سيد — بس يا أخينا . . كفايه كده . . هى كانت دبابه . .
كفايه خالص .

محمود — وألعن من الدبابه . . دى صاروخ . . دى
ديناميت ، يا بابى ، أنا يا عم حاخش المطبخ . . كان فيه حتة
جنبته رومى قديمه . إياك يكون الفار ساب لنا منها حاجه .
سيد — وأنا اما خش أتوضا .

[يخرج الاثنان من الباب المؤدى للمطبخ ويقف قرقر فى السطوح]

المشهد الرابع



[قرقر — عبده]

قرقر — [بعد أن ينهي من شاق الباب على الفراخ] يا ناس
يا هوه ، يا عالم ، حد في الدنيا يرضى بكده ، طول الليل
ما اشوفش النوم . أنا قرقر المسيط ، يحكم على الزمان ،
وأنام في عشة فراخ !! لكن معلش ، علشان يرضى الست
أم عبده ، وعلشان ينسط شيخ السو ، الشيخ عجائب ، اللي
طول النهار يزلط في حمام وفراخ وكباب ، ويعزم له تعزيمتين
ويتزله هزتين ، وآل ايه يطلع العمل ، ياخي عمالك اسود
ومهبب على دماغك ، أنا قرقر ، أنطرد من أودتي ، وأترمي
في أودة الفراخ ، وطول الليل ديك الكلب ده ، ينقر لي
في بطن رجلي . . وأنا بغير من رجلي موت . خلافي بايت
مسخنخ م الضحك ، حد في الدنيا يقول كده ، واحد
ما ينامش من كتر الضحك ، طول الليل سهران اضحك ،
وانا حالي يستاهل البكا ، وكل ما عيني تغفل شويه ، والا
افكر شويه بزعل ، يروح نقرني في بطن رجلي أروح

مفرهد م الضحك ، إلهي تنقصف رقبك يا ديك السفاله ،
يا ديك التلامه . لكن تنقصف رقبك ليه ، ذنك إيه ؟
إذا كانت رجلى اتغرزت فى أنجر الرده وفتحت نفسك ،
اللى تنقصف رقبته الشيخ زفت ، اللى نايم يشخر فى الأوده
وساينى أناقر طول الليل مع الفراخ . وياريت بلاقى ثانيه
استريح فيها بالنهار ، إلا طول النهار ما تفرغوش طلبات ،
اطلع يا قرقر ، انزل يا قرقر ، روح يا قرقر ، تعالى يا قرقر ،
وباريت طلبات زى طلبات البنى آدمين ، الا طلبات لها
العجب ، وآخر تقليعه طالع لى فيها حكاية القله ، علشان
أدوخ ، علشان اموت ، أنا عارف هو مش حا يستريح
إلا لما يجيب أجلى . [يضع القله على كف يده ويتحرك فى السطوح
وهو يوازنها . تدخل عدله الخادمه وقد هلت سبت الفسيل وكيس المشابك]
عديله — إلهي يعدلها لك ، ايه اللى انت عامله دا يا واد
يا قرقر ، انت حاشتغل مع بتوع النقرزان ؟ !

قرقر — [يقف ويمسك القله من عنقها] اصطبحى وقولى
يا صبح ، أنا مش ناقصك ، ايه طلعت كده من النجمه ؟ !
عديله — أنشر الهدمتين اللى غسلتهم امبارح العشا
وبيتهم طول الليل منقوعين ، إذا كنتش اعمل كده ،
حايضيع منى النهار .

قرقر — ما يضيع ، يعني وراكي إيه ، مؤتمر سان
فرنسسكو .

عديله — سان ايه ؟ والله اتعدلت ولسانك مشي ،
الله يرحم زمان ، أيام التريترو ، وجنيته الحيوانات ، بقى أنا
ورايا ايه ؟ الشغل اللي مطبق على دماغى ده كله وورايا ايه ؟
الكنس والمسح والغسيل والطبخ والمناكفه والمنافره
والمهابره ، كل ده وماورايش حاجه ؟ ياخى خلى حد يقول
كده غيرك ، ليه .. هوّا انا زيك ؟ طول النهار قاعد لى فوق
السطوح زى تنابلة السلطان لا شغله ولا مشغله .

قرقر — اللي هوّا انا ؟ طيب معلش ، أنشرى الهدمتين
وانزلى ، خليه نهار يفوت .. أنا اللي قاعد فوق السطوح ،
لا شغله ولا مشغله .. حاقول إيه ؟

[يضع القلة على كفه ثم يأخذ في السبر بها كما كان يفعل]
عديله — [في دمتة] : هو إيه أصله ده .. ما تفهمنى
بس إيه اللي بتعمله .. انت جراك إيه ؟
قرقر — مالكيش دعوه .. إنتى مش بتقولى لا شغله
ولا مشغله .. سيبنى بقى فى حالى .. كفايه القرف اللي انا
شايفه .

عديله — طب ماتزعلش .. حقتك عليه .. بس قوللى
ايه اللي بتعمله ده ؟

قرقر — زى ماتى شايفه كده . . باتمرن .

عديله — تتمرن على إيه ؟

قرقر — ع الشغل .

عديله — شغل ؟ سلامات يا شغل ! شغل إيه اللى
بتمرن عليه ده ياسى قرقر . يا ابن ام قرقر . . تكونشى
بشغل فى سيرك ولا حناش عارفين ؟

قرقر — ومش عارفين ليه ؟ ماهو قدامكوا اهو . . على
عينك يا تاجر . . فيه سيرك أكثر من السيرك اللى بشغل
فيه ده .

عديله — سيرك إيه ؟

قرقر — سيرك أم عبده . . أم عبده والشيخ عجائب .

عديله — انت بهزر ؟

قرقر — بتكلم جد . . شوفى شغلك بقى خيلنا نشوف

شغلنا . . [بماود سيره بالقله]

عديله — [متناظه] بقى اسمع بقى يا قرقر ، والنبي واللى

نبي النبي نبي . . والولى اللى ولى الولى ولى . . وال . .

قرقر — [يقف فى ضيق] إيه بس عايز إيه بلانبي بلاولى ؟

عديله — إذا ما كنتش تقول لى إيه اللى بتعمله ده .

قرقر — حاتعملى إيه ؟

عديله — حارقع بالصوت .

قرقر — مفيش لزوم ، حاقول لك .

عديله — قول .

قرقر — بق انت عارفه إن الشيخ عجايب مفهم ستك

أم عبده إن معمول لها عمل .. وإن العمل ده هو اللي
مطفش نوح افندى منها .. واللى خليه مش طايقها .

عديله — معقول .. له حق .

قرقر — حق .. ياخى انشا الله ينكسر حقاك .

عديله — إن شا الله انت .

قرقر — هي ستك ام عبده ناقصه عمل .. دى هي نفسها

عمل .. دى مش تطفش نوح افندى وبس .. دى تطفش بلد
أنا مش فاعم الحكومه تايه عنها فين .. دى لو سابوها في
القنال .. حاتطفش الانجليز في ليله .. دى كانت تجيب لنا
الجلال في ثانيه .

عديله — المهم ، خيلنا في اللي احنا فيه هنا ، بتقوللي

إن الشيخ عجايب مفهم ستي إن معمول لها عمل ؟

قرقر — أيوه .

عديله — وبعدين ؟

قرقر — ولا قبلين ، عايز يطلّعه .

عدیلہ — له حق لازم یطلّعه .

قرقر — بس دا حایطّله علی عنیه .

عدیلہ — وانت مالک .. إیش حشرک ؟

قرقر — مالی إزای ؟ ماہو کلہ علی دماغی ، هوآ

بیخلینی أون ثانیہ ، أنا المسئول عن کل الطلبات البایخه اللی

بیطلبها ، ماہو لو کان العمل دا حایطّلع کده زی کل حاجه

ما بتطّلع ، کانت هانت ، إلا العمل بتاع ستک أم عبده مش

عایز یطّلع ، إلا بحاجات ماوردتیش ، ماهاش نظیر ،

ما سمعتش عنها عمری .

عدیلہ — زی إیه کده ؟

قرقر — خدی عندک ، أول حاجه طلبها ، جدی أحول .

عدیلہ — وماله .

قرقر — وماله إزای ؟

عدیلہ — هات له جدی أحول .

قرقر — وهوآ فیہ جدی أحول یامغفله ؟

عدیلہ — یوه ، ما فیش لیہ ، هو مش فیہ بنی آدم أحول ؟

قرقر — فیہ .

عدیلہ — یبقی لازم فیہ جدی أحول ، زی ما فیہ

بنی آدم أعمی و جدی أعمی ، و بنی آدم أعور و جدی أعور .

قرقر - أصل الأعمى والأعور دى فى إيدينا ، أقدر
أجيب له جدى سليم واخزق له عنيه بيقى أعمى ، والا عين
واحد بيقى أعور ، لكن الأحوال ده أحوله إزاي ؟
عديله - زى الناس .

قرقر - يعنى إيه زى الناس ؟
عديله - يعنى جيب له معزه على يمينه ومعزه على شماله
تبص تلاقيه يحوّل ، هو البنى آدم بيحوّل من إيه ، من
كتر البصبة يمين وشمال ، من فروغية عنيه .

قرقر - طب افرضى طلع جدى ، تقى ، جدى مطمطم ؟
عديله - حايحول أكثر .

قرقر - طب انتهنسام الجدى ، والفرخه الزعلانه ،
دى أجيبها له منين ؟
عديله - فرخه إيه ؟

قرقر - زعلانه ، ابن الرضى ، لازم يعقدها ، يعنى
إذا كانت مبسوطه ما تنفخش ، ما يطلعش العمل ، أجيب له
الزعلانه دى منين بدمتك ؟

عديله - بسيطه خالص .

قرقر - برضك أجيب لها ديكين ؟

عديله - لا ديك واحد .

- قرقر — تقوم تزعل ؟
 عديله — حانتبسط فى الاول .
 قرقر — تبق مش نافعه .
 عديله — اصبر عليه شويه .
 قرقر — صبرنا .
 عديله — تجيب لها ديك وتسييه معاها .
 قرقر — سبناه معاها .
 عديله — حا تفرفش .
 قرقر — فرفت .
 عديله — تكبس عليها بتلات فرخات ، مره واحده .
 وتسييه مع الديك .
 قرقر — حا تزعل ؟
 عديله — تزعل وبس ، دى يمكن تنزل عليها نقطه .
 قرقر — ياسلام عليكى يا بت يا عديله ، يالى مفيش
 منك ، يسلم بقك ، (يضع القلة على كفه ويمادو السير) عن إذ نك
 بقى أما أكمل الشغل .
 عديله (فى غيظ) — بينلك ، بقى بعد دا كله ،
 وما تقولىش بتعمل إيه ؟ !
 قرقر — أبوه والله كنت حانسى ، حا أقول لك أهه .

عديله — قول .

قرقر — بقي يا ستي . . الرجل الضلالي طول النهار
ما كفاهوش الطلبات المعقده اللي يطلبها ، واللى مدوخنى
بيها ، لأ ، آخر المتمه ، قال إن العمل ده مش حانعرف
هو موجود فين اللي بطريقتة القله .

عديله — طريقه القله ؟

قرقر — أيوه يا ستي طريقه القله .

عديله — ودى تبقى إيه دى كان ؟

قرقر — قال نملا قله للآخر .

عديله — وبعدين ؟

قرقر — واحد يحطها على كفه ، كده .

عديله — بسيطه .

قرقر — لا مش بسيطه ، بفضل فارد دراعه بيها .

عديله — حاجه سهله ، انا أقدر أعملها .

قرقر — يا ستي اصبرى على لما اكملك .

عديله — طيب كمل ، أنا اصلى عارفك قليل الحيله .

قرقر — بفضل فارد دراعه كده ، وماشى بيها ، ماشى ،

ماشى . ماشى . (بأخذ في السير)

عديله — وبعدين .

قرقر — يفضل ماشى ، [وياخذ في السير] .

عديله — خلاص ، فهمنا ، وآخرة المشى ؟

قرقر — لحد ما تتدغدغ رجليه ، ويتقطم وسطه .
ويتخذل دراعه ، ونقع القله تتكسر .

عديله — طب وبدال ما يفضل ماشى لغاية ما يجراه
كل اللي حايجراله ده ما يدشدشها من الأول ويريح نفسه .
قرقر — ما ينفعشى ، لازم يسديها لحد ما تقع من نفسها .
عديله — طيب وقعت من نفسها .

قرقر — يطب وراها في الأرض ، والحته اللي تقع
فيها ، يفضل يحفر فيها لغاية ما يطلع العمل .

عديله — يا سلام ، أما طريقه مدهشه ، وجربتوها
دى يا قرقر ؟

قرقر — جربناها .

عديله — ازاي .. احكي لى احكي ، حصل إيه ؟

قرقر — خرجت اول امبارح العصر . بعد ما مليت
القله لمت عينها ، وفردت ايدى بها كده ، ونزلت السلم .
وخرجت من الباب ، أقول لك الحق ، انا كنت مكسوف
وعارف إن الناس حاتضحك عليه ، وقلت اخرج بيها

كده قدام الست أم عبده ، أهو برو عتب ، وبعدين أدشها
في أقرب حته بدل ما مشى بيها في الشارع وافرج الناس عليه ،
لكن لما نزلت الشارع الفار لعب في عبي ، وقلت يمكن
تكون الحكايه صحيح ، ولو وقعها بالعينه يمكن ما يطلعشى
العمل ، قولى الشهامه مسكتنى وضميرى أنبنى وقلت يا واد
امشى واستحمل .

عديله — لك حق ، طول عمرك شههم .

قرقر — مشيت ، من شارع السد على ميدان السيده ،
والعيال حواليه والنقوره دايره ، شقع بقع يا رب تقع .
وكل من هب ودب يرقعنى بكلمه ، لحد ما وصلت شارع
خيرت على عابدين ، حسيت ان دراعى خلاص ابتدا
يتصلب وكتقى حايخلع ، ضغطت على نفسى . وفضلت
ماشى ، ماشى ، ماشى ، لغايه ، ما حسيت زى اما يكون
دراعى انشل ، ما بقيتش حاسس بيه خالص ، ومره
واحد ، القله طبت انكسرت .

عديله — وبعدين ، عملت إيه ؟!

قرقر — رحط طابب وراها على الأرض ، ورافع
الفاس اللى شايله في ايدى التانيه ، وهات يا حفر . فضلت
احفر ، احفر ، احفر .

عديله — لغاية ما طلعت العمل ؟
قرقر — لا ، لغاية ما جم العساكر وودوني القسم ،
ويتوني ليله على الاسفلت .

عديله — ليه ١٩ ؟

قرقر — لأنى كنت بحفر فى وسط ميدان العتبه ومعدل
حركة المرور كلها .

عديله — يا خساره ، والعمل ١٩ ؟

قرقر — عمل اسود ، لازم سفلتو فوقوا تانى .

عديله — والشيخ عجائب قال لك ايه ١٩ ؟

قرقر — ولا حاجه .. هو خامس عليه ايه ، قاللى
اطلع تانى مره ، وامشى حسب القله ما تودينى يعنى مش زى
ما أنا عايز .. أميل مطرح ماتمبل .. مالت فى عطفه ادخل
فى عطفه ، مالت فى زقاق أدخل فى زقاق ، دخلت فى بيت
ادخل فى بيت .. عشان المره دى .. مش يودونى قسم
الموسكى وبس .. يودونى قره ميدان على طول ، إياك
ينبسط شيخ السو .. إياك يرضيه ، أنا عارف هو مش
حاىستريج إلا لما يجيب داغى . لكن أنا مش حاسكت له ،
مش كل الطير اللى يتاكل لحمه ، لازم أجيب داغه قبل
ما يجيب داغى .. لازم أطربقها عليه .

[بندفع في نورة من الفضب ويرفع يده بالقلة ويهوي بها على سقف
الحجرة التي ينام فيها الشيخ عجائب فتتكسر القلة وينزل ما بها من مياه
على الشيخ عجائب من خلال فتحات السقف الخشي ، ويسمع استغاثات
الشيخ عجائب وتأفقه من المياه النازلة فوقه]

عديله — يامنيل على عينك ، انت اتجننت والا جرى
لعقلك حاجه .. الراجل يقول إيه دلوقت ١٩

قرقر — ولا حاجه .. نظره .

عديله — نظره ١٩

قرقر — أيوه نظره .. حاجه عجيبه ، السما ما بتنطرش
أبدأ ..

عديله — والسما اللي نظرت دي مش بتنظر في كل حته ١٩
قرقر — لأ .. بعض ساعات تنظر في حته وما تنطرش
في الحته التانيه .

عديله — يعني النظره ما عجبتاش حته تنزل عليها في كل
الدنيا الواسعه دي غير أودة الشيخ عجائب ؟

قرقر — أيوه .. لأن ده السطح البارد الوحيد اللي
قابله .. دي نظريات عليه ماتفهميهاش .. حاجات عرفتها
زمان لما كنت في كتاب الشيخ زكي ، وعلى العموم علشان
نسبها عليه نعمل لها شوية تحايش .

[يخرج من جيبه بطارية ثم يضيئها عدة مرات سريعة متوالية]
دا برق [يدق ضربات فوق سطح الحجره أشبه بالعد] ودا رعد
[بصغر صغراً أشبه بالريح] ودى العاصفه . . أظن بعد كده
يبقى مالناش ذنب ، وإذا ماصدقش انها نظره . . عنه
ماصدق ، أنا عملت اللى عليّته . . يعنى هى السما بتعمل إيه
أكثر من كده .

[يسمع صوت أم عبده من بير السلم]
أم عبده — بت يا عديله . . بت يا عديله ، انت نمتي
فوق والا إيه ؟ !

قرقر — يا حفيظ . . زماره الخطر .
عديله — أيوه ياست ، أصل الجبال كانوا وسخين
قوى وكنت بامسحهم .

[يسمع صوت أقدام صاعده بالقباب]
قرقر — يانهار اسود ، دى طالعه . . القضا المستعجل
طالع .. اخلصى يا عديله ، دلوقت تخش للشيوخ عجائب علشان
يرقيها . . فتعرف اللى حصل ، وتشوف القله المكسوره
إسمى أنا لازم استنجي .
عديله — خش فى أودة الفراخ .

قرقر — ما فيش فايده . . حاتدور عليه وتقفشنى ،

أقول لك .. أحسن . حازه أخش عند الجماعه دول
[يشير الى حجرة سيد ومحمود]

عديله — لكن دول ساكين الأوده وبقالمه مده
مايجوش .

قرقر — لا أنا عارف انهم موجودين بس بيطلعوا
على مواسير الميه ويدخلوا من الشباك علشان أم عبده
ماتقفشهمش وتطالبهم بالأجره المتأخره .

عديله — طب وحاي رضوا يفتحوا لك ؟

قرقر — طبعاً .. إحنا فيه بيننا وبين بعض عمار ،
فيه مودّه .. أنا وهم على أم عبده . [تنهك عديله في النشر
ويستمر صوت الققباب في الاقتراب]

[يطرق قرقر الباب وفي هذا الوقت يكون سيد خارجاً من دورة
المياه يجفف وجهه استعداداً للصلاة]

[سيد يقف متمسراً في حالة فرح .. قرقر يعاود الطرق دون
أن يجيب عليه أحد]

قرقر — افتح ياسى سيد افندى .. افتح أنا قرقر ،
افتح بسرعه .. أنا في عرضك .

[سيد يزعج ماوراء الباب ثم يفتحه ، فيدخل قرقر ويطلق
الباب وراءه]

سيد — إيه ؟ فيه إيه ؟

قرقر - القضا المستعجل طالع .
 سيد - القضا المستعجل ؟
 قرقر - أيوه أم عبده .
 سيد - يانهار اسود ؟ طالعه هنا ؟
 قرقر - أيوه ، في السطوح . . طالعه للشيخ عجائب
 عشان ييخرها ويرقيها ويلبسها الحجاب .
 سيد - طيب وانت خايف ليه ؟
 قرقر - أصل عملت في الراجل خازوق ، وخايف
 لا تطلعه من عنيه ؟
 سيد - طيب اقعد لما أصلي ركعتين .
 [سيد يبدأ الصلاة ، ويجلس قرقر وراء الباب ينظر من خلال
 الثقب]

[تظهر أم عبده صاعدة من السلم في السطوح]

المشهد الخامس



[عديله - أم عبده - الشيخ عجائب]
 أم عبده - مش خلاص والا حاتفصلي تنشري

في الهدمتين دول طول النهار .. أمال فين قرقر ، لسه
ماصحيش ؟ ١٩

عديله — ما اعرفش والنبي ياستي ، أنا من ساعة
ماطلعت ماشفتلوش أثر .

أم عبده — لازم لسه بيشخر .. هوّا دا عنده دم ،
عايز الخدامين بتوع أبوه يصحوه ، لازم ينام لي لغاية
الضحى . [تقرب من عشة الفراه] واد ياقرقر ، انت ياواد
ياقرقر ، قوم فز اصحى .. هي نومة أهل الكهف ، قوم ياالله
[لايجيب عليها أحد .. تفتح التقيصة وتمد رأسها الي الداخل فلا تزي
غير الفراه] ماهاوش نايم جوه .. هوّا راح فين يابت ؟ ١٩
عديله — أنا عارفه ياستي .. هوّا حد عارف له قرار ،
أهو داير ينط زي فرقع لوز .

أم عبده — يمكن نايم مع الشيخ عجائب ، مع إن انا
قلت له يسبب له الأوده ولا يعتبش جواها علشان ما يضايقش
الراجل ويعطله .. الراجل وراه شغله .. طول الليل
ما يبطلش قرايه وكتابه وتعزيم .. ربنا ينجحه ، وبطلع لي
العمل اللي ملبش لي الراجل ، ومهيججه .

[تنقر بسايتها على باب حجرة الشيخ عجائب]

الشيخ عجائب — [من الداخل] ها .. مين ؟

أم عبده - [بصوت رقيق] أنا .

الشيخ عجائب - [لا يسمع] مين اللي بيخبط ع الصبح
مش كفايه التعب والسهر والدوشه اللي شايفينها طول الليل؟
عديله - افتح ياسيدنا الشيخ دى الست ام عبده .
الشيخ عجائب - طيب ياست ام عبده .. لا مؤاخذه ،
حالا ..

[بفتح الباب ويبدو مبتل الوجه والنياب]

الشيخ عجائب - عدم المؤاخذه .. أنا افتكرت ..
الواد قرقر .

أم عبده - أنا صحيتك م النوم ؟

الشيخ عجائب - هوّا انا باشوف النوم .. وآخر الليل
جيت اغفل شويه .. لقيت النظره نازله ترخ .

أم عبده - نظره ؟! نظرة إيه ؟! هى الدنيا نطّرت
يابت يا عديله ؟

عديله - [مرتبكة] والله ياستى مانا عارفه .. يمكن قبل
ما اطلع .

الشيخ عجائب - لا .. لا .. دى نظرت حالا دلوقت
السقف خر على غرقنى .

أم عبده - يمكن ندا ياسيدنا الشيخ ؟

الشيخ عجائب - ازای .. دی نظره .. برعد ، وبرق ،
وعواصف .

أم عبده - كان ؟

عديله - يمكن ياستى من عمایل الجن والعفاريت ..
ماهو سيدنا الشيخ طول الليل ييحضر فيهم .. اللهم احفظنا .
الشيخ عجائب - على العموم ياست هانم أحسن حاجه
تشوفى لنا أوده تانيه يكون سقفها كويس ، علشان لما النظره
ترخ علينا تانى ماتبقاش تنزل تغرقنا وتلف شغلنا .

أم عبده - أنا برضه بفكر فى كده .. بقول إني
أديك أودة الجماعه النصايين دول اللى بقى لهم ثلاث شهر
مايدفعوش الأجره .. أحسن حاجه إن أنا أعز لهم
وافضيهاك .

الشيخ عجائب - كتر خيرك ياست هانم .. علشان
نعرف نشوف شغلنا كويس .. الحاجات دى عايزه تعب ،
وعايزه سهر .. اتفضلى جوه .. أما أوريكى أنا عملت إيه
طول الليل .. اتفضلى .

[تدخل ام عبده فى الحجره ، وتحمل عديله السبت وتهبط به]

المشهد السادس



[سيد — محمود — قرقر]

[سيد ينتهي من الصلاة ... محمود يدخل من المطبخ ... قرقر يرقب من ثقب الباب] .

محمود — الله !! إيه ده ؟ إيه اللي جابك هنا يا قرقر ؟!

سيد — لاجيء سياسى .. هارب من العدو المشترك.

محمود — يعنى إيه مش فاهم ؟ !

قرقر — طب بس ماتعلّيش صوتك ، الوليه قاعده بره.

محمود — وليه مين ؟

قرقر — أم عبده .

محمود — يا نهار اسود !! برّه .. برّه ! يعنى فى

السطوح ؟ !

قرقر — أيوه .

محمود — يا لطيف ، وقاعدين كده ساكتين ؟ !

سيد — يعنى حانعمل إيه ؟

قرقر - على العموم هي دخلت دلوقت في الأوده
بتاعتي عند الشيخ عجائب ، ودلوقت زمانها ملخومه في
الأحجبه والبخور ، وزمان الراجل عمال يرتقي فيها .

محمود - يعني ما فيش خوف ؟ فيه حال أمان ؟
قرقر - أمان مؤقت .. وبعده .. الخراب المستعجل ..
فيه أبناء سيئه جداً عرفتها دلوقت .

سيد - ايه هي ؟

قرقر - بعد عشر دقائق بالكثير . حاتصبخوا
بلا مأوى .. حاتبقوا كده زى حالاتي .

محمود - يعني إيه ؟

قرقر - يعني حاتنظردوا ، الشيخ عجائب ، حاتنقل
في الأوده بتاعتكم لأن الأوده بتاعتي اللي هو فيها دلوقتي
سقفها بيخر .

سيد - بيخر إيه ؟ هوا ؟

قرقر - لا .. ميه .

سيد - ومنين جات له الميه ؟

قرقر - نظره .

محمود - نظره ؟ مش ممكن ، الدنيا ما نظرتش أبداً .

قرقر - مطر صناعي .. مطر قناوى .

سيد — ايه يا سيدنا الكلام اللى بتقوله ده .. مطر
فى الصيف ؟!

قرقر — لأ .. أصل أنا اتغضت منه وكسرت القله
على نفوخه .. قصدى على نفوخ الأوده .. على العموم
مش مهم دلوقت .. المهم إن القضا المستعجل قال إنه حايقله
فى الأوده بتاعتكم دلوقت .. فياه العمل ؟!

سيد — ايه العمل ؟. دى تبقى كارثة .. دى تبقى نكبه
حاروح فين ونام فين ، ونودى العفش دا فين .. دا حنا
ما معناش اللضا .

قرقر — على العموم بسيطه ، نقعد سوا فى الأوده
بتاعتى . واللاتاموا فيها وانا انام فى أودة الفراخ ، وعوضى
على الله . بس المهم انكم تزوغوا دلوقت قبل ما تقفشكم .
محمود — لكن ازاي تاخذ الأوده بتاعتنا .. دى
ما لهاش حق قانونى .. احنا مأجرين منها أجره بالسنة ..
ولنا الحق ان احنا نقعد لغاية آخر السنة .

سيد — أيوه يا أستاذ .. لك الحق لو كنت بتدفع
الأجره .. أو لو كان معاك فلوس دلوقت تدفعها .. لكن
عايز تقعد ولا تدفمش .. حاجه مش معقوله . إذا كنا
عايزين نقاوح وتبت فى الأوده لازم أقل ما فيها نكون

دافعين الأجره المتأخره .. بس لو تسيننا يوم والا يومين ،
كان الواحد قدر يدبر المبلغ .

قرقر — مافيش فايدته ، بعد نص ساعه حاتكون
مستوليه على الأوده ، أنا عارفها كويس .. دماغها ناشفه .
سيد — ولا حد بس يشوف لنا سلفيه !

محمود — سلفيه متين يا خال ، داحنا مديونين للشارع
كله ، المسكوجي ، والبقال ، والخضري ، والجزار ، وبتاع
البسبوسه ، وبتاع لحمه الراس ، وبتاع الفول والبليهه السخنه ،
يعنى مفيدش حد يأمناً أبدأ .

قرقر — بس يا جماعه أنا سامع صوت رجلين .

[بيدور في السطوح عم علي بائم الفول ويتجه الى باب الحجره ويطرئها]
[الجميع بصغون .. يزداد الطررق ..]

عم علي — هو إيه أصله ده ، ده اسمه نصب ، انتوا
عايزين تاكلوا بلاش ، بقالي خمس تيام وانا آجى
علشان الشلن الى انتوا واخذين بيه .. دا حتى حرام
ما يرضيش ربنا .

[يقف برهة .. والسكن دون يجيب .. يئأس الرجل وينصرف]

قرقر — [ينظر من ثقب الباب .. هامساً] دا عم علي بتاع

الفول ، مشي خلاص .

[الاثنان يتفسان الصعداء]

سيد — ها .. وبعدين .. العمل ايه ؟
محمود — ولا قبلين .. مافيش قدامنا غير الطريق
الوحيد ده [يشير الى النافذة] .

سيد — أيوه بس حانبات فين بعد كده ؟! والعفش
والحاجه بتاعتنا حانعمل فيها ايه ؟

محمود — يا أخى يبقى يحلها ربنا .

قرقر — هس .. فيه صوت رجل تانيه .

[يدخل عم ابراهيم بائع لحمة الراس .. ويطرق الباب]

عم ابراهيم — لا .. ماهوما ينفعش ده .. أنا مافياش نفس
أطلع كل يوم السلام علشان الريال من غير فايده .. دانتموا
افتديه محترمين أمال خليتموا ايه للهلافيت .. لما انتوا مش
أد الجواهر .. تاكلوا جواهر ليه ؟! كلوا أباه .. كلوا
كرشه .. معلش مسيركو تقعوا في ايديه ، وانا
أوضبكوا كويس .

[ينتظر برهة ولسكنه يئأس فينصرف]

قرقر — [ينظر من ثقب الباب هامساً] دا عم ابراهيم ..
يا جابر .

محمود — يا ساتر .. هو لسه واقف ؟!

قرقر — لا . . مشى والحمد لله .

سيد [متهدأ] — الذى لا يحمد على مكروه سواه .

محمود — ودلوقت يا الله بنا يا خال نزوغ بسرعه من الشباك قبل ما الوليه تطب علينا ونروح فى شربة ميه .

سيد — مش بس يا أخى تفكر فى الحكايه كويس ،
حانبات فين ، ونودى الحاجه بتاعتنا دى فين ؟ !

محمود — بعدين نفكر فى الحاجات دى كلها ، المهم
إننا نزوغ دلوقت .

[يأخذان فى ارتداء ملابسهما]

[يسمع صوت أقدام أخرى تقترب ويبدو فى السطوح الشيخ زين
يرتدى جلباباً بلدياً . . بطرق باب الحجره] .

سيد — ودا مين دا كان ؟

قرقر [من تقب الباب] — مش باين ، ما عرفش يبقى مين

شحط كبير قوى سادد الباب .

محمود — يعنى حايطلع مين ؟ مندوب البنك الأهلئ ؟
أهو لازم واحد من الديانہ ، تلاقيه عم حلاوه بتاع
البسبوسه ، والا الحاج عضمه الجزار .

سيد — لكن دا ما يتكلمش .

[زين يستمر فى الطرق على الباب]

محمود — لازم ناوی علی الشر ، لازم بیخمن لنا
علی حاجه .

[ذین یمل من الطرق فیجلس أمام الباب]

قرقر — یا نهار اسود ، ده قعد ، ده مبلط خالص ،
یعنی مش ناوی یعتکم أبدأ .

محمود — قلت لك یا خال ، النهارده باين من اوله ،
یاالله وحیة أبوك بنا نزوغ من الشباك ، أنا حلمت الليله
اللی فانت حلم وحش قوی .

[يتجه الى الشباك ويهم باخراج ساقه ولكنه يراجع]

محمود — یا وعدی ، الظاهر إنها طبلت من كل ناحیه .
سید — إيه ؟ فيه إيه ؟ .

محمود — الطريق مققول .

سید — یعنی إيه مققول ؟

محمود — یعنی الست بهیه ، بسلامتها واقفه فی البلكونه
اللی تبص علی المواسير ، یعنی حاتكشفتنا ، علی كده مش
حانقدر تنزل .

سید — وبعدين ؟ !

محمود — [يتقدم مرة أخرى الى الشباك] — علی العموم
أنا حانزل ، میت بهیه ولا واحد أم عبده ، یعنی حاتعملی إيه ؟

سيد [بمسك به] — مش ممكن .. ما يصحش تفضح
قدامها .. ما يمكش أخليك تنزل أبدأ .
محمود — ياسيدي إنت مالك ، أنا يهمنيش .. أنا حانزل
وحدى ، خليك إنت ، مادام مكسوف من الست بهيه
[بتقدم الي الشباك نم بتراجع تانية في بأس] خلاص ، اتقفلت
من كل ناحيه .

سيد — في إيه تاني ؟ !

محمود — نوح أفندي واقف في الشباك اللي قصاها ،
وعم على واقف في الشارع بعريية الفول والبليه السخنه ،
يعني عاملين علينا حركة ككاشه ، حصار من جميع الجهات .
خلاص . رحب بلاش [يجلس في بأس] .

سيد — [لقرقر] وأخينا دا لسه برضه قاعد بره ؟ !
قرقر — [ينظر من النب] دا مصمم ، ما فيش فايده .
[يسمع صوت أقدام .. تظهر عديله في السطوح] .

سيد — ودا مين تاني ؟ !

قرقر — عديله ، لو اعرف انده لها يمكن تسرب لنا
اللوح اللي مبلط على الباب ده ، بس حانده لها ازاي ؟ اهي
دي اللي تقدر تنقذنا ، يانهار اسود دي راحة الأوده
التانيه ، استنوا شويه اما نشوف إيه اللي حايجصل .

[تنجبه عديله الى باب حجرة الشيخ عجائب وتطرق الباب] .

الشيخ عجائب — [من الداخل] مين ؟

عديله — أنا عديله .

أم عبده — عايزه إيه يا عديله ؟

عديله — الباميه حانعملها بالسلق والا بالقوطه .

الشيخ عجائب — انا احبها بالسلق .

أم عبده — استنى أنا جايه لك .

[تخرج أم عبده وقد علقت على صدرها حجاباً ووراءها الشيخ عجائب]

الشيخ عجائب — الحجاب ده ، ما تقلعش أبدأ ، أنا

بقالى ثلاث تيام باعمل فيه ، وان شاء الله للنهارده حانشف

حكاية العمل ، لازم أطلعه بإذن الله . بس أنا عايز آخذ

حته من أترك . اتفضلى جوّه شويه .

[يعود الاثنان الى الحجرة]

قرقر — [يصف ما يراه] أم عبده على الباب . . الشيخ

عجائب وراها . الشيخ عجائب دخل الأوده . أم عبده دخلت

وراه . عديله واقفه بتقصع . . اللوح قاعدزى ما هو ،

ما يتعتش ، أم عبده خرجت ، الشيخ هباب خرج .

المشهد السابع



عجائب - أم عبده - عديله - قرقر



سيد - محمود - زين

[أم عبده تخرج ووراءها الشيخ عجائب] .
الشيخ عجائب - ودلوقت وحياة ابوكي ياست أم عبده
ابعتي لي الفطار .

أم عبده - عنيه يا سيدنا الشيخ ، عنيه .
الشيخ عجائب - بس امبارح كان شويه وانت عارفه
إن انا طول الليل سهران وتعبان .

قرقر - [من الداخل] قوى ، الله يكون في عونك .
الشيخ عجائب - وعائزك تبعتي لي أدست بيضات مقليين
وإذا كانت عندك حنة قشطه على شوية عسل نحل ، يبق

كويس ، بلاش الفول لأنه يعمللى عسر هضم ، إذا كان
تقدرى تبعتى لى رطل بسبوسه علشان احلى ييه ما فيش
مانع ، اصلى ما حبش اتقل كده .. طلبات خفيفه .

ام عبده — من عنيه ياميدنا الشيخ .

الشيخ عجائب — وحكاية الأوده اللى قلت عليها ؟

ام عبده — دلوقت حالا .. هات الحاجه بتاعتك كلها

وانتقل فيها دلوقت ، دول جماعه نصايين .. حراميه ..
أنا حاعرف أوربهم ازاي .

[يدخل الشيخ عجائب لاحضار ملايه وصندوقه ومعداته وتتجه
أم عبده الى باب الغرفة] .

قرقر — يا نهار اسود .. اسندونى .. خلاص .

محمود — حاتعمل إيه دلوقت ؟ قول قوام .

سيد — أنا عارف .

[يجلس الثلاثة فى بأس .. أم عبده تري الشيخ زين]

أم عبده — وانت مين ؟

الشيخ زين — أنا الشيخ زين .

أم عبده — وعازب إيه ؟

الشيخ زين — عازب الجماعه اللى هنا .

أم عبده — ماييجوش .

الشيخ زين — حاستنهم .

أم عبده — مش حايجوا أبدأ .

الشيخ زين - برضه حاستناهم .

أم عبده - خليك مستنى [الی عديله] بت يا عديله ..
انزلى قولی للاسطی أحمد النجار یبجی یکسر لنا الباب ده .
عديله - حاضر یاست .

[الشيخ عجایب بحول مهماته أمام الباب]

محمود - یا جماعه لازم نشوف لنا حل .. إحنا
حانفضل قاعدین کده .. لازم نستخجی فی حته .
سید - ما فیش فایده ، دی حاتخس تدعبس هنا وهنا
وحانتکشف لو استخینا فی آی حته .. ومش حاینوبنا
غیر الکسفه .

قرقر - [بنظر الی الشوالات الفارغة] اسمعوا یا جماعه أنا
عندی فکره کویسه .

محمود - إیه هی ؟

قرقر - کل واحد منکم یدخل فی شوال واربط علیه
وأرکنه جنب بقية الشوالات .. ومش معقول أبدأ
حد حایفکر فی فتح الشوالات دی .

سید - بقی معقول إننا تتحبس فی الشوالات ؟

قرقر - مش معقول لیه ؟ خمس دقائق لغایة ماتنزل
أم عبده .. وبعدين أسرب لکم الشيخ عجایب .. وتزوغوا
بعد کده .

سید - لکن بس .. حکایۃ الشولہ دی ! .

فرقر - مافیش حل غیر کدہ .

سید - انا کان عندی أنزل أحسن علی المواسیر .

محمود - ما خلاص حکایۃ المواسیر دی مافیہاش فایدہ

کل الطرق مقفلہ .. الظاہر إن حکایۃ الشوالات دی مافیش

منہا مفر .. ہیّ الطريق الوحید لإنقاذ ما یمكن إنقاذه .

سید - یا ناس .. کل دہ علشان ثلاثہ أربعہ جنیہ ،

ثلاثہ أربعہ جنیہ نسد بہم بق الولیّہ ، وتخلینا بقیمتنا بدل
البہدلہ فی الشوالات .

محمود - طب ما نخط العفش ورا الباب زی ما کننا

حاطینہ ؟!

فرقر - مافیش فایدہ دی بعتمت تجیب التجار ومصممہ

علی الاستیلاء علی الأودہ .. ولو أدى الأمر أنها تخلع

الباب .

محمود - طب وانت حاتعمل إیہ ؟!

فرقر - ولا حاجہ حا عمل نفسی بردت باللیل من

أودة الفراخ ولقیت باب الأودہ مفتوح فدخلت وسکیتہ

علیّہ ونمت .

[نحضر عدیہ ومہا التجار الذی یبدأ فی کسر الباب]

فرقر - یا اللہ یا جماعہ .

[يدخل كل منهما في شوال ويربط عليه ، ويضمهما بجوار بقية
السوالات ، ثم يرتجى علي الفراش ويفط في النوم]

أم عبده — [تدخل فترى قرقر على الفراش] . يوه . . .
ودا إيه دا كان ؟!

عديله — دا قرقر ياستي .

أم عبده — يذالك يا قرقر . . إيه اللي جابك هنا ؟
دا انا دخت عليه ، ولسه نايم لغاية دلوقت . . قوم فز . .
قامت قيامتك وانتصب ميزانك .. متمطع قوى على السرير
تقولشي في بيت ابوك .

قرقر — [يقف وبفرك عينيه] . . هوا إيه ده ؟ يعني
أنا كفرت ؟!

أم عبده — أخرج يا الله ، فضى الأوده لسيدنا الشيخ .

قرقر — طب والناس اللي ساكتين فيها ؟

أم عبده — دول نصاين .

قرقر — والعفش بتاعهم ؟

أم عبده — أنا أحجز عليه لغاية ما يدفعا الفلوس ،

حانزّلوا عندي في الشقه ، إذا مادفوش . . حايبعه . .

أما اشوف يا انا يا هما .

قرقر — تنزّليه في الشقه ؟ مش ممكن .

أم عبده — مش ممكن ليه يا عمر .. حايستعصى !؟
قرقر — لأ بس مش شاي ف انه يستاهل .. كله شويه
كرا كيب على كام شوال .

أم عبده — أحسن من عندهم .. اللي بيجي منه أحسن
منه .. أنا ما يتكلش حتى أبداً .

قرقر — بس طولى بالك .. ماتبقيش كده ياست طبعك
حامى .. كل حاجه بالذوق كويسه .

أم عبده — ذوق؟ اسلامات يا ذوق .. هما فاكرين إيه .
فاكرينها تكيه .. فاكرينها أردغانه .. فاكرينها شفت ..
فاكرينها نهب .. أنا لازم أفرجهم .. لازم أدوخهم زى
مادوخونى . لازم أفضحهم فى الحى كله وأفرج عليهم اللي
يسوى واللى ما يسواش .

قرقر — ياست ما فيش لزوم . دول ناس طيبين وطول
عمرهم ما حدش سمع لهم حس ولا خبر .

أم عبده — اخرس انت .. ما حدش عمك محامى .
خش ياسيدنا الشيخ ، [الى عدله] وانت يا بت يا عديله
خشى حولى العفش ده مع قرقر ونزلوه تحت [قرقر وعديله
بمحلان الشوال الذى به سيد] .

عديله — هوا ماله تقيل كده ؟ حاطين فيه زلط ؟

قرقر - شيلي من سكات .. بلاش غلبه .. لازم
تسحبي من لسانك . حاطين زلط حاطين زفت احنا مالنا .
[قرقر وهو خارج بنظر بيعد الشيخ زين مازال جالساً فينظر
اليه في تمكم وغيظ] .

قرقر - وانت يا أختينا .. مستنى إيه ؟
زين - مستنى الجماعه .

قرقر - جماعه ؟ ! جماعه مين ، قوم ، قوم ، ما فيش
لزوم .. الجماعه خلصوا خلاص .. الجماعه بقوا عفش ..
والعفش انشال .

زين - يعنى ايه ؟ ! عزلوا ؟

قرقر - بيعزلوا دلوقت ، ماشيين قدامك أهم .

زين - طب واروح لهم فين ؟ !

قرقر - ما فيش فايده ، ما فيش داعى تروح لهم ابدأ .
مش حاتعرف تاخذ منهم لاحق ولا باطل .. دول
ما حيلتهمش اللضا ، مش حايدوك ولا مليم .

زين - ما حيلتهمش اللضا ؟ هو أنا جاي أشحت ؟
هو أنا محتاج ؟ . وهو انا عايز منهم حاجه ، أنا جايب
لهم قرشين من البلد ، معايا عشرين جنيه عايز أدبهم لهم .

قرقر - [يترك الشوال يسقط من يده من فرط الدهول] يابن
القديمه !! معاك ايه ، عشرين جنيه ؟ ! الله يخرب بيتك بحق

جاه النبي . . وقاعد المده دى كلها ما بتقولش حاجه ؟ ١٤
طيب هات الفلوس ، هات ، إيدك .

زين — أجييب الفلوس ؟ ليه أهبل ؟ .. عبيط ؟ .. أديك
الفلوس ازاي ما يمكنش ، لازم أسلمهم لهم يدأ بيد . وبعد
حفص وبحث وتمحيص وتدقيق واثبات الشخصيه والذي منه .
قرقر — ما فيش لزوم لحكاية الفحص والبحث
دلوقت .. ادبني الفلوس الله يسترک وبعدين ابقى الحفص
وابحث زى ما انت عايز .

زين — إزاي ؟ ١٤

قرقر — لأن الفحص والبحث مش ممكن دلوقت ..
لو بحثت عنهم دلوقت حاتلاقيهم هما والرز والفاصوليا
والفول المدشوش واحد . هات الفلوس تكسب فهم ثواب .
زين — أنا أديك الفلوس ؟ ليه ؟ اتهملت ؟ اتخبطت في
نافوخي . عايز تضحك عليه . فاكرني غشيم . . يا ضلالى
يا نصاب . . يا محتال . . يا حرامى . . أديك الفلوس علشان
تضرب عليهم عواف . . فاكرني هفيه ، دا أنا أوديك
البحر وأجيبك عطشان .. دا أنا أوديك في داهيه .

قرقر — وعلى ايه ما فيش داعى ، أنا مالى ، خليمهم هم اللى
يروحووا في داهيه . أنا عملت اللى على وهم سامعين وشاهدين .
شيلى يابت يا عديله شيلى ، الحكايه مش باينه حاتنتهى على خير
أبدأ ، شيلى ، خليتنا نخلص شيلى . السلام عليكم .



صالة الجلوس والأكل في شقة أم عبده . على اليمين باب يؤدي إلى السلم ، وعلى اليسار باب يؤدي إلى داخل الشقة ، وفي الواجهة نافذة مسمرة بقطعة من الخشب حتى لا يمكن فتحها ، وفي الركن الأيمن البعيد أناث سيد ومحمود الذي أنزل من غرفتهما وبعض الشوالات وبينها الشوالات الأذن وضما بهما ، وفي الركن الأيسر البعيد أريكة عليها عود وأمامها قانون ، وفي المنتصف منضدة عليها ورق ، وبالجزء فوثيرات وبعض مقاعد متفرقة ودولاب للصبني والزجاج والطعام الجاف أشبه بنعلية ، وفي الركن اليمين القريب منضدة صغيرة عليها جراموفون واسطوانات ، وفي الركن اليسار القريب راديو على منضدة صغيرة أخرى .



المشهد الأول



[أم عبده — فرور — بيه — عديله]

أم عبده — بس .. خليفهم محطوطين كده لغاية ما يدفعوا
الأربعة جنيهه اللي عليهم .. إذا ماجوش بعد جمعه ، حابيعهم
لبتاع الروبايكيا .. زى ما يجيوا .. إن شا الله يجيوا تلاته
أبيض ، أحسن من حبابي عنيم ، الضلاله النصاين .

بيه — ليه بس يانينه .. هم عملوا حاجه ؟

أم عبده — عملهم اسود ومطين على دماغهم ، مش
كفايه مدوخيني على الأجره بقا لهم أربع تشهر ، عايزاهم
يعملوا أكثر من كده إيه ، يسرقونا ، ينهبونا ، يدبحونا
ويشربوا دمننا .

بيه — يانينه الحكايه مش مستاهله دا كله ، يمكن
مزنوقين ، يمكن معذورين .

أم عبده — المعذور مايسكنش فى بيوت الناس ..
ويدوخهم على الأجره .

بيه — أمال يعنى يعملوا ايه ، يتاموا على الرصيف ؟

قرقر - أيوه حقيقي .. يناموا فين ؟
أم عبده - انسدانت ، ماتحشرش في اللي مالكش
فيه ، خلاص اتتهينا .. مش حايعتبوا الأوده يعني
مش حايعتبوا .. مفهوم .. رجليهم مش حاتمد فيها .
قرقر - مفهوم قوي .. هم يقدرُوا يمدوا إيدهم لما
حايمدوا رجليهم .

عديله - ما يمدوش ليه ، دول يمدوا ايديهم ورجليهم ،
أمال بيتشعبطوا ازاي .

أم عبده - بيتشعبطوا ؟

قرقر - قصدها بيتشعبطوا على الترمای ، ما تاخدش
على كلامها يا ست ، هي وراها ايه غير الهلوسه ، روجي
اقل البيض للشيوخ عجائب ، خلى الراجل يشوف شغله .
أم عبده - أيوه حقيقي ، مستنيه ايه ، أنا مش قولتلك
تحضري له الفطار ، هو انت كل حاجه تقنى تطقسي عليها
وتحشري نفسك فيها .. فوتي انجري اقل البيض وحضري
طبق العسل والقشطه ، يا الله قوام احنا ورانا حاجات كثير ،
أديكي شايفه ، البيت يضرب بقلب .
قرقر - [شامتاً] أهو كده ، أمال إيه : الحكايه لعب .

بیه — [تنظر الى النفس وتتنهد] بس انا صعبانين على
الجماعه دول .

أم عبده — ما يصعبش عليكى غالى . . فوقى يا الله انتى
كان شوفى شغلك ، احنا ما وراناش فضا ، شوفى المقلوب
ابوكى قام والا لا ؟

بیه — قام ونام تانى .

أم عبده — قام ليه ؟ . . ونام تانى ليه ؟ ! إلهى
تعدلهاله .

بیه — قام علشان يشرب .

أم عبده — يشرب ايه ؟ !

بیه — أنا عارفه بقى ، يشرب م القزازة اللى حاططها
جنب السرير .

أم عبده — طبعاً ، هوا وراه ايه غير كده ، وراه ايه
غير البصبصه والشرب ، لكن معلش مسيرى أمشيه على
العجين ما يلخبطوش ، مسيرى أدشدهش القزازى اللى هو
مخبيها لى تحت السرير .

[تبدو حركة من أحد الشوالات فيلحظها ترقر ويبدو عليه
الاضطراب ويتنحج بصوت عال] .

أم عبده — ايه أصله ده ؟ ! ايه اللى جراك ؟

قرقر - أصلي ، أصلي شرقت ، حكاية القزاين اللي
حاتدش دى شرقتنى .

أم عبده - وانت مالك ، إيش حشرك .
قرقر - أبدأ ما فيش حاجه [تمود المرصة ويمود الي
التنحج] ما بلاش ياستى حكاية دشدشة القزاين ، لحسن
باين عليها مزعلاه خالص .

أم عبده - مزعله مين ؟
قرقر - مزعله سيدى ، سيدى نوح افندى .
أم عبده - وانت مالك اته يابارد . . إيه دخلك . .
اشتكالك ؟

قرقر - أنا مالى . . أنا قلبى على القزاين الفاضيه . .
خساره تدشوش وتروح هدر ، نديعها احنا لبتاع الروبايكيا
نستفيد بتمنها أحسن .

أم عبده - بقى كده ؟ القزاين الفاضيه بس هي اللي
مزعلاك ، طب فوت يالله شوف شغلك ، هاتلى السبرتو
وكنكة القهوة والبن .

[تهم بالجلوس ليبدو القلق على وجه قرقر]
قرقر - ما تفضلى ياستى تعملها فى المطبخ علشان
ننصف هنا ، بعدين التراب يطلع عليكى .

أم عبده — ما لكش دعوه . . فوت اعمل زى
ما بقول لك .

[تجلس على الكتبه]

قرقر — ياست أنا حاشيل الشلت والبياضات .

أم عبده — أكنس الأرض قبله .

قرقر — أصل الأرض لسه عايزه غلبه كثير . .

[يسمع صوت نوح أفندى بتادي بهيه]

نوح — بهيه . . بهيه .

بهيه — أيوه يا بابا [تخرج] .

قرقر — قومي ياستي شوفيه . . صبحي عليه ، يمكن

يكون عايز حاجه .

أم عبده — أسيح عليه ؟ الله لا يصبحه ولا يربحه .

قرقر — يعنى حاتسيه كده لغاية ما يبص من بلكونه

ولا شباك ، تقع عنيه على واحده من الجيران .

أم عبده — [تفتر من مكانها كمن لدغتها عقرب] تقع عنيه ؟

ياخى جه قلع عنيه ، ما يوعى يبص بيها لا يمين ولا شمال ،

ما انا عارفاه ، راجل دنى ورمرام ، والنبي لانا مسنكراله

بقيت الشبايك والبلكونات ، أما اشوف حايبص منين ،

هو خلا حد فى الحتمه مايصلوش ، دا فاضخنى فى وسط الجيران

[تخرج أم عبده .. يتبعها فرقر حتى الباب]
 فرقر — الله يكون في عونك يا ست ، خدى بالك منه
 كويس ، امسكيه جامد . سنكرى الشبايك قوى .
 [فرقر يرد الباب وراهها . . ويعود وهو يفرك يديه فرحاً] .
 فرقر — بس ، ولاكله ، ياسلام على حداقتك يا واد
 يا فرقر ، ياللى ما فيش منك فى الاربععاشر مديره ،
 [يقترب من الشواتل ويوجه اليها الحديث] إيه رأيكم بقى ،
 مش برضه عرفت أزوجهم ، اهو لو ما كانش ربنا ألهمنى
 حكاية نوح افندى دى . ما كانتش عنىكم حاتشوف النور
 أبدأ ، كنت حاتخدوها تأيده جوه الشواتل . لكن ربنا
 ستر ، أصل نيتكم كويسه . دلوقت بقى ، فين سيد افندى ،
 وفين سى محمود . اظن ده سى محمود . [يحدث الشوال] كنت
 متأثر أوى على قزايز الويسكى وعمال ترفض كنت حاتودينا
 فى داهيه . اتفضل [يفتح الشوال فيخرج منه رأس سيد افندي] الله
 هو انت سيد افندى ، أمال كنت بتقلب قوى ساعة
 ماجت سيرة الويسكى ليه ؟
 سيد — ويسكى إيه يا سى فرقر ، أنا كنت باهرش ،
 معرفش فيه إيه فى الشوال بيقرصنى .
 فرقر — طب مش وقته اطلع قوام . لما أسيب سى
 محمود راخر .

[بهم بالذهاب الى عمود ، وبهم سيد بالخروج عنه ما يسمع صوت
بهمه مقبله] .

بهمه — حاضر يا نينه ، حاضر ، أنا حاقظفها .

قرقر — يا نهار اسود . خش يا سيد افندى خش ،

خش لحسن ست بهمه جايه ، [يربط عليه] ما تتقلبش بقی
لحسن تودينا فى شربة ميه ، ابقى استحمل القرص .

[تدخل بهمه متقدمة الى قرقر الذي يقف بينها وبين الشوالات
وقد تناول مكنسة كانت مستندة على الحائط]

بهمه — [فى عجلة ولهفة] اسمع يا قرقر . أنا عايزاك فى

حاجه ضرورى .

قرقر — [فى قلق] حاجه ضرورى ؟ . طيب بس أما

أخلص الصاله دى ، عن إذتك شويه لحسن العفار يطلع
عليكى [وبأخذ فى الكنس] .

بهمه — يا أخى استنى شويه ، الدنيا ما طارتش على

الكنس .

قرقر — ما طارتش على الكنس ؟ ! لكن حا تطير

على ابن الهرمه اللى فوق ، دلوقت حالا يرقع بالصوت ،
عايز الفطار ، وبعدين عايز الجدى الاحول والفرخه
الزعلانه ، والقله ، والكفته والكباب ، والسّم اللى يهرى
مصارينه ، كل دا دلوقت يطلبه ، وأنا لازم اخلص من الأوده

واللى فى الأوده . مش معقول أبداً اسبها وامشى ..
دى تبق مصيه .

بهيه — هوا إيه أصله ده . انت اتجننت؟ اسمع الكلام
اللى حاقولك ده من سكات .

قرقر — سمعت . اتفضلى .

بهيه — الجماعه راحوا فىن؟

قرقر — أنهى جماعه؟

بهيه — سيد افندى وسى محمود .

قرقر — وأنا إيش عرفنى .

بهيه — إانت مش كنت فى الأوده معاهم؟

قرقر — لا ، لا ياست بهيه ما تلخبطيش فى الكلام

لحسن الست أم عبده تسمعك تودينى فى داهيه .

بهيه — توديك فى داهيه إزاي . انت مش كنت

فى الأوده قدامها؟

قرقر — كنت فى الأوده أيوه ، لكن معاهم لا .

بهيه — إزاي؟ إذا كانوا هم كانوا فى الأوده ، تبق

ما كنتش معاهم إزاي؟

قرقر — وإيش عرفك بقى انهم كانوا فى الأوده؟

بهيه — وإيش عرفنى؟ أصل . أصل ..

قرقر - أصل إيه ؟

بيهه - أمال يعني حاياتوافين إلا في الأوده ، مام لازم يكونوا في الأوده .

قرقر - يعني استنتاج كده ؟

بيهه - أيوه .

قرقر - إذا كان كده تبقي غلطانه ما كانوش في الأوده .

بيهه - بقول لك كانوا في الأوده يعني كانوا في الأوده ، أنا متأكد خالص .

قرقر - متأكد منين بس ، إذا كنت أنا نايم في الأوده لوحدي طول الليل .

بيهه - كذاب . أنا شفتم بعيني ، شفتم في الأوده وانت ما كنتش فيها .

قرقر - يانهار اسود . شفتم بعينيك ؟

بيهه - أيوه شفتم ، وعايزه أطمئن عليهم ، راحوا فين ؟ جراهم إيه ؟

قرقر - راحوا فين ؟ . إيش عرفني !! أم لازم ، خرجوا يشطحوا زي عوايدهم .

بيهه - مش ممكن .

قرقر - ليه بس يا ست بهيه ؟ مش ممكن ليه ؟ ! ليه
عدم إمكانيته ؟

بهيه - لأن سي محمود كان راقدا ، كان عيان خالص .
قرقر - محمود ليه ؟ . راقدا .. عيان . لا . دي انت بقى
اللى ما عندكيش فكره عن الموضوع خالص .
بهيه - إزاي ؟

قرقر - لأن محمود صحيح اربعة وعشرين قيراط ،
صحته زى البجب .

بهيه - ببب إزاي ، إذا كنت أنا شايفاه بعيني دي ،
راقدا وتعبان . ويقول آه .

قرقر - آه ؟ !

بهيه - أيوه .

قرقر - يمكن .. قادر ربنا يعييه ويعي أبوه ، لكن على
العموم اطمئن قوى ربنا خد بيده خلاص ، آخر لحظه
شفته فيها ما كانش يقول آه .

بهيه - إزاي بس ! دا كان عيان قوى ، ياترى راح
فين ؟ ! وحا يرقد فين ؟ اسمع يا قرقر ، أنا عايزاك تسبب
الأوده دلوقت وتخطف رجلك تسأل عليهم ، تشوفهم
راحوافين ، وجم منين .

قرقر - أسيب الأوده . ؟

بهيه - أيوه .

قرقر - ما يمكنش ، دا أنا قتيلا الأوده ، ماسيدهاش أبدأ
ثم ... حكاية السؤال عنهم دي .. مش عايزه لا خطف
رجل ، ولا سيان أوده .. اسمي ياست بهيه .. إتي يهملك
أمرهم قوي ؟

بهيه - أوي وبس .. أوي خالص .

قرقر - يعني تخافى عليهم ، وتجي مصلحتهم ؟

بهيه - طبعاً .

قرقر - والله إنك أميره وبنت حلال ، طيب حيث
كده .. أنا حا أقول لك على الحقيقة .. يمكن تقدرى
تساعديني .

بهيه - بس قبل كل حاجه أنا عايزاك تسأل عنهم ..
تشوفهم راحم فين وجم منين .

قرقر - حاضر .. من عنيه .. اطمنى .. هم لا راحم
ولا جم .

بهيه - يعني مستخيين فوق ؟

قرقر - لأ .. مستخيين تحت .. ومن جهة السؤال
حاسأل لك حالا عليهم [بتجه الى أحد الشوالان وربت عليه]

إزيك ياسيد افندى .

سيد - [من داخل الشوال] زى الزفت البتاعه لسه نازله
فيه قرص .

قرقر - معلش .. تقدر تهرش شويه .. ما فيش حد
غريب هنا .. [بربت على الشوال الآخر] وانت ازيك ياسى
محمود .. لسه بتقول آه ؟

محمود - [من داخل الشوال] آه .

قرقر - ليه بقى .. ما انا حطك فى الشوال سليم أربعه
وعشرين قيراط لايبك ولا عليك .. إيه اللى بيخليك تقول
آه دلوقت ؟

محمود - الجوع .. جعان قوى .. حتة الجبنه الرومى
اللى كنت شايها من امبارح .. لقيت الفيران واكله
تلات ارباعها .

قرقر - والرابع الباقي ؟

محمود - نصه واكله الصراير والرابع واكله النمل .
الظاهر كان عندهم عزومه حشرات .. آه .

قرقر - طب بس ماتزعقش كده .. لحسن الست
أم عبده تسمعك .. اصبر شويه أنا حا افتح لك دلوقت ..
أصل ست بهيه عرفت خلاص .. بقت متنا وعلينا .

بهيه - [فى ذهول] إيه ده ؟ إيه اللى عملته فيهم ، إزاي
ترميمهم الرمييه دى ؟

قرقر — آل إيه اللي رماك على المر ، قلت له اللي أمر
منه .. قال إيه اللي رماك في الشوال ، قلت خو في لأقع في إيد
أم عبده عرفتي بقى ياست بهيه ، ما كانش فيه وسيله للهروب من
فتك الست والدتك غير الحكاية دي ، وأظن دلوقت ما فيش
داعي نضيع وقت في الأخذ والعطا .. المهم إننا نفرج عنهم
ونخليهم يطيروا قبل ما نيجي ست ام عبده وتقفشهم .

بهيه — طب وبعدين حايرو حوا فين ، وينااموا فين ؟
قرقر — ياستي يحلها الحلال .. المهم دلوقت إن احنا
نطلق سراهم .. نخرجهم بره اللشولة .. نخليهم ياخدوا
نفسهم ، نخليهم يشموا النسمة .

بهيه — طب ومحمود ؟

قرقر — ماله محمود ؟

بهيه — مش بيتقول لك إنه جعان .. حانسيه كده

جعان ؟

محمود — [من داخل الشوال] أيوه جعان .. جعان قوى
واقع من الجوع .

قرقر — يا جدع أسكت انت الله لايسيتك .. لحسن
أم عبده تسمعك .. إبقى شوف لك أي حاجه بره ، إنشاالله
حتى لقمه بجينه .. المهم بس انكم تخرجوا .

[بهم يفتح السؤال عنده ما يسمع صوت نوح افندى قأدما]

المشهد الثاني



[نوح — قرقر — بهيه]

نوح — [من الخارج] دى ما بقش عيشه . . دى بقمت
جهنم الحمرآ . . واد يا قرقر . . قرقر .

قرقر — لا . . الظاهر إن اليوم ده مش حايم على خير
أبدأ . . ما فيش فايده . . باينكم حاتخدوها تأييده . . أصل لو
نوح افندى اترستا فى الأوده دى . . ما حدش حايعرف
يطلعها منها ولا بالطبل البلدى . . الحقيه ياست بهيه . . حوشيه
شويه لغاية ما اخرجهم .

[بهم بهيه بالخروج عند ما يدخل نوح مرتديا الجلباب ، وقد أمسك
زجاجة ويسكي بيده وارتدى فردة حذاء ، وأمسك بيده الفردة الأخرى] .

نوح — ما بتردش ليه يا قرقر الكلب ؟

قرقر — [فى بأس] نعم يا سيدى . . أفندم .

نوح — فين فردة الشراب الشيكه أبو نقره واحده ؟

قرقر — أمال إيه اللي فى إيدك دى ؟

نوح — دى بنقرتين . . واحده عند الصباع وواحده
فى الكعب ، لكن أنا فاكر إن التانيه كانت بنقره واحده
عند الصباع ، تبقى راحت فين ؟

قرقر — تبقى برضه هيّ اللي فى إيدك . . بس ربنا
أنعم عليها بنقره زياده ، وبكره كان تبقى بتلاته وأربعه .
نوح — طب بلاش الشيكه ، هات لى أبو حربيه . . أنا
آخر مره قلعته كان بحربه واحده ، دلوقت حلاقه بحربتين
والا إيه ؟

قرقر — وافرض إنك لقيته بحربتين ، تزعل ليه ؟
أهه زياده فى التسليح . . حد لاقى .
نوح — طيب زى بعضه . . حربيه حربتين . . هاته
والسلام .

بيه — تعالى يا بابا . . أنا أجيلك اللي انت عايزه . .
تعالى معايا .

نوح — لا . . مش جاى ، أنا مش عايز أشوف وش
الوليه امك دى مره تانيه أبدأ . . أنا حاسيلها البيت . . أنا
حافرجها . . أنا وهيّ والزمان طويل .

بيه — ليه بس يا بابا؟ هيّ عملت حاجه .
نوح — عملت حاجه؟ كل اللي عاملاه فيّ ده . .

وما عملتس حاجه ؟ . عايزاها تعمل إيه أكثر من كده ..
هي مخلياني عارف اتنفس .. حاشره نفسها في كل شووني ..
دا مش جواز ، دا أسر ، لكن معلش هانت ، فوت
ياواد ياقرقر هات الشراب والبدله [يجلس على الأريكة]
قرقر [ينظر متردداً الي بهيه] - حضرتك حاتقلع هنا ؟
نوح - أيوه .. إيه المانع ... هوا أنا حاتقلع
في الشارع ؟

بهيه - طب ما تفضل في أودتك يا بابا وأنا أجيب لك
اللي انت عايزه .

نوح - أودتي ؟! هي بقت أوده ، دي بقت ززانه ،
انت عارفه عملت فييه إيه ؟
بهيه - عملت إيه ؟

نوح -- أنا لسه بقول يافتاح يا عليم لقيتها لك من غير
مناسبة هاجمه زي الغول وفي إيدها الشكوش وشوية
مسامير وهات يادق في باب البلكونه والشباك .. قال إيه
علشان أبطل البصبصه للجيران .. هوا أنا لسه فتحت
عيني ؟ . الوليه دي لازم اتجننت .. اتخبلت .. ومع كل هي
البصبصه حرمت . طيب أدبني خارج دلوقت .. أما أشوف
حا تقدر تمنعني من البصبصه ازاي ؟

ببيه — طيب يا بابا قوم البس هناك وبعدين اخرج
زى مانت عايز .

نوح — [فى امرار] لا . . أنا حلفت ما أنا داخل
الأوده لأجل خاطرها . . فوت يا واد يا قرقر هات لى
البدله والشراب أبوحربه ، وحمالة الشراب ، وهات علبة
السجاير من فوق المكتب . . بس اوعى تلتطش منها حاجه .
ببيه [تشبى الى قرقر أن يبقى مكانه] — خليك انت يا قرقر
شوف شغلك أما اروح أدور انا على الحاجات اللى هوّا
عايزها .

[نخرج بيه]

نوح [وهو بدنن على المود] — وبعدين يا واد يا قرقر ،
وأخرتها ؟

قرقر [وهو يكنس حوله متبراً الفبار لمضايقته] — آخرتها
فى إيه ؟

نوح — فى إيه ؟ ! فى ستك أم عبده . . هو اربنا مش
حايثوب علينا منها . . ده مش عدل أبداً . . دانا أعرف
واحد قتل قتيل خد فيه عشرين سنة سجن ، واليومين
دول طلع م السجن ، بقى حر . . يعمل زى ماهو عايز ،
يبصبص للجيران زى ماهو عايز . . ويروح البيت وقت ماهو

عايز ، ويشرب ويسكى زى ماهو عايز ، ويغنى زى ماهو عايز ،
وأنا اللي ماقتلش ولا حاجه .. لغاية دلوقت فى السجن ، مش
عارف اتفلفص .. تقدر تقوللى بقى ليه أفضل أنا ويخرج هو؟
قرقر - لازم كان حسن السير والسلوك .

نوح - والله لو اعرف انى لو بقيت حسن السير
والسلوك ، ربنا يتوب على منها .. لكنك صليت من بكره
لكن أنا عارف ما فيش فايده .. يبقى لانا بساط ولا حريه ؟
قرقر - معلش ياسى نوح .. استحمل ، أدحنا كلنا
مستحملين .

نوح - أنا كنت زمان باستحملها .. لكن دلوقت
ما بقتش تنطاق أبداً .. فى حد فى الدنيا يسنكر الشبابيك
كلها كده زى ماهى عامله ؟ هو دا بقى بيت يتسكن ،
والنضافه اللي هى طالعالى فيها دى .. أقوم من النوم افتح
عيني على طاخ .. طاخ .. يتبألى إن التنظيم يهد البيت
وبعدين ألاقها بتنفض الشبابيك .. ما يجكش مسح السلام
إلا الساعة اتنين وأنا جاى .. علشان مية المسح كلها تنزل على
نفوخي ، هو أنا عمرى شفت البيت فى حاله طبيعیه أبداً ..
لازم السجاجيد فوق الكراسى ، والكراسى فوق التراييزات ،
والتراييزات جنب الحيط والأرض مبلطه ، ترحلق بلد

بحالها ، ده بيت ينقعد فيه ده .. أنا أقدر أقعد قاعده هاديه .. اشرب لى فيها كاسين ولا أتنتن لى تقسيمتين .

قرقر — هوا انت يعنى بتقعد ياسى نوح افندى ؟

نوح — أقعد فين .. هو افيه حتمه ينقعد فيها، دى حاجه تخلى الواحد يهيج ، وآخر المتمه .. الشيخ اللى جايبهولى فوق السطوح .. تقدر تقوللى جايباه ليه ؟

قرقر — عشان يطلع العمل .

نوح — عمل ؟! يعنى إيه العمل ؟

قرقر — أصل فيه ناس قالوا لها إن الحاله اللى انت فيها نتيجته عمل اتعمل لك .

نوح — حاله إيه اللى أنا فيها ؟

قرقر — ولا مؤاخذه .. البصبصه والعربده ، وفروغية العين ، والشرب والمهيصه والهيجان بره البيت ، والـ ...

نوح — مفهوم .. مفهوم .. ماله ده كله ؟

قرقر — كله ده صاييك .. علشان حد متغاظ منها فعمل لك عمل علشان يطفشك منها .

نوح — وبعدين ؟

قرقر — ولا قبلين ، قالوا لها على الشيخ عجيب إنه

راجل مجرب واحجته ما نزلش الأرض .

نوح - يعنى حايعمل إيه ؟

قرقر - حايطلّع العمل .. ويعمل شوية تعازيم

واحجبه .

نوح - والنتيجه ؟

قرقر - النتيجة إنك تنلم ، وتبطل الشرب والسكحه
والبصصه وتقعده فى البيت .. وتحب ست أم عبده
وماتبش لغيرها .

نوح - [متزعجا] يامغيث .. يا حفيظ .. الراجل ابن

اللثام اللى فوق ده حايعمل فيّيه كده ؟

قرقر - دا المفروض .

نوح - دا أنا أقتله ، ودى تبقى أنهى عيشه دى ..
أنا أقعد فى البيت ولا اشربش ولا اهيصش ، وما اعماش
حاجه غير إن أنا أبص لأم عبده .. ياهوه .. الراجل
المجرم ده عايز يعمل فيّيه كده ، وتفتكرك إنه يقدر يعمل
الحاجات دى يا قرقر ؟

قرقر - مين يعرف .. أهو إذا ما كانش ده يقدر غيره
حا يقدر .. هى يعنى حاتسكت .. حاتسيك كده لغاية ماتطير
من إيدها .. أهى حاتها وراك كده .. لغاية ماتسنسلك .

نوح - قال الله ولا فالك يا شيخ .. على العموم
الحمد لله ، اللي ربنا أهمني المشروع اللي أنا ماشى فيه دلوقت
هو الوحيد اللي حايقتنا من المصيه دى .

قرقر - مشروع ؟ .. مشروع إيه ؟

نوح - قرّب .. قرب هنا .. إدينى ودنك ..
[يقرب منه قرقر] مشروع جمعيه سريه .

قرقر - جمعيه سريه ؟ .. بتساعة إيه ؟ .. وعلشان
إيه ؟ .. واسمها إيه ؟

نوح - اسمها جمعيه قتل الزوجات .

قرقر - ياساتر .. مره واحده كده ؟

نوح - أيوه .. مايفش طريقه لإنقاذ العالم من السيطره
النسائيه ولإعطاء الرجل حريته غير كده .

قرقر - ودى خلاص عملتها ؟

نوح - أمال ادا انا ماشى فيها جد قوى .. أنا لازم
أجيب خبرها .

قرقر - هي إيه دى ؟ .. الجمعيه ؟

نوح - لأ .. أم عبده .. لازم أقضى عليها هي وأمثالها ،
قبل ما يضيعونا فى شربه ميه ، أنا فكرت فيها من زمان ، وكل
الشه اللي باقعد معاها وافقتنى على المشروع ، وقالوا لى دى

فكره هايه ، وكنت بادرس الموضوع شويه شويه
على مهلي ، لكن حكاية الشيخ عجائب واللي ناوي يعمل فيه
خوفتي أوى ، المسألة دلوقت لازم نمشي فيها بجد ، دى
مسألة حرب ، ياهم يلبونا فى البيوت ، يا احنا نجيب داغهم ،
دا صراع على تقرير المصير ، أنا أقعد فى البيت ولا أبصش
لغير أم عبده . . ياهوه . . يا جاه النبي .

قرقر - على العموم مافيش داعى للخوف كده . .
الحكاية مش مستعجله أوى . . والجماعه دول اللي زى
الشيخ عجائب معظمهم نصابين ، يعنى هى أول مره تجيبهم أهى
بقالها سنين تترقى وتشبشب وتلبس فى أحجبه وتطلع فى عمل ،
علشان ربنا يتوب عليك وتهدى ، ما بتهديش ، هى تنتقل
من شيخ لشيخ ، وانت تنتقل من واحده لواحدة ، مافيش
حاجه بتحوق فيك أبداً ، لغاية ما رسيت على الشيخ عجائب
وانت رسيت على زكية ولعه ، أما نشوف مين اللي
حايغلب ، الشيخ عجائب والا الست ولعه ؟

نوح - إيه يا وادده ؟ إنت اتجئنت ؟ وطى صوتك ،
إنت عايزها تسمعك تيجي تطلع على جتنا البلى !!

قرقر - إنت لسه بتخاف منها بعد الجمعيه اللي عملتها ؟
دا انت رئيس جمعية قتل الزوجات على سن ورمح ؟

نوح - قولتلك متزعقش، دى جمعيه سريه، لازم تفضل
مستخيه كده، تعمل فى الخفاء.. إانت عمرك ما اشتراكش
فى جمعيه سريه أبدأ؟

قرقر - أبدأ، لا سريه ولا علييه.

نوح - على العموم تقدر تشترك.

قرقر - لكن أنا مش متجوز؟

نوح - مش مهم، الجمعيه حاتجوزك. وبعدين هي
نفسها تتولى أمر تخليصك من مراتك.

قرقر - وعلى إيه.. لما اتجوز، يبقى يحلها ربنا.

نوح - ماتضيعش الفرصة من إيدك، واسمع نصيحتي
اشترك من دلوقت أحسن لك، دى أحسن طريقه لضمان
حريتك ولتأمين حياتك، وللقضاء على أم عبده وأمثال
أم عبده.

[بتحرك أحد الشوالات ويصدر الآخر صوت آه]

قرقر [فى نزع] - يا نهار اسود وهو فيه حاجه

حانتجينا من أم عبده؟ ولا ميت جمعيه سريه، ولا انقلاب
كامل، [تستمر الحركة] اصبر شويه، يا ويكا.

نوح - أصبر أكثر من اللي صبرته، مش ممكن،

أنا لازم أقضى عليها خالص، بس عايزين أعضاء، عايزينها
تسكبر، لازم تشترك، فاهم.

قرقر - حاضر حاشترك ، بس عن إذتك شويه ،
أنا عايز أنفض الكنبه اللي انت قاعد عليها ، تسمع تفضل
في أودتك شويه .

نوح - إنت كان بتجيب سيرة التنفيض ، إخص ،
إخص عليك ، ياخية أملى فيك ، خلاص مش حاتنفع
أبدأ معانا .

قرقر - ليه بس ياسى نوح أفندى ؟

نوح - عايز تدخل الجمعيه وانت بتنفض ؟ عايز تبقى
عضو ، وإيديك ملوثة بجريمة التنفيض ؟

قرقر - وفيها إيه يعنى ؟ مش جمعية قتل ؟

نوح - أيوه قتل ، لكن مش تنفيض ، قتل بطرق
شريفه نضيفه مش قتل بإثارة الغبار ، مش قتل بتحطيم
الأعصاب ، دى من أول الحاجات اللي بتنادى بها الجمعيه ،
المطالبه بجرية الوساخه ، وحق الكركبه والفركشه
واللخبطه واللخفنه ، تقوم تيجى حضرتك وتقوللى قوم
علشان أنفض .. انقو عليك .

قرقر - الله يسامحك ، طب بلاش التنفيض ، قوم
عشان تظفر .

نوح - مالياش نفس ، أنا حاخذ بقم القزازه كفايه

[يشرب] الله .. بالصحة والعافية .. بالهناء والشفاء .

قرقر - قوم بقي يامى نوح أفندي الله لا يسيتك ،
قوم الله يستر عرضك .

نوح - مش حاقوم خلاص ، أنا عايز أدندن شويه
عندي كيف للغنا ، ناولني العود ، ناول .

قرقر - عود؟ لا ، الظاهر إنها حاطبل على دماغنا
[بناوله العود] مادام مسك العود يبقى مش حاططلع من
هنا أبداً .

نوح - تعرف تشتغل معايا على الرق؟

قرقر - رق؟ رق إنك شويه ، وقوم .. قوم الله
يجبر بخاطرك أنا لاليه في طبله ولا في رق .. انت عايز ستي
تيجي تلاقيني ماسك الرق تقطع عيشي ، إنك يا سيدي بتقدر
عليها ، لكن أنا غلبان ، على قد حالي .

نوح [يبدأ في ضرب العود والغناء] - يا سيدي زعلان ،
ياروحي زعلان [قرقر يمد يده تحت الأريكة ويخرج منها لافتة
يمطها أمام نوح مكتوب عليها : « ممنوع الغناء بأمرام عبده » فلا يكاد
يراه حتى يصيبه الذعر ويصمت ثم ينهض ويقبلها فيبدو عليها « ممنوع
البصبة بأمرام عبده » فينزعها ويقذف بها تحت الأريكة ثم يعاود الغناء]
نوح - يا سيدي زعلان .. ياروحي زعلان .

[يتحرك سيد ويتأوه بمحود]

[قرقر يزداد ارتباكاً ويقرب من الشوالات ويربت عليها في غفلة
من نوح أفندي]

قرقر [للسوالات] - حاضر .. اصبر شويه .. دلوقت
أجيب لك ساندوتش جنبه ، بس لما أخرج الكاينه دى حالا ،
ربنا يسهل .

نوح [ملتفتا الى قرقر] - إنت بتعمل إيه عندك ..
بتكلم مين ؟!

قرقر - لا ما فيش حاجه .. دانا بس بدندن .
نوح - بدندن؟! إنت جنسك إيه .. حيوان ..
تدندن وانا با اغنى .. إنت ما عندكش إحساس .. إنت
جماد .. لما أنا أغنى يبقى لازم الدنيا كلها تسمع .. وإيه
السؤاله اللى عندك دى .. إيه دا كله ؟!

قرقر - دا عفش الجماعه اللى كانوا ساكنين فوق
السطوح .

نوح - وإيه اللى جابه هنا ؟

قرقر - ست أم عبده نزلته .

نوح - علشان إيه ؟

قرقر - حاتبعه .

نوح - تبعه ؟ .. وأصحابه راحوا فين ؟

قرقر - طردتهم .

نوح - كده على طول .. وليه تظردهم ؟

قرقر - علشان تسكن الشيخ عجائب .

نوح - أما وليه دون .. تطرد الناس الطيبين الأمرا
علشان تقعد الرجل النصاب المحتال .. طب وحتاي بيع
عفشهم ليه؟

قرقر - علشان تاخذ أجرة الأوده من تمنه .

نوح - إخص على السفاله والإجرام .. تبيع عش
الناس علشان تاخذ الأجره .. لا .. أنا ما اسكتش على
كده أبداً .

قرقر [مرا] - إيه اأطلع تاني؟

نوح - لا .. لا .. ما فيش فايده .. لو طلعتاه
حاتنزله تاني .

قرقر - أمال إيه؟ ! نعمل إيه؟

نوح - نعدد جلسه غير عاديه .. جلسه مستعجله .

قرقر - جلسه .. إيه؟ .

نوح - للجمعيه .. ما فيش غير ..

قرقر [مقاطماً بخيبة أمل] - دا كل اللي تقدر تعمله؟

نوح - وده شويه .. لازم نجمع الجمعيه .. لاتخاذ
قرار ضدها .

قرقر [بيأس] - طب ، اجمعها .

نوح - لكن ، لكن حاتجتمع إزاي إذا كان ما فيش

أعضاء ، عايزين أعضاء ، لازم تشترك .

قررر - حاضر . . حاشترك .

نوح - وتجبب كان حد يشترك .

قررر - حاضر . . حاجيب لك حد يشترك . . المعلم

عضمه الجزار لسه متخاقق مع مراته وراقعاه علقه لما قطعت

نفسه . . أجيهورك يشترك ؟

نوح - أيوه ، ده ينفعنا كويس ، مش يعرف يدبج ؟

قررر - قوى . . دى شغلته . . بس . . عن إذتك

بقي دلوقت . . خمس دقائق . . حل عن الأوده شويه .

نوح - علشان إيه ؟

قررر - أصلى . . أصلى . . عايز أنكشها شويه . .

وفيه شوية زباله بره . . عايز أدلقها على الكنبه . . علشان

القعهده تحلى .

نوح - لا . . مافيش لزوم . . ما تتعبش نفسك . .

أنا أقدر أستحملها كده . . ناولنى العود ناول . . واقعد

جنبي هنا لما أشنف ودانك .

قررر - أنا عارف . . مافيش فايده أبدأ . . اتفضل

ياسى نوح أفندى [بنساره المود] وأدى قاعده [يجلس على

الأرض بجواره ، وهو يلتفت الى الشواتل] أنا عملت اللي عليه . .

وفوق اللى عليه .. لكن أعمل إيه .. لازم يشنف ودانى ،
اتفضل اشنف .

نوح [يأخذ في العزف والغناء] — يا سيدى زعلان ..
ياروحى زعلان .. لان .. لان .. آه ياسيدى زعلان ..
ياعيني زعلان .. ياروحى زع .. لان يا .. عيني زع ..
لان يا .. يا .. يا .. سيدى زعلان .. وكان زعلان .
قرقر [يصبح بجأته متنجراً بالبكاء] — آه .. يانى .. آه

المشهد الثالث



(أم عبده — نوح — قرقر)
[تدخل أم عبده مهرولة . ونوح أفندي منهمك في غنائه]
أم عبده — إيه .. مالك ياواد .. انطق قول ؟
قرقر — آه .. يانى .. آه .
أم عبده — مالك .. بتعيط ليه ؟
قرقر — با اعيط على سى نوح أفندى .. بقاله نص
ساعه .. زى ماتى شايفه كده .. لايسكت .. ولا ييقول
زعلان ليه .
أم عبده — طب بس انسد .. قوم شوف شغلك ..

وانت التانى ما كفاكش غنا .. جايب الواد مقعده جنبك
ومعطله عن شغله ؟

نوح - يعنى وراه إيه .. المفاوضات ؟
أم عبده - انتهينا .. قوم بقى من فضلك كفايه غنا .
نوح - ليه .. الغنا حرم ؟
أم عبده - ما حرمش ولا حاجه .. بس مش وقته ..
قوم بقى علشان تلبس وتروح تشوف شغلك .
نوح - وانت مالك .. عملوكى وصيه على .. أما
دى مصايب .. ياسى أنا مش قلتك ميت مره مال كيش
دعوه فى .. هو اتى لكى عندى حاجه ؟
أم عبده - بقى اسمع أما أقول لك .. أنا العفاريه
بتتنطط فى وشى .. وإذا ..

[تصدر فجأة صيحه من محمود وهو داخل السؤال]

محمود - آه .

أم عبده - [تلتفت حولها فى ذعر] إيه ده ؟! انتم سامعين ؟
قرقر - يا نهار اسود ، جالك الموت يا تارك الصلاه .
أم عبده - إيه ده ؟

قرقر - ده .. ده [تلتفت حوالبه فى حيرة] دول ، دول

لازم العفاريه .

أم عبده - أنهو عفاريت ؟

قرقر - العفاريت ... اللي كانوا يتنططوا في وش
حضرتك .. الظاهر .. إن واحد منهم ، طب وقع
في الشوال .

محمود - آه .

قرقر - يا نهار اسود .

أم عبده - الحقوني ، أنا جتتي حاتلبش ، إلحقوني
بالشيخ عجائب .. أنا بقالي ليلتين حاسه إن فيه حاجه في
الشقه .. اندهولى الشيخ عجائب قوام .. ما فيش حد
حايطلعهم غيره .

نوح - هم ايه دول اللي حايطلعهم ؟

أم عبده - العفاريت اللي مالين البيت .

نوح - عفاريت ايه يا وليه ، انت مش حاتبطلي بيق
شغل الهفه دى ، مش حاتعقلى أبداً ؟

أم عبده - اسكت انت .. ما تتداخلش في اللي
مالكش فيه .. اطلع يا قرقر نادى لى الشيخ عجائب ..
الحقنى ييه .

قرقر — أيوه ، علشان تكمل ، ما هو مفيش غير هوا
 اللي ناقصنا ، علشان ينبسطوا ، أنا مالى ، أنا خاسس على
 حاجه ، أنا واقف على رجلى ، الدور على المقرفين جوا
 الشوات .

أم عبده — هم مين ؟

قرقر — العفاريات .

أم عبده — يا هوه ، يا مغيث ، ماتفسرش بقى لحسن
 جتى بتلبش .. اجرى الحقتى بيه .. مد شويه .

[يخرج قرقر .. وترقى أم عبده وهى تلهث .. وفى اللحظة نفسها

تدخل بيه]

المشهد الرابع



[نوح — بيه — أم عبده]

بيه — [فى دهشة] ايه فى ايه ؟ ، مالك يا نيتيه ؟

أم عبده — هس ، ماتز عقيش .

بيه — ليه ؟ جرا ليه ؟

أم عبده - قولتلك ما ترعقش كده ، لحسن بعدين
يتفزعوا ، خليهم مكنونين زى ما هم .

بيهه - هم مين دول؟

نوح - اللي فى اللشوله .. أصل الدنيا ضاقت بيهم ..
مالاقوش حته يطبوا فيها غير اللشوله .

بيهه - [فى نزع] انتوا عرفتم؟

أم عبده - وانتى كان كنت عارفه؟

بيهه - أيوه يانينه عرفت ، وصعبوا على قوى ، والنبي
دول غلابه .

نوح - هم إيه دول الغلابه ؟ عفاريت غلابه ؟
حلوه دى ، أول مره اسمع على عفاريت غلابه .

بيهه - عفاريت ؟ . [تنهد فى راحة] أيوه برضه فيه
عفاريت غلابه .

محمود - [من الداخل] آه .

أم عبده - يامصيتى ، يا وقعتى .. متفسر وش بقى ..
كفايه ، أنا خلاص مابقاش فيه نفس ، فين هوا ده الشيخ
هباب يلحقتى قبل ما اروح فطيس .

بيهه - هو الشيخ عجائب حايطلعهم؟

أم عبده - أيوه قرقر طلع ينده له .

بهيه — [في فرع] طلع ينده له ؟ .. وبعدين .. وبعدين
لما يطلعهم حقيقي ، يروحوا فين ؟

نوح — يطلعوا على جتنا .. يشاركونا في عيشتنا ..
علشان تنبسط أمك ويهدا بالها .. أمال .. العفاريه بتتنظط
في وشها ، ويطبوا في الشوالات ، وبعدين تطلعهم على جتنا ،
هي وراها ايه غير تطلع على جتنا التراب والعفاريه .

أم عبده — ياراجل اسكت بقى وانسد ، ما تقعدش
تجيب سيرتهم وتهيجهم .

نوح — أنا برضه اللي بهيجهم ؟ .. أنا اللي بعثت أجيب
لهم الشيخ عجائب علشان يطلعهم من اللشوله ؟ .. مالك وما لهم
إذا كانوا قاعدين في اللشوله مستريحين تطلعهم ليه ؟
بهيه — أيوه يانينه حقيقي .. تطلعهم ليه ؟ ما تخليهم

قاعدين مستريحين !

أم عبده — اتقوا اتجننتوا ، أخليهم كده قاعدين معنا؟
باركين على نفسنا ؟

نوح — مش باركين على نفسنا ولا حاجه ، الناس
مكونين جوا الشوالات ، والشوالات مش بتاعتنا يبقى
حايخس علينا ايه ؟

أم عبده — يعني حايفضلوا كده قاعدين ؟

بهيه - آيوه يفضلوا .. لغاية ما يزهقوا ويمشوا
من نفسهم ؟

أم عبده - وإذا ما زهقوش ؟

بهيه - نعتبرهم ضيوف ، يعني حايكلفونا ايه غير لقمه
بجبنه ، والا شوية خضار .

أم عبده - وكان حيا كلوا .. ؟

نحمود - [من داخل التوال] آه .

أم عبده - يا مصيبي ، الحقوني ، يا ناس ، أنا مش
قادره ، يا واد يا قرقر ؟

[يدخل قرقر ومعه الشيخ عجائب حاملا كيس في يده أشبه بالخارج]

المشهد الخامس



[نوح - أم عبده - قرقر - عجائب]

قرقر - آدى الشيخ عجائب .. اتفضلى .. اتفضل
يا سيدنا الشيخ اتفضل .

عجائب - يا سائر .

أم عبده - اتفضل يا سيدنا الشيخ .. اتفضل .

عجائب - بسم الله الرحمن الرحيم .

أم عبده - إلقنا ياسيدنا الشيخ .. إلقنا .
عجائب - يا أرحم الراحمين ارحمنا .. يا لطيف الطف
بنا .. يا لطيف الطف بنا .. فيه إيه ياست هانم؟ فيه إيه؟
نوح - عفاريت ياسيدنا الشيخ .. يعني حايكون فيه
إيه غير كده .. إنت لك اختصاص في إيه غير العفاريت؟
عجائب - هم فين؟؟ هم فين؟

قرقر - جوه هنا في الشوله .. مع العفش المحجوز
عليه .. أصل الست أم عبده حجزت على العفش بالعفاريت
اللى فيه .. لكن دلوقت استغنت عن العفاريت .. يعني ممكن
إنك تطلعهم؟

نوح - بس تاخدم معاك .. مش تطلعهم من الشوله
على جتنا .. مفهوم؟

عجائب - مفهوم ياسيدنا الافندى مفهوم .

نوح - إذا كنت عايزهم فوق معاك .. مافيش مانع
خدم يونسوك .

عجائب - لا .. لا .. دول صنف بطال ماينفعنيش ،
أنا حاطلعهم وأودهم في داهيه .

بيه - [مترعة] في داهيه ازاي .. ياسيدنا الشيخ !!
حرام عليك .

عجائب — ما يمكنكش .. أنا لازم أفنك بيهم .. لازم
أفنيهم ، أيدهم .

بيهه — تفنيهم ؟ حرام .. حرام عليك [نبيك]
أم عبده — هوا إيه أصله ده .. إيه اللي جراك
يا بت ؟

بيهه — مش سامعه يا نينه يقول إيه ؟ .. يقول إنه
حاي فنيهم .. يعنى حايعوتهم .

قرقر — ياستى بهيه .. بس لما يطلعهم بيتي يحلها ربنا ..
هوا طلوع العفاريات بالساهل ، دول لما يتبتوا فى الشوال
ما يطلعوش أبدأ .. دول يطلعوا حبابي عنين اللي حا يطلعهم .
دول يطلعوا على جتته البلا قبل ما يطلعهم .. أسأليني أنا
ياست بهيه ، دول لما يقرقصوا فى الشوال ، ما يطلعوش
ولا بالطبل البلدى ، يبقوا وحشين قوى ، وخطرين ..
يعضوا ويشنكلوا ، ويعملوا حاجات وحشه قوى .

عجائب — اللهم احفظنا .

قرقر — أسألوني أنا عنهم ، أنا أعر فنيهم كويس قوى ،
عفاريات اللشوله دول .

عجائب — معلش ، ربنا يقدرنا عليهم ، اتفضلوا اتوا
بقى من غير مطرود .. فضوا لنا الأوده .. خلونا نشوف

شغلنا .. بس ابعى لنا واپور سبرتو و طاسه و حله فاضيه .

نوح - انت حاتطلعهم ، والا حاتطبخ لهم .

عجائب - دا شغلنا ياسيدنا لفندى .

قرقر - على العموم هم جعائين قوى .

عجائب - إيش عرفك ؟

قرقر - باين كده من صوتهم .. يعنى لو طلبت لهم كام

سندوتش .. حايبقوا ممنونين خالص .

عجائب - سندوتش؟! الظاهر إنك عمرك ما اشتغلت

مع عفاريت .. سيهم لى انت بس .. أنا حا اطلعهم بالطريقة

بتاعى .

قرقر - انت حر .

عجائب - يا الله اتفضلوا .

[تخرج أم عبده ووراها بهيه]

عجائب - وابتعوا لنا كان شوية دره عويجه .. أد

حفته كده .

قرقر - عويجه ؟

عجائب - أيوه عويجه .

قرقر - وليه العويجه ؟ يعنى لازم تصعبها .. ما تخلها

دره عاده .. والا قح .. يمكن يعملوه بلبه .

عجائب — إنت حاتعلني شغلتي ، دي صنعتي ياسي قرقر
وانا اعرف الأصول كويس .

قرقر — عدم المؤاخذه .. عويجه .. عويجه .. أنا
مالى ، هو انا اللي حا كله .. إنشا الله تطلب قرطم .

عجائب — [ملتفتا الي نوح الذى أمسك بالعود وأخذ في تصليحه]
وسيدنا لفندى مش حاي تفضل ؟

نوح — أتفضل فين ؟

عجائب — شويه كده ، لغاية ما نطلع الكام عفريت .

نوح — واتفضل ليه ؟

عجائب — بس علشان الشغلانه دي متعبه شويه ..
ويمكن أعصابك ماتستحملهاش .

نوح — ماتخافش أنا أعصابي تستحمل أبوها .

عجائب — وكان عايزين هدوء تام .

نوح — وآدى الهدوء التام [يلقى بالعود جانبا] هه ..
ولا كله .. اتفضل شوف شغلك .

قرقر — ولزومه إيه ياسي نوح افندى .. ما تسببه
لو حده فى الأوده .. يمكن يكونوا العفاريت ما يببانوش
على حد غريب .

نوح - يعنى إيه .. عفاريت حريم؟

قرقر - جايز .

نوح - يبقى مش حااطلع أبداً .. أنا قتيل العفاريت ،

أموت فى العفاريت .

عجايب - معلش .. تقدر تخليك زى مانت؟

[تدخل عديله وهي تحمل السبرتو والطاسه والحله وكوز به الذره المويجه]

عديله - انفضل ياسيدنا الشيخ .

عجايب - وحياة أبوكى ولعى لى السبرتو .

عديله - عنيه ياسيدنا الشيخ .

عجايب - تسلم عنيكى .

[عديله تولع السبرتو]

عجايب - حطى لى عليه الطاسه ، وحطى فيها حفنة دره

وقلبه لغاية ما يتحمص .

[عديله تنفذ المطلوب]

[يفتح الخرج ويخرج منه بعض أوراق وكتاب أصفر وأحجبه وبخور]

[يضع بعض البخور فوق الذرة ثم يضع الحجايبين فى الحله ويكتب

فى ورقة يضع جل ويضمها فيها]

الشيخ عجايب - عايزين أتر من أى حد .

عديله - يعنى إيه؟

عجائب — یعنی ای حته من الهدوم بتاعت ای حد
من البيت .

نوح [بقذه بفردة الشراب] — خد الشراب ابو نقر تین ،
ما بقاش يلزمنی .

عجائب [يضع فردة الشراب فی الحله] .

نوح — کل ده حياكلوه العفاريت ؟ دا أنت متوصی
بيهم قوی .

قرقر — متوصی بيهم إزای ! دی فردة الشراب دی
حاکون القاضيه عليهم . حاکموتهم خنقاً بالغازات السامه .
عديله — هم مين دول ؟

قرقر — العفاريت يا ست عديله .

عديله — عفاريت ، يا مغيث ، يا منجى . أشتاتاً
أشتوت ، وهو أنا أقدر على طلوع العفاريت قدامی ، عن
إذنك يا سيدنا الشيخ ، أنا جتتى ما تستحملش .

عجائب — ما تخافيش يا بنیه اطمنى خالص ، ما دام أنا
واقف جنبك ما تحمليش هم .

عديله — البركه فيك يا سيدنا الشيخ ، بس أنا ركبى
بترعش .

عجائب — اقرى آية الكرسي خمس مرات .

عديله - حاضر ، بس إنت فاكر الحاجه اللي طلبتها منك ؟

عجائب - فاكر قوى ، وإن شاء الله حاديكي حجاب تلبسيه ، وأقول لك على وصفه تنفعك خالص .

قرقر - هو إيه دا يا ست يا عديله ؟ !

عديله - اسكت إنت دى حاجات ما تعرفهاش .

قرقر - إتنى كان بتعملى حاجات عند سيدنا الشيخ . والله عال ربنا يجعلنا من بركانك يا سيدنا الشيخ ، مش حابتبندى الشغل بقى . والا عايزلك جدى أحول ؟

عجائب - لا ما فيش لزوم ، الحكايه مش مستاهله . بس عايزك تقرب من الشوالات وتحط الحله على كفك وتمسك وذنك الشمال بايدك اليمين .

قرقر - حاضر ، من عينيه ، أما شوف أخرتها .

[يضع الحله التي على المنضدة في كف قرقر ثم يقب عليها الطاسه الذره والبخور ويضع عليها الفطاء ويشمر أكامه ويخرج من الخرج كيباً صغيراً مدلى من خيط وبأخذ في لفه بحركة دائره حول الحله وهو يتعم بكلمات غير مفهومه] .

قرقر - [في ملل] - وأخرتها . أنا ذراعى خلاص

تمل .

عجائب - [يقرأ] أينك يا زوبعه ، أينك يا لوبعه ..

أينك يا صاحب الروس الأربعة . [يدممه بكوعه] اسكت .
ما تخسرش الشغل .

قرقر — أصل الحق مش عليك ، الحق على العفاريات
اللى ساكتين لك لغاية دلوقت .

عجائب — يعنى عايزهم يعملوا إيه ؟

قرقر — يخلوا عندهم نظر ، يشكوك مقلب والا يلهفوك
مقص ، والا يعنى حافضلوا سايبني كده لغاية ما دراعي
ينقطع . أنا مالي ، أهى حاترسى على دماغهم .

[يتحرك شوال محمود في قلقة بطيئة حتى يقترب من أقدام عجائب
ثم يدممه في قدميه دفعة مفاجئة تلقى به على الارض] .

عجائب — آه ، آه يا دماغى ، الحقونى . وسطى انقطع .
عديله — سلامتك يا سيدنا الشيخ ، إيه اللى جرى ؟

[لا يكاد ينهض متباعداً في خوف حتى يتلقاه سيد يدممه في قدميه
دفعة تواقه مرة أخرى . فينهض متعاملاً ثم يعدو مندفعاً خارج الحجره
بأقصى سرعة] .

[عديله تنطلق مولولة من الحجره . نوح افندي يتناول رشفة من
الزجاجه ثم يتناول المود] .

قرقر — إيه يا سيدنا الشيخ ، حديد يجرى كده من

العفاريات ١٤

عجائب — [وهو يمدد في الخارج] هم دول عفاريات ،
دول بلطجيه .

نوح — أنا مع العفاريث ، فلتحى العفاريث ، لو منهم
اتنين فى جمعيّة قتل الزوجات . كنت سويت بيهم الهوايل .
يا رب اتنين بس . زى دول . . وأنا امشى بيهم أم عبده
على العجين ما تلخبطوش .

[أم عبده تدخل مندعة على صوت الضجة] .

أم عبده — إيه ؟ . حصل إيه ؟ . هم طلعا ؟

قرقر — إيه هم دول ؟

أم عبده — اللي ما يتسموش .

قرقر — لا ، ده هو اللي طلع .

أم عبده — هو مين ؟

قرقر — اللي يتسمى ، الشيخ عجائب . كبير محتالى القطر .

أم عبده — طلع ليه ؟

قرقر — عاد إلى قواعده ، فى السطوح .

أم عبده — يعنى إيه ؟ مش فاهمه ؟

نوح — [ضاحكا فى سخرية] ودى عايزه فهم ، عاد إلى

قواعده .. يعنى انسحب . عقب هزيمة منكره ، ارتد بعد

خسائر جمه . برضه ما تيش فاهمه ، بالعربى زاغ بعد ما

نقحوه علقه جابت داغه .

أم عبده — هم مين دول ؟

قرقر — اللي ما يتسموش .

أم عبده — ضربوه ؟ يوه ، يا مغيث ، ياساتر يارب
والعمل إيه ؟ إذا كان هو ما اقدرش عليهم مين حا يقدر
عليهم ؟ وإننت ياراجل ، قاعد ساكت كده ؟
نوح — أنا مبسوط كده ، أنا مع العفاريات ، نموت
وتحيا العفاريات [بمسك الود وبغني] يا غائباً عن عيوني ،
وساكنآ في شوالى .

أم عبده — هوا انت فيك فايده .. وبعدين ياقرقر ؟
إيه العمل ؟ !

قرقر — إيه العمل ؟ [منكرآ] إيه العمل .. أقول لك
ياستى خليها على الله .

أم عبده — أخليها على الله ؟ ! دا اللي قدرت عليه ؟
قرقر — أيوه خليها على الله هوآ فى حد بيدبرها غيره
خليها على الله ، وعلى .

أم عبده — عليك انت ؟

قرقر — أيوه على أنا .. أنا حا اعرف إزاي
أطلعهم لك .

أم عبده — انت حا تطلعهم ؟ ! ما بقاش اللي انت ياسى
قرقر .

قرقر — ياستى يوضع سره فى أضعف خلقه .. جربى
اتى حايخس عليكى حاجه ؟

أم عبده — طب بس انبط .. تعالى معايا نطلع
نشوف الراجل جراه إيه .. يمكن تقدر ننزله تانى .

قرقر — مافيش فايده ياست .. دى العلقه اللى خدها ،
مش حاتخليه يرجع هنا أبداً ، دى نوك أوت .

أم عبده — يادى النصيبه ، وبعدين ؟

قرقر — قلتك جربى .. مش عاجبك .. أعمل

لك إيه ؟ جربى ياستى انت حايخس عليكى حاجه ؟

[يزوم محمود من داخل الشوال]

أم عبده — آه .. آه يانى .. أهم ابتدوا .

قرقر — قلتك خلىنى اجرب .. مانتش راضيه .

أم عبده — طب جرب .. جرب .. زى ما انت عايز .

قرقر — أبوه .. كده الكلام .. اتفضلى انت بقى من

غير مطرود خلىنى أشوف شغلى .

أم عبده [وهى نهم بالخروج] — ابعت لك شوية دره

عويجه ؟

قرقر — عويجه إيه ياست .. أنا حاطع عفارىت

مش كتاكيت .

أم عبده — أmaal أبعث لك إيه ؟

قرقر — تبعنى إيه ؟ إيه . . . ؟

[محمود بزوم]

قرقر — أيوه افتسكرت ، ابعنى حته جنبه حلوم .. على طبق فول بالزبده .. على السبع بيضات اللى كنت حاتبعتهم للشيوخ عجائب المهزوم ، وما فيش مانع تبعنى حته القشطه وشوية عسل النحل اللى كان حايئسممهم .

أم عبده — ليه دا كله ؟

قرقر — مش حاطلّع عفاريت ، يمكن يطلعوا جعانين ابنى أخليمهم يا كلونى ؟ والا أسيبهم فى البيت يخربوه ويلهفوا اللى فيه ؟ مش برضه الاستحراص أحسن ؟!

أم عبده — برضك أحسن ، حالا حابعت لك اللى انت عايزه .. هى جت على كام بيضه .. أهو بجملة .

[تخرج أم عبده]

قرقر — وانت يانوح افندى .. مش تتفضل شويه ، علشان نشوف شغلنا .

نوح — شغلك ؟! انت كيان ناوى تطلع عفاريت ؟.

قرقر — دانا حاطلّع أبوهم ، دول ما يعصونيش أبداً ،

إشاره واحده تطلعهم .

نوح - طيب ما تيا لله تورينا الشطاره كده .

قرقر - بس لازم أكون لوحدى .

نوح - بقی كده .. انت اتعلمت شغل النصب ،

أنا مش حاسيب الأوده .. لازم أشوفك وانت بتطلعهم .

قرقر - ليه بس ياسى نوح افندى .. ليه تلخبط لنا

الشغل .

نوح - مافيش فايده .. لازم أشوفهم يعنى لازم

أشوفهم .

قرقر - حد فى الدنيا .. يشوف الغفارىت ؟

نوح - كينى كده .. أحبهم ، أنا حاسس ان انا حلاقى

فيهم حاجه حلوه .

قرقر - لامن الناحيه دى .. اطمن جداً ، مافيش فيهم

حاجه حلوه أبداً .. دول دكرين ، زى الحنشات ، الله

لايورك .

نوح - برضك حاشوفهم .

قرقر - يادى الواقعه السوده .. ياسيدى قوم الله

لايسينك ماتعطلش شغلنا ، قوم لحسن بعدين يعملوا فيك

اللى عملوه فى الشيخ عجائب .

نوح - ولو .. برضه حاقعد .

قرقر [بعد أن قد صبره] - لا ، الظاهر الحكايه مافياش
فايده أبدأ [لنفسه] مافيش طريقه غير إني أقول له الحقيقه
وياطابت يا اثنين عور [لنوح] بتي اسمع ياسى نوح افندى ..
أنا مش حاخبي عليك .. أنا حاقول لك على كل حاجه ،
باختصار القول .. الحكايه ومافيا ، إن اللي في الشوالات
دول مش عفاريت .

نوح - أمال يبقوا إليه ؟

قرقر - بني آدمين ؟

نوح - بني آدمين ؟ اللي هبدوا الراجل العلقه دى
كانوا بني آدمين ؟ ياسلام عليهم .. أحبهم .. لايعنى عليهم ،
علشان أبو سههم من عنينهم .. هم فين طلعهم لى [يقذف بالمود
ويبيض مقرباً من الشوالات]

قرقر - طب بس اصبر ما تزعقش كده ، علشان
أفهمك بقية الشغلانہ .

نوح - مش عايز أفهم .. أنا عايز أسلم عليهم وأهنيهم
وأحضنهم [يهجم على شوال آخر غير الذي به محمود وسيد ويحتضنه]
أهنيك .. أهنيك من كل قلبي ، ياسلام ، أد إليه انت فشييت

غليلي ، اما مقص اللي نشتهوله .. مش بتاع بني آدمين ،
مقص عفاريتي حقيقي .. انت خليتني أتمنى انك تكون
بني آدم علشان أضحك للجمعيه .. لسه كنت بقول لقرقر ،
لو منكم اتنين في جمعيه قتل الزوجات كنت سويت بيكوا
الحوايل ، إيدك لما أهنيك . مبروك [بك الشوال وبعده
يجد به عدس بجبهه فتبدو عليه الحبيبه] إيه ده ؟ إيه ده ياواد
ياقرقر ؟ ده بجبهه ؟

قرقر — جبهه ؟ واجهاها منين الجبهه دي ؟ ده ما كانش
لابس جبهه أبداً يمكن لبسها جوه .. على العموم معلش .
نوح — معلش ازاي ؟ بقول لك بجبهه ؟ يعني لايعرف
يشنكل ولا يضرب مقصات .

قرقر — ليه بس .. تفتكر يعني إن الجبهه حاتحوشه ،
على العموم لو حاشته نبقى نقلعها له .

نوح — هوأ إيه اللي نقلعها له .. ونلبسها له .. ده
عدس بجبهه .

قرقر — عدس إيه ؟ وربني كده [يمد يده] ياسيدي
خضتني انت غلطت في الشوال .. أنا راخر بقول ماله قاعد
ساكت كده .. لا يهرش ولا يبصرخ ، أصلهم اتنين .. واحد

بهرش علشان حاجه بتاكله والتانى بيصرخ من الجوع .

[محمود يصرخ]

قرقر - حالا .. دقيقة واحده ، لغاية مايجيبوا
الأكل ، أكله على كيفك عمرك مادقت زيها .. كانت من
نصيب الشيخ عجائب .. أهى دى اللي يقولوا عليها تكون
فى بقك وتقسم لغيرك .

نوح - يا الله يا أخى طلعمهم بسرعه علشان نعتد
الاجتماع .

قرقر - اجتماع إيه ؟

نوح - الجمعيه .. هم مش حاينضموا ؟

قرقر - أيوه حاينضموا .. بس مش كده خبط لزق ،
مايصحش تاخدهم كده على مشمهم .

نوح - يعنى إيه مش خبط لزق؟! الحكايه مستعجله ،
ولازم نشوف شغلنا ، ونعتد اجتماع عاجل سريع ..
علشان نبت فى أمر أم عبده وتتخذ ضدها اجراء حاسم ،
والايعنى عاجبك الشبابيك اللي مسنكراها دى؟!

قرقر - لا .. لا ، عاجبانى ازاي .. بس انت عندك
فكره عن شخصية العضوين دول .. يعنى تعرف هم
يقوا مين؟!

نوح — مش عايز اعرف .. اللي أعرفه عنهم كفايه
جدأ ، كفايه انهم رقعوا عجائب الكلب الهدرين اللي خدمهم .
كفايه مهارتهم في فن الشنكله ، والمقصات .. كفايه ...
قرقر — مفهوم .. مفهوم .. بس أنا عايز أقول لك ..
إن ظهورهم هنا مستحيل .

نوح — ليه ؟

قرقر — لأن البيت ده محظور عليهم .. ده يعتبر منطقه
محرمة عليهم .

نوح — علشان إيه ؟

قرقر — لأن دمهم مباح فيها .

نوح — مين أباحه ؟

قرقر — عدوك اللدود .. الست أم عبده .

نوح — وليه ؟ مالها ومالم ؟ تطارد هم ليه ؟ وتبيح دمهم
ليه ؟ هي متجوزاهم ؟

قرقر — متجوزاهم ازاي ياسيدي .. بقول لك أم عبده
مرات حضرتك ، تقول لي متجوزاهم ؟

نوح — أصلك مخلتتي ، لأنى مش فاكر إنها بتبيح دم
حد غير جوزها ، مش فاكر إن الخصومه المستحكه دى

تنشأ بينها وبين حد إلا إذا كانت بينهم صلة جواز ، طيب
إذا ما كانتش متجاوزاهم تبقى مالها وماهم ، لها عندهم إيه ؟
قرقر - أجرة الأوده .

نوح - آه . . . بقى قولتلى . . . يعنى همّ دول الجماعه اللى
كانوا ساكنين فوق ، واللى استولت على عفشهم ؟

قرقر - أيوه ، أم همّ ، استولت عليهم ضمن العفش .

نوح - وإيه اللى زنقهم الزنقه السوده دى ؟

قرقر - طبت عليهم ماعرفوش يروحوا فين وكانوا
متعودين ينزلوا من على المواسير ، لكن حضرتك كنت
واقف فى البلكونه اللى تطل على المواسير نخافوا منك
وملاقوش حته يستخبوا فيها غير الشوات .

نوح - قلت لى ، طيب يا الله ، أطلق سراحهم حالا .

قرقر - بس اصبر شويه ، لغاية ما البت عديله تجيب

الأكل ، وبعدين نقفل الباب ونطلعهم ياكلوا لقمه ، والا
ياخدوا الأكل معاهم ويزوغوا .

نوح - والاجتماع ؟

قرقر - تبقوا تنفقوا عليه بعدين .

[تدخل عديله وهى تحمل الصينية وعليها الفطار]

عديله - الأكل أهه .

قرقر — حطيه على الترابيزه .

عديله — أمان فين الشيخ عجائب ؟

قرقر — تعيشى انتى .

عديله — يعنى إيه ؟ جراه حاجه ؟

قرقر — العفاريت جابوا له الكافيه . طيروه على فوق .

عديله — أمان الأكل دالين ؟

قرقر — للعفاريت .

عديله — العفاريت بياكلوا عسل وقشطه ؟

قرقر — ما ياكلوش ليه . . عفاريت ذواتى . . مش

واخذين على التشف .

عديله — بقى كده ؟

نوح — كده والامش كده ، إنتى حانفتحى له محضر

سببى الأكل واطلعي بره خليه يشوف شغله ، هو احاطلعك

والاحاطلع العفاريت .

عديله — هو اللى احاطلع العفاريت ؟ ياخى عفاريت

لما ينططوه .

[نخرج عدله ويفاق قرقر الباب خلفها]

نوح — يا الله ياعم . . يا الله قوام ، إفرج عنهم حالا ،

خليهم يشموا نسيم الحريره ، وخليني اشد على ايديهم واهنيهم
بعضوية الجمعيه .

قرقر - حاضر .. حافكهم اهو .. بس خد بالك من
الباب كويس .

نوح - ماتخافش ، انا حا اسنده بضرى ، مافيش حد
حا يقدر يخش ابدأ ، انا باعتبار نفسى مسئول عن حياتهم ..
دول أعضاء جمعيتى ، دول سندی ، يا الله بقى طلعمهم .

المشهد السادس



[نوح — فرقر — سيد — محمود]

[يسند نوح الباب الموصل الى بقية الغرف بظهره .]

[يسرع فرقر فيفك الشوال الذي به محمود فيقفز الى صينية الاكل

ويأخذ في التهامه]

محمود — لو صبرت على دقيقه واحده ، كنت مت من
الجوع .. أما حتة صينيه ياسلام سلم ، أنا مش عارف آكل
إيه وأسبب إيه ، أنا قتيل العسل النحل ده .

[بتجه فرقر الى شوال سيد وينفك فيخرج سيد وهو بهرش]

سيد — يا سلام ياهوه ، أنا أول حاجه حانا ادى بها

هى المطالبه بالحربه الخامسه ، ربنا مايحرمش حد منها .

نوح — إيه هى الحربه الخامسه ؟

سيد — حرية الهرش يا أستاذ ، ربنا مايحرمك منها

أبدأ .. إنت مجربتش لما تكون حاجه بتقرصك ونفسك

تهرش ومانتاش قادر ؟

نوح — لا والله ماجربتهاش .

سيد — يعنى مافيش حاجه قرصتك أبدأ ؟

نوح - لا ، بس عمرى ماقدرتش اهرش ، أنا جايب
عصايه مخصوص للهرش ، دى يمكن الحريه الوحيدده اللي
بالتمتع بيها فى البيت حرية الهرش ، أما باقى الحريات فممنوعه
لا حرية كلام ، ولا حرية غنا ، ولا حرية بصبصه ، ولا حرية
وساخه ، ولا حرية لخبطه . . الله لا يورك . . على العموم
دا كله حانحققه إن شاء الله بالجمعية بتاعتنا ، بس دلوقتى تعالى
كل لك لقمه على ما قسم .

[يتجه سيد الى الصينيه وأخذ فى الأكل]

نوح - ماتأخذوناش يا جماعه فى الأكل الطيارى اللي
ع الواقف ده ، لكن نعمل إيه فى سى قرقر ، مادام عملكوا
عفاريت .

[يعتمد من أمام الباب قليلا]

قرقر - إوعى الباب ، إوعى ، لحسن القضا المستعجل
يطب ويكشف الحكايه ، ونروح كلنا فى شربه ميه .

محمود - القضا المستعجل؟ يا بابى ، أنا حازور .

سيد - أحسن حاجه نعمل ساندويتشات وناخذها
فى جيوبنا .

نوح - ماتخافوش ، أنا سادد الباب كويس ما حدش

حايستجری يخش ، كلوا على مهلكم ، علشان بعد كده نقدر
نعقد الاجتماع على راحتنا .

قرقر - اجتماع ايه ؟! مش وقته دلوقت ، يا الله يا جماعه
اعملوا اكل واحد ساندوتش ، وزوغوا دلوقت ، ما حدش
عارف الظروف بعد كده ايه .

نوح - والجميعه ؟

سيد - [وهو يحشو رغبته] نتفق عليها بعدين .

نوح - بعدين ازاي ؟! المسأله مستعجله خالص .

محمود - طيب ممكن نتفق دلوقت على حته نتقابل
فيها . أصل هنا منطقه خطر .. خطر جداً .

قرقر - أيوه خطر علينا كلنا ، دي لو طبت علينا مش
حاسبينا الا قتلى .

نوح - طيب نتقابل فين ؟

قرقر - اتقابلوا الهارده بعد الضهر في القهوة اللي على
ناصية الشارع .

نوح - بعد الضهر كثير ، احنا عايزين نشوف شغلنا .
محمود - طيب نخليها الضهر والا الصبح زي ما انت
عايز ، بس اظن دلوقت نخرج قبل ما حد يقفشنا !

قرقر - أيوه .. يا الله زوغوا بسرعه ، وانا حاخي

الشواتل الفاضية، وأنعكش الأوده.. قال يعني حصلت
 بيننا خناقه جامده، وانا انتصرت عليكم.

[لابكادان بهمان بالخروج حتى يفتح الباب المؤدى الى السلم وتندفع
 منه زكيه وامه].

المشهد السابع



نوح — قرقر — سيد



محمود — زكيه

نوح — [صارخاً في فرع] زكيه؟ ايه اللي جابك هنا
 دلوقت يا زكيه؟

محمود — الله!! زكيه!!

زكيه — أيوه زكيه، مالكم بتبصولي كده زى اما يكون
 التقيتوا عفريت؟

قرقر — والله العفريت أهون، أنا لسه دلوقت مطلع
 عفريتين بشوية عسل.. لكن انت اطلعك بيايه.. ايه
 اللي جابك ياست زكيه؟

زكيه - اسكت انت انسد يابوز الإخص .
قرقر - حاضر ، انسديت ، حاسكت خالص ، وانا
بقى عندى حاجه .. كل اللي عندى خلاص قلته .. لغاية
ماطلعت العفريتين دول ، لكن انت بقى ما اظنش فيه فايده
منك ، ما كنتش عامل حسابى عليكى أبداً ، أنا أحسن حاجه
اقعد كده وانفرج على اللي حايجرى ، انفضلى ياست كبريته .
زكيه - ولعه يا روح امك .

قرقر - ولعه ، كبريته ، أهو كله محصل بعضه ، أهى
حاجه تلسع وخلص .

زكيه - قلت لك ولعه يعنى ولعه .. يعنى مشعوطه ..
بت تلعب بالبيضة والحجر .

قرقر - أنا مالى يا ستى العبي باللى تلعبى بيه ، أهم كلهم
قدامك ، بيض على حجاره ، العبي زى ما انتى عايزه .. بس
خدى بالك بقى ياست ولعه .. إن فيه ورا الباب ده ..
عاصفه .. اسمها أم عبده .. تاخذ فى وشها ميت ولعه .
زكيه - وانا مالى يا عمر ، بتخوفنى والا ايه ؟! أنا
ما كلش م الكلام ده .

قرقر - أنا مالى تاكلى والا ما تكليش ، أنا حيت بس
اعمل اللي عليه ، ودلوقت عن اذنكم ، آكل لقمه ، على
الأقل لما يجرى لى حاجه أبقى ميت شبعان ، حضرتم ياست
ولعه .. الأستاذ نوح ، والأستاذ محمود والأستاذ سيد .
زكيه - عارفاهم يا روح مستك .

قرر - یعنی اطلع منها خالص .. حاضر .. حاضر ..
اتفضلوا .

محمود - الظاهر ان اليوم ده مش حايفوت على
خير أبدأ .. أنا بافكر آخذ الرغيف بتاعى وادخل الشوال
تانى ، هى حقيقتى القعدة مش مريجه ، لكن آهى مامونه ،
بعيد عن الخطر .. والشوال اللى تعرفه أحسن م اللى
ما تعرفوش .

[بهم محمود بالدخول فى الشوال]

زكيه - رايح فين ياسى محمود افندى ، اطلع لى بره
يا خويا ، أنا ليّه عندك حساب .

نوح - ما تزعتيش كده يا ست زكيه الله لا يسيتك
وطى صوتك شويه ، قولى لى بس ايه اللى جابك هنا ؟
زكيه - [تكشف عن ساقها] رجله يا حبيبي ، وحشين ؟!
سيد - هم من جهة الخلاوه حلوين ، بس يعنى جابوكى
هنا ليّه ؟

زكيه - جابونى ليّه ؟ علشان أصنى حسابى معاكم ،
علشان أشوف لى طريقه ، علشان أرسى لى على بر .
محمود - طيب انتِ مش جايه لنوح افندى ؟ عن
اذنك احنا .

زكيه — اقعدهنا ، أنا جايه لكم انتوا لاتنين ، لازم
تشوفوا لى خلاص ، انتوا فاكرينها ايه ؟ سايبه ، فوضى ؟!
نوح — طيب يا زكيه ياختي ، الخلاص ده ممكن نشوفه
فى أى حتة تانيه . الحكايه ما اظنهاش مستعجله أوى كده
وانتى عارفه إن خالتك أم عبده لو دريت . . .

زكيه — حاتمعل ايه يا ادلعدى ، أنا عايزاها تدرى ،
لازم أجيها على بلاطه .. ما فيش فايده غير كده ، هو كل
الطير اللى يتاكل لحمه .. كل ما اجيلكوا من هنا تجوفى من هنا ..
الحمد لله اللى قفشتكم هنا مع بعض ، علشان نرسى لنا على حل .
سيد — حل فى ايه بس ياست زكيه ، هوا دا وقته ؟
زكيه — اسكت انت واتلم بلسانك ما تداخلش فى اللى
مالكش فيه [توجه الحديث الى نوح] هه . . قلت ايه ؟

نوح — فى ايه بس يا زكيه ؟

زكيه — ماتتاش عارف فى ايه ، فى اللى فى بطنى يا عومر .

نوح — اللى فى بطنك ؟ ماله ؟ !

زكيه — عايزه له أب يا حبيبي . . عايزه له والد
يا سيدنا لفندى .

محمود — عايزه له ايه ؟ !

زكيه — أب ، أب ، مش فاعم يعنى ايه أب ، زى أبوك ،
وأبو أبوك .

محمود — أيوه .. أيوه فاهم .. بس وطى صوتك .
نوح — ومستعجله قوى ، على أبو لسلامته ، ليه ؟
زكيه — مستعجله ليه ؟

محمود — أيوه حقيقى ، يعنى مش كان بيتق أحسن
لو تسيبيه لغاية ما ينزل ويكبر ويميز ، ويختار الأب
اللى يعجبه ؟!

قرقر — [وهو يمزج الطعام] أى والله فكره ، أنا
شخصياً ، لو خيرونى ما كنتش اخترت أبويه دا أبدأ ، كان
شحات ابن شحات ، وكان شكله وحش قوى ومورى أم
الويل . لكن أعمل إيه ، طلعت لقيته الله رحمه أبويه ،
وما قدرتش أقول لهم غيروه ، لكن والله لو كان بايدى
كنت مؤكد نقيت واحد تانى .

نوح — مضبوط . لك حق ، أهى دى حريه جديده
م الحريات اللى حاطالب بيها الجمعيه . حرية اختيار الآباء .
زكيه — بتقولوا إيه ؟ حرية اختيار الآباء ؟ يا أخى بو
لما يشتحك منك له . آل يختار الأب اللى هوا عايزه آل ،
خش فى عبي يا خويا خش ، استكردنى يا خويا استكرد ،
ما انتم أصلكم فاكرينى هفيه ، لا ، أنا ما باكش من الكلام
ده . لازم أشوف له أب حالا .

محمود — ليه بس يازكيه يا اختى ؟ ليه العند ده ؟ دا مش

وقتہ اُبدآ ، خلینا بعدین ندبر المسالہ سوا علی رواقہ .
 زکیہ _ ما کانش یتعز یا حبیبی ، غالی والطلب رخیص
 یاروحی ، آل علی رواقہ آل ، یاریت کان ممکن یاسی
 حودہ .

نوح — ہوا یمہ أصلہ ده ؟ !
 زکیہ — ما انتش عارف أصلہ یمہ ؟ ! حانعیده تانی
 أصل أنا عایزه أب للواد الی جی بعد کام شهر ، عرفت بقی
 أصلہ یمہ ؟ . أصل أنا ماش عایزاه ینزل یلاقی نفسه یاضنایا ،
 من غیر أب ، یعنی ابن حرام ، فہمت یاروحی ، والافہمک
 کان ؟ ! یعنی بالعربی واحد منکم لازم یتجوونی حالا .
 سید — حالا ؟ !

زکیہ — أبوہ حالا ، حالا ، یعنی یطلع معایا من هنا
 علی المأذون ، رجلی ، علی رجلہ ، قلمت یمہ بقی ؟
 نوح — یاستی زکیہ ، الحکایہ ما تجیش کدہ .
 زکیہ — خلاص اتہینا ، کلہ واحدہ ، أنا ماش حادوخ
 نفسی وراکم بعد کدہ ، لازم اطلع من هنا بعریس . فاهمین
 والا لا ؟ !

نوح — یمہ ہوا دا ؟ ہی الحکایہ ، عافیہ ؟
 زکیہ — عافیہ ؟ . بقی کدہ ؟ ! طیب أنا حا اوریک

العافيه تبقى إزاي [ترفع بالصوت] يوه .

قرقر [قنراً من مكانه في فرع] — يا نهار اسود ، أنا
في عرضك يا ست زكيه يا اختي ، أنا مفهم الست أم عبده
إن العفرتين اللي حا طلّهم لاتنين دكره ، ما كانش عندي
فكره أبدأ أنك إحا تشر في هنا كنت عملت مقدمه وقلت
لها إن معاهم نتايه ، اعلمي معروف وطي صوتك لحسن تطب
علينا تجيب أجلنا ، يا الله يا جماعه ، خلصونا ، شوفوا لنا
حل قوام .

نوح — حل إزاي بقي ؟

زكيه — ما نتاش عارف حل إزاي . حا نعيده تاني ،
واحد منكم يتجوزني .

قرقر — أيوه ، واحد منكم يتجوزها ، مافيش غير كده .
نوح — أنا ما اقدرش ، ما اقدرش أبدأ . دي أم
عبده ، كانت تعلق لي المشنقه في وسط ميدان السيده ،
دي كانت تاكفي ، اتجوزها إنت يا سي محمود ، إنت فاضي ،
وعلى كيفك .

محمود — أنا ؟ أنا اتجوزها ؟ ده برضه معقول ؟
اتجوزها وأنا مش لاقى آكل ، اتجوزها وأنا لسه تليذ ،
وأروح لهم في البلد بدل ما يكون في إيدي شهاده يكون

فی ایدی زکیه ولعه ! و یاریت زکیه ولعه و بس ، إلا و علی
کتفها کمان ولد !! ما شاء الله ، دول کانوا یخفقونی ، لا
یا عم ، أنا ما لیاش فی الجوازه دی أبدأ ، إنت راجل
مقتدر مبسوط ، وکان قدامک فی حساب الشرع ، تلاته
[الی زکیه] خلاص یاست زکیه ، نوح أفندی حایتجوزک ،
اتجوزها یا نوح أفندی .

نوح — ما یمکنش ، ما أقدرش ، حرام علیکم یا جماعه .
زکیه — [فی ملل] یا الله بقی خلصونی ، أنا مش فاضیه لکم .
قرقر — أحسن حاجه ، نعمل قرعه .

زکیه — اعملوا اللی انتوا عایزینہ ، بس خلصونی قوام ،
شوفوا لی جوز حالا ، حالا دلوقت ، فاهمین والا لا .

[بسمع صوت أم عبده من الخارج] .

أم عبده — خلاص یا قرقر ؟

[یحدث هرج ومرج و بهم محمود و سید بالفرار ، فتقف زکیه
فی طریقهما] .

زکیه — خلیک عندک منک له لحسن ارفع بالصوت .

قرقر — [بحیباً أم عبده] اصبری علیؑ یاست شویه ،

لحسن دول معصلجین قوی ، [الی محمود و نوح و سید] یا الله
یا جماعه شوفوا لنا حل بسرعه ، حد مشکم یقول لها إنه
حایتجوزها ، و خلونا ننتهی .

زكيه - يقول لى إيه يا عمر؟! هو أنا باكل من الكلام
ده .. يخرج من هنا على المأذون إيدته فى إيدى .. هى
الحكاية سايبه والا إيه؟

نوح [يرتمى على الأريكة فى بأس] - لا .. الظاهر إن
أجلى قرب .. يا خسارة الجمعيه .. يا خسارة المشروع ..
يا خسارتك يا نوح افندى .

محمود [بمسك الشوال محاولا ادخال نفسه فيه] أنا يا عم
حادخل جوه الشوال تانى ، ومش حااطلع منه أبداً .

قرقر - بقى ده إسمه كلام؟! يعنى عايزين أم عبده تيجى
تموتنى أنا؟! يعنى هى المسأله مالهش حل؟! ما فيش حد
عايز يضحى؟

سيد [بعد تفكير] - أقول لكم . أنا حاضى . حاضى
لكن مش علشان خاطر كم أو خاطر أم عبده ، أنا
حاضى علشان خاطر مخلوقه واحده .. عارف إنها
حاتألم لو واحد منكم اتجوز زكيه .. حاضى علشان خاطر
واحدة حاتتصدم لما تلاقى أبوها اتجوز على أمها فى آخر
العمر، وحاتتصدم أكثر لو تعرف ان البنى آدم اللى فاكره
مثل أعلى اتجوز الست زكيه ولعه ، وبقي أب لابن مجهول
الأب .. أنا حاتجوزك ياست زكيه .. وأمرى لله لأن
ما فيش حد حامس ييه ولا حازعل عليه .

زكيه — [و ذمول] إنت بتكلم جد ؟ ! والا عايز
تلفنى .. خد بالك كويس أنا ماينضحكش على أبدأ .
سيد — أنا ماعرفش ألف .. كل اللى اتى عايزاه
حاعملهم لك .. بالله بينا يا جماعه .

[بهمون بالخروج عندما يسمع صوت الشيخ عجيب من وراء باب السلم]
عجيب — وآه يا قرقر .. ماطلع تليش الفطار ليه ؟! انت
عايزنى أموت م الجوع .. مش كفايه اللى جرائى .
قرقر — يادى الوقعه السوده .. نعمل إيه دلوقت ؟!
حاتخرجوا منين [الى عجيب] طيب ياسيدنا الشيخ اطلع
دلوقت وأنا أجيب لك الصينيه .

عجيب [من الخارج] — مش طالع إلا لما تديها لى دلوقت
قرقر — أعمل إيه فى ابن الأروبه ده !! هاتوا يا جماعه
الأكل اللى معاكم .. [يحاول جمع الأكل واخراجه من الأرنجة
واعادته الى الصينيه عندما يسمع صوت أم عبده من وراء الباب الآخر]
أم عبده — واد يا قرقر .. إنت حاتضيع اليوم عندك
والا إيه ؟ .

نوح — خلاص ما فيش فايده رحنا فى داهيه .. الحصار
تم من جميع الجهات . وقعنا واللى كان كان . جالك الموت
ياتارك الصلاه أشهد أن لا إله إلا الله .

[يقفز قرقر من مكانه وينزع أغطية الأرائك فيضمها فوق محمود
 وسيد وزكيه . . وبمطي لسكل من محمود وسيد رق . . وزكيه طبله]
 قرقر — اسمعوا يا جماعه دى آخر محاوله . . دى آخر
 حاجه نقدر نفقد بيها بعمرنا . . يا تخيل عليهم يا نروح فى
 داهيه . . أنا حافتح لكم الباب وانتوا تخرجوا على بره
 جرى وكل واحد منكم يدق باللى فى إيده قوى ويفقر . .
 وانت يا نوح أفندى امسك العود بتاعك ، وتتن لهم . .
 فاهمين ؟

[تفتح أم عبده الباب فتذهل مما تراه]
 أم عبده [صارخة] — يا حفيظ . . يا مغيث . . دول
 إيه دول يا واد يا قرقر ؟ !

[يبدأ الدق ويندفع الطا بور وهو يترنح الى الخارج]
 نوح — [وهو يعزف على العود] :

تَرَلِّلى . . تَرَلِّلى . . تَرَلِّلى . . تَرَلِّلى
 محمود [منشدأ] — أنا الولى . . أنا الولى .

سيد [منشدأ] — وأنا ابن عمه الشيخ على .

زكيه [منشدأ] — وأنا اللى بزف الصالحين .

[يفتح قرقر الباب أمام الموكب . . بينما هم يرددون الأنشودة مراراً]
 [عجائب لا يكاد يرى الموكب حتى يصرخ فرعاً ويفر هارباً]

[يسدل الستار]



[المنظر : بعد سنة . والوقت قبيل العشاء في ليلة صيف . صالة في الشقة العليا لمنزل أم عمده التي استأجرها سيد ومحمود . في الواجهة باب يؤدي الى شرفة بها بعض قصارى زرع . وفي اليمين بابان أحدهما يؤدي الى دورة المياه والثاني الى السلم ، وفي اليسار باباً يقضى الى غرفة النوم ، وشباك يطل على منور وقد وضعت عليه صينية قفل . في الركن اليميني البعيد أريكة استامبولي . وفي الركن اليسار البعيد بعض السلال والشوالات . في الوسط منضدة كبيرة حولها مقاعد خيزران . في الركن اليميني القريب يوفيه وفي الركن اليسار القريب المنضدة القديمة وعليها كتب وأوراق والمرآة المشروخة . وبجوارها غابة أشبه بسنارة الصيد في آخر الدوارة التي بها مشبك غسيل .. يبدو سيد جالسا أمام المنضدة وقد أتم كتابة رسالة وبدأ في تلاوتها لنفسه .]



المشهد الأول



سيد — محمود
سيد — [يقراً]:

أكتب إليك ياساحرة وأنت منى على قيد خطوات ،
أكاد لو أنصت أسمع هبة أنفاسك وخفقة قلبك .. أكتب
إليك لأنى أشعر عند الكتابة بما يشبه متعة اللقاء ، وأحس
أنى أنقل إليك ذوب نفسى وخلصة روحى ، وأكاد أتوهم
وأنت تقرئين ما أكتب أنى طاو فى الصفحات قابع بين
السطور ، وأنى أمتع العين بسحر عينيك وأدفىء الروح بجر
أنفاسك .

إنى أحسك ياساحرة فى كل ما أحس .. أحس بك
فى كل زهرة ندية وروضة بهية ، وطير شاد ونجم هاد ،
وعطر زكى ولحن شجى .

أنت معى دائماً .. فى كل صحوة وغفوة .. أنت معى
غائبة أو حاضرة ، واصلة أو هاجرة .. أنت باقية فى روحى
وفى ذهنى وفى قلبى .. بقاء الروح والذهن والقلب ،

الخمس محمود

[يطوي الرسالة ثم يشبكها بمشك غسيل مربوط في السنارة
وتحين منه التفاتة الى شكله في المرأة فتخرج منه تهيدة مبررة ساخرة
ويحدث نفسه]

سيد [لنفسه في المرأة] - وأخرتها؟ وإيش بعد داكله؟!
ليه آخرة الهوى المتسكر ، والحب المقنع ده .. انت ..
بخلقتك دى ، وبكيانك ده .. مفيش فايدته منك مش حاتجك
مش حاسه بيك ، ولا حاتحس بيك أبدأ .. خلقتك كده !!
تعمل إيه؟ طب ما أنا عارف انها مش حاتجبنى ، أنا يائس جداً
من حبها ، أنا ما بعملش كده علشان تجبنى .. أنا بعمل كده
علشان ما اخذلهاش ، أنا عايز امنحها الأمل اللى أنا فقدته ،
وأعتقد أن أنا نجحت فى كده .. أنا عملت كل حاجة
علشانها .. أنا كرمت جهودى وحياتى كلها علشان أسعدها
وأحقق لها أملها .. أنا قبلت أضحي بنفسي وأتجاوز زكيه ،
علشان ما أصد مهاش فى محمود ، ولولا ربنا ستر ، والحكاية
طلعت لاحمل ولا حاجة .. كان زمانى جوز ست زكيه ولعه ،
وأبو ابن ربنا يعلم مين أبوه .. قبلت داكله علشان خايف
عليها لتألم ، وفضلت ورا الحيوان محمود ألمه من البارات
والكباريات وأذاكر له وأسهر بيه الليالى لغاية ما خليته
ينجح ويأخذ الليسانس ، وفضلت أجرى ليل مع نهار
وانظ من ديوان لديوان .. وأجيب فى واسطه ورا واسطه

لغاية ما ربنا سهلها له وبقى موظف محترم وقعدت أدبق
 واقتصد وأحرم نفسى لغاية ما بقالنا شقته محترمه نظيفه
 عليها القيمه بعدما كنا مش قادرين ندفع أجره الأوده اللى
 فوق السطوح وخرجتنا منها الوليه على ملا وشنا محبوسين
 فى الشوالات ، وطول المده دى كلها عمال أهدى فيه
 وأحاول أن أخليه يجيبها واكتب لها فى جوابات باسمه ،
 وأناجيبها بلسانه .. أناجيبها بلسانه هو ، وبقلي أنا .. دال المنفذ
 الوحيد .. اللى بنفسه بيه عن مشاعرى ، وبخرج فيه حبي ،
 وبتلقى منها الردود بتاعتها ، اللذيذة الحلوه الهايمة .. حقيقي ،
 مكتوبه له .. لكن بحس منها بعزاز كبير ، بحس ان ولو
 أنى مش مقصود بيها .. لكن بلاقى فيها الرد على جواباتى ،
 وعلى هيامى ، وعلى حبي .. أنا مش حاسس أبدأ لما بقعد
 أحاسب نفسى إن أنا خسران كثير .. أنا حاسس إن الشعور
 بتاعى مردود ، مش ضايع فى الهواء .. هى حقيقى ماتحبيش
 الشكله الظاهر ده [بشير الى نفسه فى المرآة] ، ولها حق ..
 لكن متيأ لى انها بتحب الحاجه المستخيه .. بتحب القلب
 والشعور ، والروح ، ودا كله أبقى وأدوم وأحق ،
 [يطلق تنبيهة مريرة ساخرة] أهو كلام بنعزى بيه نفسنا ، آمال
 حانقول [به لو ما كانش كده ، كان الواحد زمانه ماتم اليأس .

[ينهض من مكانه ومعه الخطاب والسنارة والدوبارة، ويتناول الناي من فوق البوقيه ثم يطفىء النور ويتجه الى الشرفة . يقف بياها . . ويعزف برهة على الناي ، ثم يتقدم من حافتها على أطراف أصابعه ويقذف بالرسالة ممسكاً بيده طرف السنارة]

[في هذه اللحظة يفتح الباب المؤدي الى السلم بفتح من الخارج ويدخل محمود يحمل لفائف بها سندويشات ومأكولات وزجاجات بيده ويفتح النور ويضعها على الترابيزة ويرفع عقبرته بالنفاه]

محمود — ما كانش كده طبعك يا غزال ، والنبي
أنا مقدر على دى الحال .

[سيد يفرع خشية أن تفضح بهية الأمر ويحاول اسكاته بإشارات من يده ، ولكن محمود لا يشعر به ويستمر في النفاه ، فيترك السنارة مستندة على سور البلكون ويهرول الى الداخل]

سيد — هس . . الله يفضحك . . زى ما حفضضنا ،
هو دا وقت غنا؟

محمود [بغاجاً ويفزع] — إيه ده ؟ انت طلعت منين
نشفت دمي .

سيد — هس ، وطى صوتك لحسن تسمعك . . تبقي
فضيحه ، وتضيع كل تعبنا هدر . إطنى النور لغاية ما تاخذ
الجواب ، والا يعنى لا منك ولا كفاية شرك .

[محمود يطفىء النور ثم يتسلل سيد الى الشرفة ويمد يده فيسحب السنارة]

محمود [هامساً من داخل الحجره] — ها . . غمزت ؟

سيد [يشير برأيه بالاجابة ثم يعود متسللا الى داخل الحجرة] —
كنت حاتودينا في شربة ميه ، مالك جاى عيارك فالت
قوى ، وداخل فارد قلوعلك .. إيه حكايته ؟
محمود [بغى، الحجرة] — حكايته أنا ؟ والا حكايته
انت ؟ إيه اللي قعدك انت لغاية دلوقت . . انت مش قلت
إنك مسافر تجيب قرشين ومش راجع غير بكره بعد الظهر .
سيد — دا اللي كان مفروض .

محمود — وبعدين ؟

سيد — ماحصلش قسمه . . الحكايه حصل فيها الخبطه
واضطريت ألغى السفر .

محمود [قازحاج] — تلغى السفر ؟ يعنى مش حاتسافر ؟
سيد — مالك بتصرخ كده !! إنت مش لسه قابض ،
ولا طيرت الماهيه زى عوايدك ، على العموم بكره ربنا
يفرجها ويرزقه من حيث لا يحتسب .

محمود — قوى . . أنا معاك خالص ، من جهة بيرزق
من حيث لا يحتسب فيرزق أوى . . بس بقى يرزقه بإيه ؟
عمر ك ما تعرف . . بمصايب . . ببلاوى .

سيد — بلاوى إيه اللي رزقك بيها ؟

محمود — فيه أكثر من كده بلاوى .

سید - ماتقوللی بس ایه هی البلاوی دی ؟

محمود - وجودك الليله دی .

سید - وجودی أنا ؟

محمود - آیوه .. كان لازم تسافر .. أنا كنت عامل

حسابی علی إنك تسافر الليله دی .

سید - ولما ماسافرتش حصل ایه ؟ قعدت علی قلبك

كتمت أنفاسك ؟

محمود - حاجه زی كده .

سید - یعنی ایه ؟

محمود - یعنی بالعربی أنا عازم زکیه هنا الليله دی ..

عملت حساب إنك مسافر ، وقلت بدل ما اروح أسهر بره

أهو أجيب شوية الشرب والأكل ونقعد نمز مز هنا ، جيت

إنت بسلامتك خليت بی ، وقعدت فی البيت وخسرت لی

كل الشغلانه ، تبقى دی بلاوی من حیث لا أحسب ،

والا لا ؟ ایه العمل ؟ مش تقوم تسافر أحسن ؟

سید - إنت بتقول ایه ؟ إنت اتجنذت ؟ زکیه جیالك

هنا فی الثمقه عشان تسهروا سوی ؟ دی آخر أنواع الفضايح

اللی عايز تعملها ؟ عايز الجیران یقولوا علینا ایه ؟ إنت مش

حاستریح الا لما تودینا فی داهیه . وبسلامتها جایه إمتی ؟

محمود — [بنظر الى الساعة] أهو كان نص ساعه .

سيد — [و فرع] نص ساعه ؟ انت مجنون ؟ انت مش
عارف بعد نص ساعه مين حايجيك هنا .
محمود — مين ؟

سيد — مش فاكر قلتك إيه النهارده الصبح ؟
محمود — لأ .. مش فاكر .

سيد — مش فاكر الجواب اللي قريتو لك ساعة ما صحيت
من النوم ؟

محمود — أبدأ أبدأ .. أنا لما باصحي من النوم باقعد يبجي
نص ساعه في حالة غيبوبة تامه .. أنا مش فاكر الجواب ،
أنا مش فاكر إن أنا شفتك النهارده الصبح خالص .
سيد — يا نهارك اسود .

محمود — اسود ليه بس .. ما تقول مين اللي حايجي
وتريجني .

سيد — بهيه ؟! افكرت والا لسه ناسي .

محمود — بهيه ؟ وإيه اللي حايجيها هنا ؟

سيد — يا محمود يا اخويا .. أعمل فيك إيه ، أكثر من
إني أقرأ لك الجواب بتاعها .. وأكد عليك إنك تستناها
عشان حانظع تقابلك ، وأترجاك إنك تبقى لطيف معاها ،

وإنك توريها إنك بتحبها ، وتخليك رقيق وما تقلش أدبك
ولا تمد إيدك ، وتقول لها إنك عايز تتجوزها ، وإنك
حاطخطها من أبوها .

محمود — إيه !! إنت قلت لي الكلام ده ؟

سيد — أيوه قلتهولك .. أنا قعدت نص ساعه ألقنك
الدرس وأحفضك حاتقول لها إيه .

محمود — بس .. هي النص ساعه دي اللي اكون في
حالة غيبوبة فيها ، وقلتك إيه ؟

سيد — قلت لي حاضر .. حاضر .

محمود — حاضر إيه ؟

سيد — حاضر حاطخطها .

محمود — لا .. دانا لازم كنت في ذهول تام .

سيد — يعني إيه ؟ مش حاطخطها ؟

محمود — أنا أخطب ! . فال الله ولا فالك .. بقی أنا
سايك تكتب عنی جوابات حب زی ما انت عايز ومديك
توكيل تصفر وتغني باسمي وقت ما تحب .. لكن لغاية
الخطوبة .. وفرمل .. ستوب .

سيد — إيه ده ! إنت مجنون ؟ أقعد أتعب التعب ده
كله .. وبعدين تقول لي كده .. أقعد أربي فيك ، وأنجحك

وأوظفك علشان خاطرها ، والآخر تيجي تخلا بيّه كده ،
مش ممكن ، مايمكنش أبدأ .

محمود — إيه هو اده اللي مش ممكن ؟ ! أنا ما اخطبش
ولا اتجوزش أبدأ . الشهاده بتاعتك خدها ، مش لازمانى ،
والوظيفه كان ، أنا ما أبعش حريتى أبدأ ، ولا بالدكتوراه .
لا ياخال ، دا حتى حرام عليك .

سيد — يا محمود ياخويا ، يا حبيبى ، الله لايسيتك ، خلينا
نتكلم على رواقه ...

[يدق الجرس ... يزع الاثنان ويرتبان]

محمود — ودى تبقى مين فيهم اللي جايه بدرى ؟ إسمع
ياخال : إذا كانت بهيه ، أرجوك تقول لها إن أنا مش هنا .
سيد — مش ممكن ، لازم تقابلها بأى طريقه ، مش
ضرورى تخطبها ، قل لها كلمتين لطف و خلاص . وبعدين
يبقى يحلها ربنا ، أرجوك علشان خاطرى .

محمود — موافق .. بشرط .

سيد — إيه هو ؟

محمود — إنها تنزل بسرعه .

سيد — حاضر .

محمود — طب واذا كانت زكيه ؟

سيد — حاشيلها لك على راسي .. اللي انت عايزه أعمله
 أسافر لك لمدة شهر ، بس اوعى تزعل بهيه .
 محمود — خلاص اتفقنا .

[يذق الجرس ثانية فيذهب سيد ليفتح الباب فيفاجأ بنوح افندي ..
 يدخل مندفعاً وهو يحمل حقيبة]
 سيد — [في ذهول] الله !! نوح افندي؟! !

المشهد الثاني



[سيد — محمود — نوح]

نوح [وهو يضع الحقيبة على المنضدة] — أسعد الله التماسي
 كيف الحال؟
 سيد — الحمد لله .

محمود — الذي لا يحمد على مكروه سواه .
 نوح [وهو يخرج أوراق و منشورات] — الليله دى عندنا
 شغل كثير .. خلاص ابتدينا الجدة .. اقعدوا .
 سيد ومحمود يتبادلان نظرات الحيرة والتردد ويسترقان النظر الى
 الباب في خوف]

نوح [وهو يلبس نظارته ويأخذ في ترتيب الأوراق] —

الطلبات نازله علينا زى النظره .. المنشور الأول عمل
 مفعوله .. الظاهر إن الحال من بعضه .. ما فيش حد أبدأ
 راضى عن حاله .. [برع بصره فيجد الاثنين مازالا يتبادلات
 نظرات الحيرة والارتباك] الله .. إتم واقفين ليه ؟ ا ماتعدوا
 إحنا ما عندناش وقت .. لازم ففحص كل الطلبات دى ..
 ولازم نراجع قانون الجمعيه .. ونبتدى فى تشكيل مجلس
 الإدارة .. وتكوين الشعب .. دى كلها عايزه جهد كبير ..
 جلسة النهارده حاتكون جلسه تاريخيه كبرى .. إن شاء الله
 حاتغير وجه التاريخ .. وحاتكون أول خطوه فى سبيل
 إعطاء الراجل كل حقوقه وحرياته وإتقاده من برائن المرأه
 وتحريره من قيودها .. اقعدوا .

سيد - لكن .. [يتجنح] .

نوح - لكن إيه ؟ فيه حاجه ؟ .

سيد - لا .. ولا حاجه .. بس قصدى أقول إن ..

أنا شايف إن الوقت وخرى شويه .. والدنيا ليلت .

نوح - ليلت ؟ .. أمال عايزنا نعقد اجتماع فى عز

الضهر .. إيه ده يا أستاذ ده ؟ ا دى جمعيه سريره .. انت

عمرك ما اشتركت فى جمعيات سريره ؟ ا الجمعيات دى

ما تجتمهش إلا فى ستر الليل .. تحت جنح الظلام .. ده

عز وقت اجتماعها .. اقعدها بلاش تضيع وقت .. بالله
خلينا نشوف شغلنا .

سيد [ينظر الى الباب فى قلق] — بس .. مايمكنش نقدر
نأجل

نوح [فى غضب] — نأجل إيه ؟ ! هتّ لعب ، دى
مصالح أزواج ، دى حياة أو موت ، المسألة خطيره جداً
يا أستاذ ، إذا ماكناش نلحق نفسنا حانروح فى شربة ميه ،
الوليه أم عبده ، خلاص فحرت ، بعد ماخلت الشيخ عجائب
يستوطن فى الأوده اللى فوق ، وجوزته البنت عديله ،
واستولت عليه ، وطول النهار يشبشب ويسحر ويعمل
أحجبه ، ويطلع فى عمائل ، خلاص فضى لنا ، ما بقالوش
شغله غيرنا ، هو وراه إيه ، آكل شارب نايم ، وأشيته رضا
مع البت عديله ، يبقى وراه إيه غير خدمة أم عبده وأذيتنا
لا ، لا ، الحكايه ما تستحملش التأجيل أبداً ، اقعدها ،
محمود — اقعده بقى ياخال ، مافيش فايده ، الليله باينه
من أولها .

[يجلس محمود وسيد ويضع نوح أمامهما بعض الأوراق]

نوح — دلوقت نقدر نعقد الجلسة .. أنا حاتولى
الرئاسه .. وانت يا سيد أفندى تتولى السكرتاريه .. وانت

ياسى محمود .. عضو مجلس الاداره المنتدب .. [مفكراً]
لكن بالطريقه دى مش حايقى فيه أعضاء .. لازم يكون
فيه ولو عضو واحد .

[يذق الجرس فيقفز سيد من مكانه فرعاً ويجري نحو الباب ويقف
وراءه برهة متردداً]

نوح [يحاول جمع أوراقه .. ناظراً الى الباب فى حذر ومتصائلاً فى
صوت خفيض :] — إئتوا مستنيين حد ؟ !

محمود — لا .. أبداً .. ما فيش حد .. أبداً .

[يذق الجرس ثانية .. فيفتحه سيد يبسطه ، ومد عنقه من خلال
الفتحة ليرى الطارق .. يسمع صوت الشيخ عجائب من خارج الباب]
عجائب — السلام عليكم ياسى سيد أفندى .. عدم
المؤاخذه .. وحياة والدك أقدر ألاقى عندك قطنه بصينغمة
يود أحطها على البطحه اللى فى دماغى .

[سيد يفتح الباب ويدخله]

سيد — الله .. الله .. إيه اللى جراك كفى الله الشر ؟
[يرتقى الشيخ عجائب على الأريكة وقد بدت احدى عينيه سوداء
أتر كدمة ووضع يده بالمنديل على جرح فى رأسه]

المشهد الثالث



[سيد - محمود - نوح - عجائب]

نوح - الله .. إيه الحكاياه يا شيخ عجائب ؟
 محمود - الظاهر إن عين صابته .. حسدناك والله
 يا شيخ عجائب .. لسه كنا بنقول عليك آكل شارب نايم ..
 وأشيئتك رضا مع عديله .

عجائب - الله يخرب بيتها بحق جاه النبي .. إلحقتني
 ياسى سيد أنا فى عرضك لحسن خلاص .. دى ساح ..
 إذا ما كانش بصبغة يود .. تبقى بتلقيمة بن ، بس أوقف الدم
 سيد - حاضر .. حالا .. بس خليك كابسك بالمتديل .

[سيد يخرج من البوفيه زجاجة صبغة يود وقطعة قطن ثم يضمد جرح
 الشيخ عجائب]

نوح - إيه اللي جرالك يا راجل .. إيه اللي عمل
 فيك كده ؟ !

عجائب - عديله ياسى نوح أفندى .. خدتني غدر ..
 دشدشتني خالص .

نوح - ليه بس !؟ عملت لها إيه ؟ .

عجائب - ولا حاجه والله . . النهارده الصبح الوليه
زهرة بتاعة الفول التابت فاتت علينا سابت لنا نص قدح
فول . . وقالت لى إن بقالها خمس سنين من غير خلفه وان
جوزها ناوى يتجوز عليها إذا ما كانتش تخلف . . وطلبت
منى وصفه للحمل . . الوليه صعبت عليه قولتها فوتى عليه
آخر النهار أكون عملتك اللازم وقعدت أحضر لها فى
حجاب كويس محبش ما يخيبش أبداً . . وقرب المغريه
خبط الباب ودخلت زهره . . رححت مديها الحجاب . .
الوليه خدته وقلبته فى أيديها وقول زى ماتكون استقلته . .
قالت هوا دا يا سيدنا الشيخ اللى حايحبيب الجبل . . قولتها
ياستى إلبسيه دلوقت وإذا مانفعلش نعمل واحد تانى . .
برضه لقيتها موسوسه ، حيت أطمئنها . . قولتها يا ستى
ماتخافيش إطمئنى . . أنا مش حاسيك أبداً إلا لما تجبلى . .
غلطت فى كده !؟

نوح - أبداً .

عجائب - أنا يدوبك خلصت كلام . . وألاقياك الباب
انفتح وحاجه كده هجمت عليه . . زى أما يكون صاروخ . .
أتانى كلامى كان فى دخلة عديله . . وسمعتة وهى ورا الباب

الظاهر الفار لعب في عبا خلاها شعلت .. وهجمت عليه ..
عاديك .. ما خلثش فيه نفس .. ولا قدرت أفهمها ولا
أشرح لها ولا آخذ منها حق ولا باطل .

نوح - ما تخافش ، بكره حاناخذ منها الحق والباطل ،
اكتب يا سيد أفندي بسرعه ، العضو الرابع ، الشيخ عجائب
محمد عجائب ، قوم يا شيخ عجائب قوم ، خد محلك على
التراييزه ، قوم ، دا انت ربنا يبجك ، العلقه اللي إانت اترقتها
دى ، حا تكون نقطة تحول في حياتك . حا تكون سبب
في تخليد ذكرك في سجل الخلود ، دى اللي حا تدخلك التاريخ
من أوسع أبوابه . بدال ما كنت حتة هلفوت نصاب دجال
محتال ماشى في ركاب شيخة مجرمات الشرق الأوسط ،
دلوقت حا تبقى عضو مؤسس في أكبر جمعيه سريه عرفها
التاريخ . أكبر جمعيه حا تقضى على الطغيان والظلم والاستبداد .
قوم يا شيخ عجائب قوم . . إانت أمك داعيه لك ، صدق
من قال ، رب ضارة نافع . أو كما قال ، تيجى مع العمى
طابات .

عجائب - [في دهشة] إيه أصله ده ، أقوم أروح فين؟
محمود - قوم ، قوم ، إانت وقعت والالهوا رماك ،
آل من عديله لنوح يا قلبى لا تحزن ، قوم يا حلو ، قوم

خش التاريخ من أوسع أبوابه ، قوم لحسن المسأله مستعجله
قوى .

عجائب — بس مش تفهموني إيه الحكايه ؟

سيد — دلوقت تفهم ، بس قوم خد حلك .

نوح — يا الله يا جماعه بقی علشان نبتدی الجلسه ،
الوقت كالسيف ، أو كأم عبده ، إن لم تقطعه قطعك .

عجائب — قطيعه ، تقطع أم عبده ، وتقطع الزمن
اللى رمانا فى بيتها .

نوح — قضاك كدا يا شيخ عجائب ، أمال أنا أقول
إيه ، اللى بقالى عشرين سنه ، أم عبده مع الاشغال ، لكن
معلمش ، هانت .

فيا قلب صبراً ان جزعت فر بما

هوى الزمن على رأس ام عبده بالصرم

مكسور البيت شويه يا أستاذ سيد؟ معلمش ، مدام
مكسور على دماغ ام عبده . يبقى الكسر حلال ، يا الله
بيننا يا جماعه ، فتحت الجلسه .

سيد [بنظر الى الساعة في قلق] — احنا حان طول يا نوح
أفندى ؟

نوح — إحنا والنساهيل ، نبتدى دلوقت نقرا قانون

الجمعية ، أنا بقالى شهر با اوضع فيه ، وأعتقد إن أنا ما سبتش
حاجه أبدأ ما وفيتهاش حقهها ، خد يا سيد أفندى باعتبارك
سكرتير عام الجمعية ، اقرا القانون .

سيد — [يتناول الأوراق ويأخذ في القراءة] خطك وحش
أوى يا نوح أفندى .

نوح — الله يبشرك بالخير ، دائماً العظاء ورؤساء
الجمعيات السريه بيقى خطهم وحش كده ، لكن على العموم
شويه شويه حتاخذ عليه ، اقرا .

سيد [يقرأ] قانون الجمعية السريه لقتل الزوجات .

مادة ١ — تنشأ جمعية سريه لتحرير الأزواج من طغيان
الزوجات .. يكون مركزها العام مكان ما بمدينة القاهرة
على أن تنشأ لها في المستقبل شعباً مختلفه في جميع انحاء القطر .

مادة ٢ — الغرض من إنشائها :

(١) وقف استبداد الزوجات .

(٢) المطالبة بالحرية السبع للأزواج وهى :

(١) حرية البصبصه وشبرقة العينين ، شبرقه بريئه مبدئياً .

محمود — أنا معترض .

نوح — علشان ؟

محمود — علشان مسأله البراهه دى ، أنا ما احبهاش أبدأ .

نوح - يا أخى قولنا ، مبدئياً ، يعنى بتبندى بريئه ،
وبعدين يسهلها ربنا ، والا المسأله هبش كده ؟ .

محمود - إذا كان كده معلش ، موافق .

نوح - استمر يا سيد أفندى .

سيد - (ب) حرية الفوضى المنزليه ، وتحريم جميع
أنواع النظافه من كنس ومسح وتنفيض فى حضور
الأزواج ولا سيما أيام الجمع والعطلات الرسميه .

محمود - [بصفى طرباً] ، حلوه الفقره دى ، قلها تانى
يا خال وحياء والدك ، أصل أنا أحب الفوضى قوى .

نوح - اقراها له تانى يا سيد أفندى .

سيد - هو إيه أصله ده ؟ إحنا ماورناش وقت .

نوح - طيب كمل .

سيد - (ج) حرية الغياب عن البيت لدواعى العمل ،
مع عدم الاستفسار قطعياً عما هى دواعى العمل هذه ، حتى
لا يرهق الزوج فى التفكير .

(د) حرية الكذب . مع عدم التدقيق فى الاستجواب
حتى لا يكشف الكذب .

(هـ) حرية الاحتفاظ بسرية آثار أحمر الشفاه فى
المناديل ، والروائح العطريه والشعرات المنتصقه بالجackets

وعدم الإباحة بمصادرها خشية الحرج .

(و) حرية التصرف في نقوده الخاصة مع تحريم وضع يد الزوج في جيب الزوج لعددها . أو لسلبها كلها أو بعضها . أو لحسابه عليها .

(ز) حرية انتقاء الخدم ، مع منع طرد الخاديات الجميلات منعاً باتاً ، ومنجهن حق الالتجاء إلى مجلس الدولة في حالة الطرد ، والعودة إلى المنزل بحكم مجلس الدولة .

مادة ٣ -

نوح - استنى شويه لما ناخذ الرأي ، إيه رأيك في الحريات السبع دي ؟

الشيخ عجائب - ناقصين واحده .

محمود - إيه هي دي ؟

عجائب - حرية التحميل .

نوح - حرية ايه ؟

عجائب - حرية التحميل .

نوح - كلام ايه ده يا شيخ عجائب .. ده كلام عيب ، ماقدرش ننص عليه في صلب القانون .

عجائب - عيب ؟ ! واللى فات دا كله مش عيب ؟

سيد - أصل يا شيخ عجائب .. حرية التحميل .. حاجه

مفروغ منها .. كل واحد له الحق فيها .. من غير ما ننص
عليها .. فيه حد مالوش حق في تحميل زوجته ؟
عجائب - زوجته ؟. زوجته ايه ياسى سيد ؟ أنا قصدى
زوجات الغير .

نوح - يانهارك اسود ، عايز تنص على كده فى القانون ؟
عجائب - أيوه .
نوح - أيوه ازاي بقى ؟
عجائب - أيوه .. يعنى أيوه .. هى دى فيها حاجه ؟ .
حرية التحميل بواسطة الأحجية والشبشة والسحر والذى
منه .. ياتنصوا عليها فى القانون ، يامستقيل .. السلام عليكم
[وبنهن] .

نوح - طيب اقعد بس .
عجائب - اقعد ازاي .. مش كفايه اللي جرابى ..
انتو عايزينى أقع فيه تانى .. هوا اللي جرابى دا مش من
تحت راس إن الحريه دى مش مكفوله .. أمال ايه بقى
فايدة الجمعيه .. سلام عليكم [وبنهن] ١٩
نوح - طيب اقعد .. حاننص لك عليها .. اكتبها
عندك دى ياسيد افندى واكتب بين قوسين (خاصة
بالشيخ عجائب) .
محمود - واشمعنى بقى الشيخ عجائب .. هوا فيه
خيار وفاقوس ؟

نوح - يا أخى دى حاجه تدخل فى نطاق عمله .. يعنى يا كل
 منها عيش .. وانت لازماك ليه .. حاتعمل أحجبه انت كان؟
 محمود - مين يعرف .. حد عارف الظروف ، خليها
 مسايه كده من غير تحديد .

نوح - حاضر .. خليها كده عامه مافيش داعى
 للتخصيص ، اقر المادة اللى بعدها .

سيد - مادة ٣ : شروط العضوية ...

[بدق الجرس فيقفز سيد الى الباب ، ويبدو الخوف على الجميع ،
 يفتح سيد بجزر ولكن الباب يدفع ويدخل منه قرقر لاهناً] .

المشهد الرابع



سيد - محمود - نوح



عجايب - قرقر

قرقر - [مندفعاً فى الحديث قبل أن يرى الموجودين] الحق
 يا سيد افندى ... عرفت ايه اللى حصل .. مش دلوقت

[بلخ نوح افندی فتصیبه دهشة و فزع و یقف الکلام علی شفتیه]
الله .. هو سیدی نوح افندی هنا ؟ !

نوح — ایه الحکایه یا واد یا قرقر .. مالک ؟

قرقر — لا .. ما فیش حاجه .. دا انا بس .. اصلی ..

سید — أصلک ایه ؟ ایه ایه ؟ ا حصل حاجه ؟ !

قرقر — [یغمز سید بطرف عینیه و یقترب منه هامماً] حصل

کارته .. الست أم عبده قفشت الجواب الی کان مدلدل من

البسکونه لأن ست بهیه ما کانتش موجوده وهی الی کانت

قاعدته فی البسکونه .. واستقرته .. وعرفت الی فیه .. وعامله

هیجان و حاتو دیکو فی داهییه .. شو فولکوا طریقته بسرعه .

سید — [مذمولاً] طریقته ؟ ! طریقته ایه بقی ؟ ! دی

اتنیلک خالص .

نوح — بتوشوشوا بتقولوا ایه ؟ ! قرب هنا یا واد

یا قرقر .. قرب ؟ ! ایه الحکایه ؟ !

قرقر — [یقترب مرئبکاً] ما فیش حاجه .. ده موضوع

کان کلفنی یه سید افندی .

نوح — طب اقعد .

قرقر — اقعد ازای ؟

نوح — اقعد .

قرقر — أنا ورا یا شغل .

نوح — قلت لك اقعد يعنى اقعد .

قرقر — والسـت أم عبده ؟

نوح — ولا تهـمك . . انت مصيرك بقى فى إيدى
حسب قانون الجمعـيه . . المـادة (٢) الفـقره (ز) . . للأزواج
حرية انتقام الخدم . . اقعد . . اكتب اسمه عندك يا سيد
افندى . . أهو دلوقت بقى مجلس إداره محترم . . احنا
ممكن كان نعمله سكرتير عام مساعد . . ده ينفعك أوى
يا سيد افندى . . يقدر يساعدك ، فى كنس الجمعـيه . . فى
رشها ، برضه الأمر ما يخلص .

سيد — [بكتب] عبد الجليل الجرجاوى وشهرته قرقر
سكرتير عام مساعد لشؤون الكنـس والرـش .
قرقر — ما بلاش حكاية الكنـس والرـش . . خـليها
عـايمه . . يمـمكن تحتـاجولى فى حاجه تانيه .

نوح — برضه أحسن ، اشطبها ياسى سيد ، كمل قرابه .
سيد — الماده ٣ : شروط العضوية :
(١) أن يكون إنساناً عاقلاً محترماً .

محمود — [صائحاً] ايه هوا ده ؟! عاقل إيه ومحترم
إيه؟ الظاهر انكم مش عايزين حد ينضم للجمعـيه أبداً . .
دى شروط معبـزه . . دى هى دى الشـروط اللى يجب
إنها ما تتوفرش فى العـضو .

- نوح - إزای بقی ؟
- محمود - لانه إذا كان عاقل . . مش حایتجوز .
- سید - وإذا كان محترم ؟
- محمود - مش حایتخش الجمعیه .
- نوح - طیب شیل الشرط ده . . اقرا الی بعده .
- سید - (۲) اتین .
- نوح - خلیها (۱) واحد علی طول .
- سید - طب (۱) واحد . . أن یکون زوجاً تعیساً .
- قرقر - الله ؟ وإذا ما کانش متجوز زی حالاتی .
- نوح - الجمعیه تجوزه .
- قرقر - طیب وإذا ما بقاش تعیساً ؟
- نوح - الجمعیه تتولی إتعاسه .
- قرقر - ما اتعشش ؟
- نوح - تطلقه وتجوزه واحده تانیه تعسه .
- قرقر - برضه ما اتعشش .
- نوح - یبقی طابور خامس . . یجب فصله .
- قرقر - وإذا . .
- سید - احنا مش حانخلص والا إیه ؟ ا بس بقی یاسی
- قرقر خلینا نکمل .

قررر — يعنى ما استفهمش ؟

سيد — ابقى استفهم بمدين .. خلينا نخلص دلوقت ،

[ناظراً الى الباب فى تلقى .. ثم الى نوح فى استعطاف] أظن كفايه

كده النهارده ؟

نوح — كفايه ازاي .. انتوا ايه ؟ مش حاسين بخطورة

الحاله .. احنا لازم نشتغل ليل نهار .. الحاله وحشه جداً ،

احنا اذا ما كناش ننفذ نفسنا .. حازروح فى داهيه .

[دقائق متواصلة من الجرس .. طرقات متوالية على الباب .. ويسمع

صوت أم عبده من الخارج]

أم عبده — افتح يا ضلالى منك له ، والنبي لأوديكوا

النيابه يا خباصين يا هلاسين .

نوح [قافراً من مكانه وهو يلم الأوراق فى الحقيبة] — يانهار

اسود دى أم عبده .. الحقونى .. لازم فيه وشايه بالجمعيه ،

خلاص ، روحنا فى داهيه .

[يهرول بحقيبتيه وأوراقه مندفعاً الى باب الحجره وخلفه الشيخ

عجائب]

قررر — جمعيه ايه وبتاع ايه ؟ ايه العمل دلوقت ..

حانقولوا لها ايه على الجواب اللى بعتته سى محمودم البلكونه؟

محمود — أنا ياخويه ما بعثش حاجه .. حد الله بيني

وبينهم ، حد في الدنيا يحب بنت أم عبده !! يحب بنت
 طور بيد ؟ بنت بركان !! ياساتر يارب .. أنا حازوغ ياخال
 واصطفل انت معاها .. أنا طول عمري لا بالحب حد
 ولا حد ييجيني ...

[يتجه الى باب المطبخ]

قررر - وأنا إيه اللي يخيليني أقابلها .. هو أنا مستغنى
 عن نفسي .. خدني معاك ياسى محمود .. أنا مش حملها .
 [يختق وراء محمود]

[يزداد الطرق واللق فيتجه سيد الى الباب مرتجلاً ويفتجه في تردد
 فتدفعه أم عبده وتندفع تائرة الى الداخل وفي يدها الجواب]

المشهد الخامس



[سيد - أم عبده]

أم عبده - هو أفين هو آده ، الضلالى الخباص الى
 ما يختشيش .. هو آفاكرها إيه ، سايبه ؟ وكاله من غير
 بواب ؟ مال من غير صاحب .. عايز يتلف البنت ويحب
 أملها ويخسر أخلاقها ، لا يا حبيبي .. لا يا عومر .. إحنا مش

من أهل ذلك .. احنا ناس أحرار ، مش بتوع مسخره .
سيد — هدى نفسك بس ياست أم عبده .. هو
لاسمح الله حد قال عليكوا حاجه ؟
أم عبده — يقدر .. دا انا كنت قصفت رقبته ، وأطلع
البلا على جتته .

سيد — طيب أمال مزعله نفسك ليه ؟
أم عبده — مزعله نفسى ليه ؟! على اللى حصل ، هوا
اللى حصل شويه .. عايزنى أرفع بالزغاريط .. عايزنى أتخزم
وارقص .. هى دى عامله تتعمل هوا مافيش خشا مافيش حيا
دا احنا ناس أشراف .

سيد — هوا فيه حد قال إنكم مش أشراف ؟! دا اتم
أسياد الناس .. دا اتم سمعتكم زى الجنيه الذهب .
أم عبده — ولما اتوا عارفين كده .. يبقى لزومه
إيه ده [تشبه بالخطاب] لزومه إيه المسخره وقلة الأدب .

سيد — ياست أم عبده ، هوا فيه مسخره وقلة أدب !
أم عبده — لا .. فيه حكم ، فيه وعظ ، حوش ياخويه
الآيات اللى بتنقط منه حوش ، حوش الأدب اللى بيخر
حوش ، آل فيه إيه ؟ .. فيه انت معى دائماً ، فى كل نومه
وقومه ، ياخى إن شا الله بنام مايقوم ، معاه ازاي الضلالى

اللى مايتحشيش على عرضه .. بنت زى دى لسه عندها ما تفتح حشيش
يقول عليها انها معاه فى كل نومه .. إزاي !! دا أنا أوديه
النيابه ، دانا أبيتته فى السجن .

سيد — ليه بس ياست أم عبده .. الراجل قصده
برى و نيتته طيبه .

أم عبده — طيبه؟! ياخى ما طاب له عيش ، آل طيبه
آل ، بعدما يقول لها انت نايمه معايه دايماً .. يبقى برضه
طيبه ، أمال كان ناقص يقول لها إيه؟

سيد — ياست دا قصده توريه .. يعنى فى ذهنه دايماً ،
وهو نايم وهو صاحى .

أم عبده — لا يا حبيبي .. لا يا نضرى .. احنا مش من
بتوع التوريه ، احنا ناس جد .. ناس أصله .

سيد — احنا عارفين ياست أم عبده .. احنا عارفين
قيمتكم كويس خالص ، ومحمود قصده شريف .. محمود
بيحب بهيه ، وعاز يتجوزها .

[تسمع نحنة محمود من وراء باب المطبخ]

أم عبده [تآين بمض الشيء] — واللى عاز يتجوز الناس
ياسى سيد يقوم يتجوزهم بالسنانير والحبال ومشابك الغسيل
من الشبايك والبلكونات .. برضه دا يصح ، هى ماهاش

أب .. مالهش أم ، افرض حد من الجيران كان شافه ،
 يقولوا ايه .. يقولوا البنت دايره على حل شعرها ، يقولوا
 مالهش حد يلها .. انت عارف الناس لسانتها وحشه ازاي
 ياسى سيد ، وماحدث بيقدر ولايعرف .
 سيد — معلش يا خالتي أم عبده .. حقك عليه ..
 امسحها فيه أنا ، محمود برضه معذور أصله بيحب بهيه قوى
 ويموت فيها .. يتمنى التراب اللي بتدوس عليه ، والنسمه
 اللي بتمر بيها .. هي حياته ، هي روحه .
 أم عبده — حيلك .. حيلك ياسى سيد ، احنا مش بتوع
 حاجات زى دى .. احنا مانعرفش الحب .. احنا ناس جد .
 سيد — وهو آده هزار ياستى أم عبده ، أمال بيتقى ايه الجده؟
 أم عبده — الجده عندنا يعنى جواز .. إذا كان عايزها ،
 يجي يتقدم ومعاه الشبكه والذى منه .. ماذا والا ...
 سيد — وجب ياست أم عبده .. دا برضه اللي حايعمله .
 [نسمع نمنحة احتجاج من محمود وراء الباب]
 أم عبده — أهو كده الكلام .. الحكايه مش سايبه .
 سيد — لا سايبه ازاي .. احنا ناس نعرف ونقدر .
 أم عبده — أنا مستنيا كوا .. متأخروش .
 سيد — متأخر ازاي .. الليله دى نقرا الفاتحه .. وبكره
 نجيب الشبكه .

أم عبده — أمال هوا فين سي محمود ؟
 سيد — سي محمود .. أيوه .. بس وصل كده لغاية
 مشوار بسيط وزمانه جاي .. اتفضلتي انت .. وانا أول
 ماييجي حانزل لكم على طول .. مع السلامه .
 أم عبده — خيلتك بعافيه .. مستنياكم .
 سيد — الله يعافيكى .

[لا تكاد تقترب من الباب حتى يبدق الجرس بشدة ، فيرتك سيد
 ارتباكا شديداً ويسرع نحو الباب ولا يكاد يفتحه حتى يجده عديله قد
 اندفعت الى الداخل وهي تلهث]
 عديله — ستى .. الحقى يا ستى .. البوليس كابس على
 البيت ويقولوا عايزين يفتشوا شقتنا والشقة دى كان .
 أم عبده — [تضرب على صدرها] بوليس !؟ يا نداهه ..
 حد عمل حاجه .. هم فين هم .. أما شوف ايه الحكايبه ؟
 عديله — أهم طالعين فى رجلى يا ستى .
 [لا تكاد تم حديثها حتى يدخل ضابط مباحث ومعه اثنين من المحبرين]
 سيد — [مذهولاً] ايه ؟ فيه ايه ؟
 الضابط — خليكوا زى ما انتو كده .. ما فيش حد
 يتحرك .. فيه واحد هنا اسمه نوح افندى ؟
 أم عبده — [نى ذعر] ماله نوح افندى ؟! جراه ايه ؟
 فيه ايه ؟!

الضابط — هوا فين ؟

سيد - هو افين ؟
الضابط - ايوه هو افين ؟
سيد - ايش عرفنى .
الضابط - مش دى شقته ؟
عديله - لا يا حضرة البيه . . شقته تحت . . ودى
الست بتاعته .

الضابط - حضرتك ؟
أم عبده - ايوه أنا .. ماله نوح افندى ؟ مش تقولى
يا حضرة الضابط وترىخنى .

الضابط - متهم بعمل جمعيه سريره لقلب نظام الحكم .
أم عبده - قلب ايه ؟
الضابط - نظام الحكم .

أم عبده - ياخى إن شا الله تنقلب دماغه ويتوجع
قلبه . . هوا ده يعرف يقلب نظام حكم . . ودا مين بقى
بسلامته اللى قال لك عليه الحكايه دى ؟

الضابط - يا ست احنا عندنا اثباتات . . احنا مش
بنهزر . . تعالوا كده شويه خلونا نفتش .

سيد - وتفتشوا هنا ليه ؟ إذا كان نوح افندى
مش ساكن هنا ؟

الضابط — لأن المعلومات اللي عندنا ان الاجتماعات بتاعته مع أعضاء الجمعيه يعقددها هنا .

أم عبده — بقى كده ١٩ نوح افندى يعمل جمعيه واجتماعات !! طيب اتفضلوا فتشوا .. إن شاء الله حاييجي نقبكم على شونه .. هوا نوح افندى فاضى غير للبصبه والغنا . خشوا فتشوا .. الشقه أهى قدامكم .

سيد — [مرتبكا] لكن ..

الضابط — [للخبرين] ياالله ابتدوا ..

[يأخذ الخبران فى تفتيش الصالة ويتجه هو الي باب الحجرة]

الضابط — [مشيراً الي الباب] وهنا فيه ايه ؟

سيد — [مرتبكا] هنا فيه .. فيه .. لا ما فيش حاجه ،

ما فيش حاجه أبداً .

الضابط — متأكد ؟

سيد — جداً .

أم عبده — ياخويا خش شوف وريح نفسك ..

آل نوح أفندى آل .. دا تلقية زمانه سطوحه من السكر ..

هوأ يفوق لنفسه لما حايفوق للجمعيات .

[الضابط يدفع الباب يفتاحاً بنوح افندى واقفا خلفه ممسكاً بالحقيبة

والأوراق فيتراجع فى دهشة]

الضابط — الله ؟ ايه ده ؟

أم عبده - [تقرب على صدرها] نوح افندى .. يا نهار
مهيب ومنيّل .. انت بتعمل ايه هنا يا راجل !

الضابط - هوا دا نوح افندى .. هه .. بقى كده !!
ما فيش حاجه أبدأ ؟ ! زمانه سطيحه من السكر !! اطلع
يا نوح افندى .. اطلع .

[يدخل نوح افندي فيبدو وراه الشيخ عجائب وهو معصوب الرأس]
الضابط - ودا ايه كان ؟

عديله - [تشق من فرط الدهشة] الشيخ عجائب ، ينيلك
انت كان بتعمل إيه هنا ؟

الضابط - خش .. خش .. وانت تبقى إيه يا شيخ
عجائب .. عضو مجلس إداره منتدب ؟

عجائب - أبدأ والله .. أنا عضو عادى .. عضو
مستجد ، بقالى خمس دقائق بس ، ولولا العلقه اللي اترقتها
دلوقت ، ما كنتش دخلتها أبدأ .. الله يخرب بيتك يا زهره
بحق جاه النبي ، إنك اللي كنت السبب .

أم عبده - يا ناس ، يا هوه ، أنا فى حلم والا علم ..
نوح افندى والشيخ عجائب يعملوا جميعه ، لقلب نظام الحكم ؟
حقه بطواده واسمواده .

عديله - ياما تحت السواهي دواهي .. الواحد يشوفهم
يقول عليهم غلابه وعلى نياتهم .

الضابط - [لأحد المخبرين] خد منه الشنطه حطها على
الترابزه ، وطلع اللي فيها .

[يهم المخبر بأخذ الأوراق والحقيبة ولكن نوح يتشبث بهما]

الضابط - إديها له .

نوح - مايمكئش .

الضابط - [فدهشة] مايمكئش ليه ؟

نوح - مايمكئش يطلع اللي فيها قدام الحريم دول
[ويشير إلى أم عبده وعديله] .

الضابط - ليه بيق ؟ فيها قباحه ؟

نوح - وهم الستات يكرهوا القباحه ؟

الضابط - أمال فيها إيه ؟

نوح - بعدين أقول لك ، بس أرجوك تأمر ياخراج
صنف الحريم اللي هنا علشان نعرف نتفاهم على رواقه .

أم عبده - أنا أخرج ؟ يا اخي ان شا الله تخرج على
ضهرك يا بعيد .. وايش عجب .. أنا اللي أخرج بس ، أنا
لوحدى من دونهم كلهم اللي تخاف مني ، أنا اللي مستحملك
طول العمر ، ومستحمله همك وبلاويك .

الضابط - طب ياست انفضلى برّه شويه ، أما نشوف
آخرتها معاه .

أم عبده - أتفضل برّه .. ليه عدوته ؟ ا ضبا به على
عينه ؟ ! والنبي ما اخرج إلا اما اشوف إيه الحكايه .. أنا
عارفاه ، وعارفه وحايده ، المسأله لازم فيها سر .

الضابط - ياستى خيلنا نشوف شغلنا .

أم عبده - دا بيتى .. ما اخرجش ولا اتحر كشى .

الضابط - طب ياسى نوح افندى ، إديله الشنطه .

نوح - [متبثناً بها بشده] أبدأ .. هوا أنا مجنون أوريها
اللى فيها إيه .. أنا قتيل الشنطه .

الضابط - طيب خيلها معاك [للخبيرين] كلوا تفتيش ،
خش انت فتش فى بقية الأود [يشير الى باب المطبخ] ودا إيه ؟
سيد - المطبخ ودورة الميه .

الضابط - وفيهم إيه ؟

سيد - عضو مجلس الاداره المنتدب .. والسكرتير
العام المساعد .. لشئون الكنس والرش .

[يفتح الباب .. ويخرج قرقر منفلاً]

قرقر - ماقولنا اشطبوها دى .. سكرتير عام مساعد

بس .. ما فيش لزوم للفضايح دى .

أم عبده - يابن الصرمه القديمه .. إانت كان بتشتغل
فى الجمعيات السريه ؟! دى لازم جمعيه وقبع خالص .. سيبيهم
يا حضرة الضابط سيبيهم بلاش تضيع وقت .. دول جماعه
مخاييل .. أنا عارفهم كويس .. مافيش فيهم عاقل غير
سى محمود أفندى .. لو كان هنا كنا قدرنا نعرف منه
الحكايه وما فيها .

[محمود يخرج متنحنجا]

محمود - السلام عليكم .

أم عبده - يا نهار اسود .. إانت كان معاهم !! لا ..
أنا خلاص .. برج من عقلى حايطير .. لازم أعرف إيه
الحكايه ؟! إيه السر ؟!

الضابط - وده إيه كان ؟

نوح - عضو مجلس الإدارة المنتدب .

أم عبده - منتدب ؟! يا أخى إلهى يتدبوا عليك ..
يا راجل يا شايب يا عايب .. مش حاتوربنى إيه اللى فى
السنطه دى ؟ .

نوح - مايمكنش . أنا مجنون أودى نفسى فى داهيه !

الضابط - إانت لسه حاتودى نفسك فى داهيه ..

دا انت حاتروح اللومان .

نوح — معلش لومان لومان .. برضه اهون من اللي
حايجر الى لوشافت اللي في الشنطه .

أم عبده — آه يا نارى .. لو أتم على اللي فيها .. لأوريك
نجوم الظهر .

نوح — شفت .. مش قلت لك .

الضابط — على العموم اتفضلوا قدامى كلكم .. كده
بجالكم بمالكم .. اتفضلوا على المحافظه .

نوح — يا الله بينا .

محمود — يا الله بينا إزاي ؟ هوه إيه أصله ده ؟ ..
إنت عايز تودينا في توكر .. لازم نقول لهم على الحقيقه .

نوح — حقيقه ؟ .. إنت مجنون ؟ .. دى هي دى اللي
حاتودينا في توكر .. اسكتوا اتم من فضلكم أنا الرئيس
وأنا مسؤول عن كل حاجه .. يا الله بينا .. أتمسى بالخير
يا أم عبده .

أم عبده — الله لا يمسيك ولا يصبحك بالخير زى
ما انت محيرنى ومفرج على الناس .

[يتجهون نحو الباب وبهم أحد الخبيرين بفتح الباب عندما يثق
الجرس بجأة]

سيد [متزعجا] — وده بيتق مين ده كان ؟

محمود — واحده من الفردتين .. هم اللي فاضلين ..
مابقاش حد تاني بره أبدأ .

[يفتح الباب فتبدو زكيه وله]

محمود — مش قلت لك .. آدى فرده .. ببقى
فاضل التانيه .

زكيه [في زهول] — يا نصيقتي ؟ .. إيه الحكايه ؟ ..
إيه أصله ده ؟ .. جرى إيه كفى الله الشر .. إحنا جاين
نتعشى ونسهر وننسط والاجاين نفتح محضر .

أم عبده — بقي كده .. قولتولى .. يا خباصين
يا هلاسين يا اولاد الصرم .. هي دى الجمعيه السريه بتاعتكم .
بقي كلكم ملومين علشان تقعدوا تسكروا وتهيصوا ..
وتعملوها أردغانه .. خشى يا ختى خشى .. خشى سمى عليهم ..
قبل ما يروحوا التخشيه .. هوّا دا قلب نظام الحكم ..
يا خى إلهى تنوجع قلوبكم .. من أولكم لآخركم .. بقي كلكم
ملومين علشان خاطر البت المفعوصه دى .. اللي زى
عصا عيص النقاريه .

زكيه — نقاريه مين يا جيتتى .. ماشهش والا إيه ؟
دانا ولعه والأجر على الله .

أم عبده — ولعه لما تقيد فى نافوخك ونافو خهم ..
اتلى يا بت لحسن والنبي ..

زكيه - والنبي إيه يا ادلعدي ؟! .. حاتعملى فيه إيه ..
حاتقطعى الراتب اللى بتجريه عليه . . حاتحوشى عنى
الخيرات اللى مغرقنى فيها بسلامته نوح أفندى . . آل اللى
يفرقه العويل يسفه .

أم عبده - سامع ياسى نوح . . سامع .
الضابط - كويس قوى . . كويس خالص . . بلاش
نشوف شغلنا ونقف نتفرج على ماتش الردح اللى بينكم .
بس خلاص . . اتنهنا . . فوتو قدامى كلمكم .

أم عبده - يفوتوا قدامك إنت ؟! . . دول يفوتوا
قدامى أنا . . إنت لسه برضك فاكر إنهم عاملين جميعه سريه
وحا يقبلوا نظام الحكم ؟! بقى بعد اللى إنت شايفه ده
عايز برضه تاخدكم معاك ؟! دا انت لازم على نيانتك . .
سيهم لى إنت . . أنا أشوف خلاصى معاهم . . اتفضل إنت
و أنا حاشوف شغلى .

نوح - إوعى يا حضرة الضابط . . إوعى تسبيننا . .
لوسيتنا أنا حابلق عنك . حايبقى إهمال فى تأديه وظيفتك . .
أدينى بقول لك أهه .

عديله - طيب فوت إنت قدامى يا شيخ قطران .
عجائب - أبدأ . . أنا مع نوح أفندى . . إلحقنى

يا حضرة الضابط .

الضابط — هو إيه أصله ده .. إنتم إيه حكايتم ؟ .

[بدق الجرس]

محمود — وادى الفرده التانيه .. أهى خلاص كملت .

أظن بعد كده مش حايقى فيه خوف أبدأ .. وادى قعده

[يجلس متربها على الكنبه بعد أن بأخذ زجاجة بيده ويفتحها]
تاخذلك شفته يا خال ؟

سيد — [وهو بتجه لينفتح الباب] يا أخى احنا فى إيه

والا فى إيه . أما نشوف اللي حايجر النا .

محمود — يعنى حايجر النا إيه أكثر من كده ؟ آل

ضربوا الأعور على عينه آل خسرانه خسرانه .

[يفتح سيد الباب — فتبدو به بهيه] .

بهيه [فى ذموم وهي تهم بالتراجع] — الله ؟ ! وإيه جابكم

كلكم هنا ؟

سيد — [مرتبكا] لا مؤاخذه ياست بهيه ، أصل فيه

شوية سوء تفاهم ، أنا متأسف قوى ، اتفضللى استريحي .

[تقف بهيه فى الباب حائرة وجلة]

بهيه [وهي تنظر الى الثعبرين] — ودول بيعملوا إيه هنا ؟

وإيه اللي شايله بابا ؟

سيد — ما فيش حاجه . ما فيش حاجه أبدأ [يتقدم

نحو نوح أفندي وبأخذ منه الشنطة [هات ياسى نوح أفندي
الشنطة بتاعتي واتفصلوا انتوا على تحت . يا حضرة الضابط ،
أنا اللي مسئول عن كل حاجه ، نوح أفندي كان جاى
بيطالبنى بالأجره . فعرضت عليه إنه يشترك معايا فى
جمعيه عاملها ، اسمها جمعيه قتل الزوجات .

الضابط — قتل إيه ؟

سيد — الزوجات ، الزوجات ، إنك مش متجوز ؟
الضابط — متجوز .

سيد — يبقى المشروع لازم يهملك قوى .

الضابط — [ضاحكا] بس لسه متجوز جديد .

سيد — يبقى كان شهر واحد حاجا تحتاج لنا ، واتفصل
شوف الأوراق علشان تصدق ، أهه اقرأ .

[بقرأ الضابط ثم بيقهه] .

الضابط — دى الجمعيه بتاعتكم ؟ وعلشان كده خايف

تورى الأوراق للست بتاعتك يا نوح أفندي ؟

نوح — أنا ما لياش دعوه بالجمعيه ، أنا رفضت خالص

أشترك فيها . أنا راجل با أحب مراتى موت ، موت .

أم عبده — إيه ؟ بقى كده ؟

الضابط — طيب عن اذنكم يا جماعه ، أنا متأسف أوى

لسوء التفاهم التي حصل، الظاهر إن المعلومات التي جت لنا كانت
مبنية على مجرد شكوك كاذبه متأسف جداً ، سلاموا عليكم .

[يخرج الضابط والمخبرين ويحاول نوح الخروج في أذيالهم]

أم عبده [توفقه] — بس ، رايح فين ؟

نوح — مش خلاص خلصنا ؟ الحكايه طلعت فشوش ؟

أم عبده — فشوش عندهم هم ، لكن مش عندي أنا ،

إنت فاكر أنا ينطلي على الكلام ده ، أنا لسه لي حساب

معاك . الست ولعه هانم إية اللي جاها هنا .. جايه لمين ؟

نوح — أنا عارف ، هو أنا صاحب الشقه .

أم عبده — والشرب والمزه دي مين اللي جايبهم ؟

نوح — أنا مالي يا ست .

أم عبده — مالك ؟! جاك مله على جنابك ، دا أنا

حاسو دعيشتك . مابقاش كان غير تجيب لي النسوان الهلافيت

لغاية البيت ، أنا أبقى قاعده تحت مستنيك على نار ، وانت

قاعد تسكر وتهيص وتفرفش مع الست ولعه [تمسك بتلابيه

وتهم بضره] .

نوح — يا ست والله العظيم أنا ما اعرف إنها جايه .

أم عبده — أمال يعني جايه لمين ؟ [تشدد الخناق عليه]

حمود — جايه لي أنا يا ست أم عبده ، سبني الراجل

بقي ، ده مظلوم .

أم عبده — [تستدير الى محمود] جايه لك انت ؟ ا؟ وكان
بتقر بلسانك يا خباص يا ضلالي . انت اللي عامل بتحب وعمال
تحدف جواربات الغرام من الشبايك والبلكونات . انت اللي
عمال تضحك على عقول البنات . انت يا نصاب يا فلاقي ،
والنبي لاوديك في داهيه . شايفه يا ست بهيه شايفه السافل
الدون المجرم . اللي عامل يضحك على عقلك . . شايفه
الرجاله .

سيد — [في غضب شديد] إيه ده يا سي محمود الكلام
الفارغ اللي بتقوله ده ، ما تصدقش يا ست أم عبده ،
ما تسمعيش كلامه يا ست بهيه ، دا بيحك قوى .. دا ييموت
فيك . دا ما بينامش الليل من التفكير فيك ، دا حا يخطبك
حالا دلوقت .

زكيه — [صارخه] يخطبها ؟ الخاين ، اللي ما عندوش
ضمير . وأنا أمرته ؟

محمود — بقى اسمع يا خال ، لحد هنا وبس ، كفايه
اللخبطه اللي حصلت دى كلها ، أنا قلت لك أنا لا با أحب
ولا با اخطب .

سيد — ما تصدقش يا ست بهيه ، دا بيكذب .

بفيه — [تطرق برأسها] لا ما يكذبش ، اللي بيكذب
إنت .. أنا عارفه مين اللي يبجني ، وعارفه مين اللي بيكتب
لى الجوابات . أنا عارفه مين اللي يقعد طول الليل يصفر
الألحان الحزينه الجميله . أنا عارفه مين اللي قلبه جميل ومشاعره
رقيقه ونفسه طيبه ، عارفه كل حاجه . وحاسه بالجرح اللي
سيتهولك أول مره شفتك ، وعرفت بعدها إن أنا اخطأت
الشخص اللي بجه ، وابتدا شعورى يتجه اتجاهه الصحيح ،
وحاولت كام مره أقول لك إن أنا عارفه ، لكن كنت
ما بتدنيش فرصه ، كنت بتهرب ، كنت خايف ، وأظن
دلوقت أحسن فرصه أقول لك فيها الحقيقه قدامهم كلهم .
وأقول لك كان أنا مستعده إنى اتجوزك .

سيد — [مذمولا] مش معقول ، أنا مش مصدق ؟
أنا ، أنا ، إنتى ، إنتى ؟

أم عبده — ماشاء الله ، ولك عين تقولى كده قدامنا ؟
سيد — يا خالتى أم عبده ، أنا مش قادر أقول إيه ..
أنا ما كنتش فاكتر إن ربنا حايكمرنى للدرجه دى .. أنا
ما كنتش متصور أبداً إن صبرى الطويل ده ينتهى بتحقيق
الحلم اللي كنت يائس منه .. أنا طالب القرب منك فى
بنك .. أنا طالب القرب منك يا نوح افندى .

نوح - وجمعية قتل الزوجات ؟

سيد - فلنسقط جمعية قتل الزوجات . . ولتحي
الزوجات .

نوح - واذا عملت فيك زى امها ما بتعمل فيه ؟

بيه - ما افتكرش ، مافيش أسهل من مرضاة الزوج ،
الحكاية ماتستوجش جهد كبير أبدأ . . كل الحكايه إن
الزوجه تكيف مزاجها على مزاج جوزها . . إذا كان
ماحبش الخروج تبقى تحاول هي إنها تحب البيت ، وإذا كان
يكره التنظيف ، يبقى مش لازم تنظف قدامه . . ده بيته اللي
يستريح فيه . . وأظن أقل ما فيها إنها تهيأ له فيه الحاجه اللي
ترضيه حتى ولو كانت غلط ، ومش ضرورى تضيق عليه ،
وتسنكر عليه الشبايك . . لازم تديله شوية حربه ، وشوية
هوا ، يخلوه يحس بقيمتها . . مافيش داعى تشتغل له بوليس
سرى ، المهم إنها هي تكون كويسه . ومسيره إذا كان يببص
كده والاكده أنه يقارن بينها وبين غيرها ، ويحس بفضلها
ويعرف إن هي الأحسن ، وإنه مالوش غيرها ، مافيش
داعى للشبشه والسحر والكلام الفارغ . . كل ده نصب
واحتيال .

عجائب — أيوه ، والله يابنتي لك حق ، أنا عمري ما فلتحت في
حاجه عملتها أبدأ .. إلا حاجه واحده ، اللي هي كانت طالباها
مني بذت الصرم .. عديله .

محمود — كانت طالبه إيه ؟

عجائب — كانت عايزه أعمل لها حجاب علشان تتجوز .
عملت لها الحجاب ، وبعد جمعيتين اتجوزتني ، ووقعت أنا في
شر أعمالى .

عديله — بقی كده ، طيب بس لما تطلع فوق .. وأنا
أسود لك العين التانيه .

محمود — ودلوقت خلاص وافقتم ؟

نوح — أنا ما عنديش مانع .

أم عبده — أما نتفق في الأول على المهر والشبكه .

نوح — طيب ، بعدين يحلها ربنا .

أم عبده — أبدأ .. دلوقت لازم ننهي كل حاجه .

سيد — أيوه برضه أحسن .. أنا مستعد لكل حاجه .

أم عبده — أنا عايزه خمسين جنيه شبكه .

محمود — خمسين إيه ؟

أم عبده — خمسين جنيه .

محمود — طيب خيلنا بقى لما يبعثونا فلوس م البلد .
أم عبده — بلد؟ بلد إيه يا عمر .. أنا عايزه الفلوس
دلوقت حالا .

نوح — حالا إزاي بس ياست أم عبده .. هى الحكايه
إيه؟ قفش!

أم عبده — أيوه قفش .. أنا لازم أربطهم .
سيد — بس ، وبعدين .. ياجماعه .

[يدق الجرس]

محمود — ودا ببقى مين دا كان؟

[بفتح قرقر فيجد الباب الشيخ زين]

الشيخ زين — يا ساتر .. السلام عليكم .. هى دى شقة
سيد أفندى الفنط ..

قرقر [مرحاً] — شيخ زين !! أهلا وسهلا .. جيت
فى وقتك يا شيخ زين .. اتفضل .. اتفضل [بدخله ويجلسه
على أحد المقاعد باحترام وزحيب شديد] أهلا .. وسهلا ..
أهلا .. اتفضل .

[يجلس الرجل صامتاً والجميع ينظرون اليه فى دهشة ويتسلل
قرقر الى المطبخ ثم يحضر مقشة غليظة ويقف وراءه ثم يهوى بها
على رأسه] فيخر مغشياً عليه .

سید [صارخا] — ایہ دہ ؟ ایہ الی عملتہ دہ ؟ انت
اتجنت ؟

قرقر [بفرك بدبه] — بس فرجت [بدخل بدہ و ییب
الرجل نم ینخرج المخفضة ملیئة بالنقود] عایزین کام [بمد] عشرہ ..
عشرین .. ثلاثین .. أربعین .. خمسين .. يدوبك یکلم
[بعطی النقود لام عبده]

أم عبده — ایہ الی عملتہ دہ ؟

قرقر — خدی بس دی فلوسهم .. جاییہالم م البلد .
نوح — طیب و ماسبتوش لیه لما یدیہالم ؟
قرقر — آسیہ ؟ هوا انا اتجنت .. حایتعد یقول ..
بعد فحص و بحث و تمحیص و إثبات شخصیه ، و موت
یا حمار لما یجیلک العلیق .

زکیہ [نہم بالخروج] — طیب اخرج أنا بقی .

محمود — تخرجی ازای ! دول هم الی ینخرجوا .. یا الله
یا جماعه اتفضلوا کلکم من غیر مطرود .. یا الله یا الله .

أم عبده — یا الله بینا ، فوت قدامی یا سخام البرک ؟

سید — انفضل یا نوح افندی .

قرقر [یتقدم هو] — ولا مؤاخذه سخام البرک ..

دا يبقى انا .. نوح افندى يبقى هباب الطين .
أم عبده - اتفضل ياسى هباب الطين .
نوح - مافيش فايده .. اللسان الزفر .. حايفضل
طول عمره زفر .
محمود - فلتسقط الزوجات ولتحى زكيه ولعه .

[يسدل الستار]

ختم

للمؤلف

تحت الطبع

تمثيلات قصيرة
ساكنة الحنايا
فديتك يا ليلى
أساطير الأولين
موته لله

تطلب كتب المؤلف من :

مكتبة النهضة المصرية، ودار الفكر العربي، والخانجي بالقاهرة.

د النهضة السودانية بالخرطوم .

د المثني ببغداد .

دار المعارف ببيروت .

د اليقظة العربية بدمشق .


د الكتاب بالدار البيضاء .

مكتبة الثقافة بمكة المكرمة .

شركة فن الطباعة

شارع الاندلس رقم 1 - حي مصر
عمارة 8449 - القاهرة - مصر







ملزم الطبع والنشر
مكتبة النهضة المصرية

شركة ابن الجوزي

طبعة الإصدار رقم 1 شهر ديسمبر

عدد الصفحات 222 صفحة





LIBRARY
OF
PRINCETON UNIVERSITY

Princeton University Library



32101 072236019

